



OXONIAE  
E Theatro Sheldoniano A° 1673.

X





ARTIS  
N. 5. 67  
RATIONIS

Maxima ex parte  
ad mentem

NOMINALIUM,

LIBRI TRES.

OXONII,

ET THEATRO SHELDONIANO.

*Anno Dom. 1713 MDCLXIII.*

ARTS  
RATONIS



244:00

OXOYIA

ETHEATRO SHEDONIAN

Amo Dom. 1600

## P R Æ F A T I O.

**D**In multumque complures viri eruditi in votis habuerunt, ut disciplinarum Academicarum Encyclopædia quæpiam digna existimatione, digna experientia, digna tot Bibliothecarum adminiculo ab hac Universitate aliquando adornaretur; nec alumni nostri multitudine librorum, doctrinæ diversitate, vel terminorum, methodi, regularumque discrepantiâ distraherentur & confunderentur. Quinetiam tam Universitatis honori, quam studiosorum sumptibus, temporis profectui: imo & reipublicæ totius incremento nullâ ratione melius consultum iri existimarunt, quam si Juvenes disciplinâ publicâ, & Academiæ totius Authoritate instituti, nec singulorum docentium placitis, nec alienorum (fortè non rectè sentientium) dogmatibus exponerentur & imbuerentur. Sed intra vota privatorum restitit totum hoc negotium, donec vir admodum Reverendus, & de  
2 2                      literaria,

# PRAEFATIO.

literaria, æque ac de hâc, Universitate optimè meritis, nupera Logicae institutionis editione, non modò promovendi spem iniecit, sed magnam operis partem sublevavit: dum materiam, quæ integro operi sufficeret, ex optimis quibusque Authoribus intra paucas paginas, uberrimè tamén, coæcervavit. Nec aliud sibi proposuisse videtur, benè conscius quàm difficile sit tot convivis, & fatis delicatis quidem, ferculum unicum apparare. Sunt enim, quos Neotericorum minutalia & Embammata solummodò delectant; habent etiam solidiores Antiquorum patinæ suos cupitores & gulones. His, quorum palatis Nominalium placita & explicationes arri-  
dent, racemationes istæ proponuntur; quæ si viris doctis sitim accendant, dabitur opera, ut deinceps uberiori haustu proluantur. Nominalium verò disciplina maximè propinatur, non tantum quia Oxoniæ nata & nutrita, sed quia subtilitate & perspicuitate reliquas omnes longissimè superare

## PRÆFATIO.

perare videtur. Illi enim, cum, quæ rerum sunt, rebus ipsis, quæ rationis, rationi; quæ sermonis, sermoni ( suum scilicet cuique ) tribuunt; veritatis indagini, Intellectus exercitio, & judiciorum compendio supra reliquos consulunt. Sed & illud monendum, non omnia eorum scrinia hîc reſerata; quin ea ferè intacta præteriri, quæ iis cum reliquis Logicis communia sunt; ea etiam, quæ ad Logicam minùs directè pertinent; & quæ ob nimium acumen, & minorem in communi ratiocinatione usum primæ institutioni minùs apta judicantur. Quocirca pauca admodum de Prædicamentis, Propositionibus modalibus, Syllogismis, insolubilibus &c. delibanda censuimus; data scilicet opera, ut si liber non sit bonus, sit saltèm minor malus. Quod si cuiusvis diligentia pleniori examini sufficiat, catalogum eorum, qui in hoc doctrinæ genere & docendi instituto eminentiores sunt habiti, subnectere visum est.

PRÆFATIO.

Primus itaque erat ipse *Guil. Occhamus* circa annum 1320. Doctor dictus invincibilis, & Pater Nominalium: qui præter multa Theologica, Philosophiæ Naturalis libros aliquot, & Logicæ, scripsit; quas edidit Marcus de Benevento; in præfatione testatus; Quod si apud deos nexus Logicæ invenirentur, nullius nisi Occhami viri acutissimi solutione uti dignarentur.

*Gab. Biell.* circa An. 1470. inter alia, Occhami libros in Sententias in Epitomen redegit; & ubi Doctor ipse vel nimis obscurus, vel brevis existimabatur, de suo addidit; judicio & acumine singulari.

*Gregor. de Arimino* an. 1350. Occhamo subtilitate proximus.

*Jo. Major* plurima scripsit Theologica, Physica, Logica, circa an. 1500.

*Petrus de Alliaco* Card. Cameracensis sui seculi doctissimus circa an. 1400.

*Jo. Gerson Cancellarius Parisiensis*, Alliacensis discipulus.

*Martinus*

PRÆFATIO.

*Martinus de Magistris, Ludov.*  
XI. à confessionibus, præter Theologica, scripsit de Consequentibus in vera divinaque Nominalium via.

*Jo. Celaya* dictus *Doctor Parisiensis*, quoniam Parisiis ad institucdam Universitatem Valentinam in Hispaniam evocatus est.

*Hieron. ab Hangeſto.*

*Jo. Rawlinus.*

*Jac. Almain.*

*Georgius & Petrus Bruxellenses.*

*Albertus de Saxonia.*

*Joan: Dulaert.*

*Guil. de Rubeone.*

*Job. Buridanus.*

*Marsilius de Ingen.*

*Adamus Godham.*

*Rob. Holcöt.*

*Tho. Bricot à concionibus Franc.*

1. *Regis Gallorum.*

*Gaspar Lax.*

*Gervaf. Waim Suevus.*

*Gaspar Hentisberus.*

*Ant. Coronell.*

*Hen. Altenstaig.*

*Rod.*

## PRÆFATIO.

*Rod. Ariaga* Nominalem se proficitur, sed non videtur eorum fundamenta penitus intellexisse.

*Jo. Salabertus* eorum defensionem nuper suscepit, scripsit etiam, sed nescio an edidit, Logicam in Nominalium via, lingua Gallica.

## INDEX.



# INDEX CAPITUM.

## LIBER PRIMUS.

### De Simplicibus Terminis.

- C** 1. *Logica quid sit, ejus usus, subjectum, par-  
tes.* p. 1.  
2. *De Voce.* p. 3.  
3. *De Pace Universalis & Singulari.* p. 6.  
4. *De Genere, Specie & Individuo.* p. 9.  
5. *De differentia.* p. 12.  
6. *De Proprio.* p. 14.  
7. *De Accidente.* p. 16.  
8. *De Aequivocis, analogis, Univocis & deno-  
minativis.* p. 17.  
9. *De Definitione.* p. 22.  
10. *De Divisione & Distinctione.* p. 26.  
11. *De Oppositis, Eodem & Diverso.* p. 28.  
12. *De Prædicamentis in genere.* p. 33.  
13. *De Prædicamentis Substantiæ.* p. 36.  
14. *De Quantitate.* p. 37.  
15. *De Qualitate.* p. 39.  
16. *De Relativis, seu iis, quæ dicuntur Ad ali-  
quid.* p. 40.  
17. *De Actione & Passione.* p. 43.  
18. *De Quatuor reliquis Prædicamentis.* p. 44.  
19. *De Suppositione.* p. 45.

## LIBER

# INDEX.

## LIBER SECUNDUS.

De Vocibus complexis & Propositionibus.

- C** 1. De Oracione, & ejus partibus. p. 53.  
2. De Propositione, ejus partibus; & speciebus. p. 55.  
3. De Propositionibus Hypotheticis. p. 57.  
4. De aliis Propositionis divisionibus; & de Qualitate Propositionum. p. 67.  
5. De Divisione Propositionis secundum Quantitatem. p. 69.  
6. De Consequentis Terminorum, Propositionum, & Propositionis: sive, oppositione, & equivalentia, & conversione. p. 73.

## LIBER TERTIUS

De Discursu.

Pars prima De Syllogismo.

- C** 1. De Argumentatione, & Syllogismo Categorico. p. 79.  
2. De Syllogismo hypothetico. p. 86.  
3. De aliis argumentationis speciebus. p. 88.

## PARS SECUNDA.

De Materia Argumentorum.

- C** 1. De Cognitione. p. 91.  
2. De Assensu. p. 97.  
3. De Demonstratione. p. 102.  
4. De Argumentis probabilibus sive Topicis. p. 107.

PARS

# INDEX.

## PARS TERTIA.

### De Fallaciis.

- |  |         |
|--|---------|
| C. 1. De Error.                        | p. 122. |
| 2. De Fallaciis.                       | p. 130. |
| 3. De Methodo.                         | p. 137. |
| 4. De Methodo scientiarum habitualium. | p. 140. |

LIBR

# INDEX

C. I. D. P. 100  
C. I. D. P. 100  
C. I. D. P. 100  
C. I. D. P. 100

Index

# LIBER PRIMUS.

## CAP. I.

*Logica quid sit, ejus usus, sub-  
jectum, partes.*

**A**d dicitur *Habitus Intellectus*  
*recte tam rationis, quam sensus.*  
Logica vero *est argumentandi*  
*modus, sive discurrendi* : &  
sequitur, (ut reliquæ Ar-  
tes) *preceptis & exercitati-  
onibus.* Ut enim Artifices se  
bonos, requirunt pericia & promptitudo ; po-  
nitur regulæ, promptor usus, facit.  
In *disserendo* duo considerantur, 1<sup>o</sup> *Notæ,*  
sive principia, unde deducitur cognitio ignoti.  
2<sup>o</sup> *modus deducendi* sive inferendi ignotum ex  
notis. Principia ex non Logica (nisi quæ  
regulæ suis formandis necessaria), sed aliæ  
scientiæ ministrant ; modum vero inferendi  
docet Logica : quæ proinde principaliter non  
definit, dividit, aut argumentatur, sed regulas  
tradit definiendi, dividendi, & argumentandi,  
quæ in aliis scientiis sequi oportet. Sicut  
Grammaticæ non docet quid sit dicendum, sed  
cum hæc cognitum sit, congruè dicere. Ad  
hoc enim diriguntur omnia hujus artis præ-  
cepta, ut intelligatur quænam argumentatio  
sit vera, quæ falsa ; quæ legitima, quæ in-  
debita.

3. *Facultas Ratiocinandi est Intellectus*; & ex se quidem arguit & discurrit naturaliter, absque auxilio cuiusvis artis (quare dicunt aliqui Logicam esse naturalem, quæ tamen aliter non est naturalis quàm reliquæ omnes artes) sed non accuratè, nec in omnibus materiis, nec confidenter: imo quotidie experimur naturaliter tantum arguentes plurimis erroribus, fallaciis, & verisimilitudinibus implicari & decipi: Et proinde necessarium esse, eum, qui velit perfectè & accuratè discurrere, à *Logica* dirigi. Eamque vel à magistro, vel propriâ experientiâ (longiori quidem & incertiori viâ) doceri. In aliquibus quidem ratiocinationes sunt per se & cuiusvis evidentes, sed in rebus arduis, subtilibus, v. g. in scientiis & negotiis magni momenti sibi inter adversatur, qui non utitur doctorum experientiâ & solertiâ, quam in *Regulis Logicis* nobis præscripserunt. Sicut numerare, numerisque uti naturale est; sed, eum, qui illis perfectè, securè, & ad omnia uti velit, ex *Aristotelicis* discere oportet: Factæ autem sunt *Regule Logice* ab intellectu proprias operationes, quæ rectè quæ secus fiant, considerante.

4. *Omnis Argumentatio fit per Syllogismos*: Syllogismi verò constant ex Propositionibus, & Propositiones ex vocibus simplicibus sive Terminis. Quare secundum tres operationes Intellectus, 1<sup>o</sup>. Conceptionem, sive apprehensionem; 2<sup>o</sup>. enunciationem eorum quæ concepit; 3<sup>o</sup>. distributionem; Prima pars *Logice* agit de terminis, de eorum affectionibus, divisionibus, definitionibus & modis significandi: Secunda de Propositionibus: Tertia de Argumentatione; Et hæc tractatio in duas partes dividitur,

## CAP. II. *Artis Rationis.*

In partem generalē sc. de modo Argumentandi.  
 In partem specialē de potestate Argumentandi.  
 Quorum, uti videtur, est contrarium. *Demonstrantium,*  
 & *Probabilium* & *Inartificialium*.  
 Quibus adduntur etiam de abusu & falsis sc.  
 & verisimilibus tantum Argumentationibus.  
 de Methodo & dispositione Argumentationis  
 & cognitionis.

## CAP. II.

### *De Voce.*

**F**actae sunt *Regulae Logicae* (sicut & aliae  
*Regulae omnes*) à viris prudentibus  
 & ex frequenti experientia & considera-  
 tione, praecipue quidem suarum Operatio-  
 num; Intellectu sc. proprias actiones rumi-  
 nante & contemplante. Non docentur au-  
 tem, nec aliis communicantur nisi per voces.  
 Quare vocibus, sive Loquelis, & notionibus  
 per eas animo immixtis correspondent nostrae  
 Regulae & Argumentationes.

Est autem *vox* signum constans ex literis  
 vel syllabis, per quod devenimus in cognitionem  
 conceptuum, qui sunt in Animi. *Grammaticus*  
 quidem sonum respicit & mutuam particula-  
 rum congruentiam; *Logicus* vero significatio-  
 nem sonum, & modum representandi conceptus;  
 & per eos res ipsas.

Formantur sc. in Intellectu conceptus, in-  
 tentiones, similitudines, Notiones, sive Ideae

rerum extra Animam; quarum scilicet *species* per *sensus* exteriores in Intellectum intromittuntur; siue immediate à rebus ipsis per visum, u. g. vel alium quemvis sensum, vel ab aliorum informatione per voces, siue loquelà & sono siue scriptis communicatas. Si *conceptus* quoquo modo productus sit objecto conformis, *verus* est, & cognitio objecti est vera; sin objecto dissimilis est *conceptus falsus* & *error*. *Voces* fiunt primo ex *conceptibus*, (animà, quod intra se continet, aliis exprimere & explicare conante); & rursum ex istis *vocibus* nascuntur *conceptus* in animo discantis; sed quales à docente ipso comprehenduntur; *conceptus vero per sensus* sunt in omnibus æque capacibus, & æqualem diligentiam adhibentibus iidem, & naturaliter res ipsas representant; eo modo, quo pictura vel imago archetypum. Sed sunt paucorum, particularium, & in sensus occurrentium; quare etiam *cognitio* per eos est tarda, angusta, & scientiis fere inutilis. *Cognitio vero per informationem* siue institutionem est pro capacitate discantis plurima, varia, Universalium, omnium, etiam eorum quæ sensibus non occurrunt. Quare stultum esset, aliorum informatione neglecta, suis tantum sensibus fidem habere, & per eos cognitionem moliri & *exemplare*: cum *conceptus* isti primo facti sunt per diligentiam voces formantium, sed confirmati & perfecti ab omnibus utentibus illà linguà, vel, aliis quibuscvis illi conformibus. Nam licet lingua forte à paucis fuerit inventa, ab omnibus tamen eam loquentibus approbata censetur; & cum omnes lingue in objectorum explicatione radicaliter consentiant, *conceptus per eas explicati*



plicati sunt etiam omnium hominum: sed de his postea. E conceptibus in animâ quoquo modo productis sunt propositiones *mentales*; quibus correspondent *vocales*, & *scriptæ*. Hæc vero non sunt eadem omnibus, sed variant pro arbitrio imponentium. Et differunt quidem non tantum verborum sono & caractere; nec quia in unâ linguâ defint nomina eorum, quæ apud istam linguam loquentes non habentur; sed etiam quia sæpius accidit ut unius lingue artifex ejusdem rei alium à reliquis conceptum expresserit: unde voces alicujus lingue distinctius, accuratius, vel etiam largius significant; & quia denique eodem artificio omnes non sunt usi. Quædam enim lingue necessariis nominibus tantum utuntur, quædam etiam multa ad ornam, & nonnullæ superflua, comprehendunt. In aliquibus enim defunt forte Pronomina, casuum & modorum differentie, plurima Syncategoremata, & Participia: de quibus etiamnum disputatur; an aliquid distinctum ab aliarum partium Orationis conceptibus in animo exhibent. voces scilicet imponuntur artificialiter, & eo modo significant, quo scriptura voces, literæ sonos, representant. Voces autem hosce *primos conceptus* significantes dicuntur *Prima Intentionis*, ut Petrus, album, Homo &c. sunt autem alii *conceptus* facti ab Intellectu conferente sive comparante plura istorum signorum. Intellectus enim se recollegens & respiciens actus suos, quibus cognoscit Socratem, v. g. Petrum & Johannem, ex illis alium vel alios format *conceptus*, qui vocantur *secunda intentiones* vel *conceptus*; sed & hoc iterum intuens & alios aliosque formare potest & solet, qui tamen omnes secundi appellantur;

tur; licet sint ex secundis, & forte ex tertiis, quartis, &c. sed non opus est ut voces multiplicentur. Hisce *intentionibus* extra animam correspondet aliud genus vocum, quod dicitur *secundum intentionem*, ut particulare, Universale, &c. Quibus etiam annumerantur voces illae, quae dicuntur voces Artis, ut Notmen, verbum; Casus, Declinatio, &c.

## C A P. III.

## De voce Universali &amp; Singulari.

1. **C**Um, ut diximus, voces conceptibus respondeant, per eas in rerum notitiam devenimus: & Logici est *modum representandi* sive significandi, ut exinde in rerum notitiam deveniatur, describere. Ex in primâ quidem *Logica* parte, De *verbis simplicibus*, & diversis earundem modis significandi agendum est. Et sunt plurimae quidem vocis *divisiones*, v. g. Omnes voces vel inter se convertuntur; vel altera earum est magis communis altera minus; vel utraque alteram excedit (ut dulce & album); vel sibimet mutuo repugnant; suntque vel disparatae vel oppositae. Maxime autem celebris, & sine qua reliquae non possunt intelligi, est distinctio vocis *simplicis* in *Universalem* & *Singularem*.

2. *Universale* sive *commune* est, quod significat *plura distributive*, i. e. quod ita significat plura ut etiam significet eorum unumquodque; ut Homo, Ager, triangulum, figura, pactum, &c. *singulare* vero quod significat *unum tantum*. *Universale*

CAP. III. *Artis Rationis.*

9

*versale* autem dicitur *Prædicabile*; quia potest esse *prædicatum* in pluribus Propositionibus; *Prædicatum* vero est quod sequitur *Copulam*; sicut *subjectum* quod præcedit; *Copula* vero est verbum, *subjectum* & *Prædicatum* conjungens, vel cum negatione disjungens.

3. *Universale* autem fit hoc modo. Cum impossibile sit ut habeantur nomina peculiaria omnibus rebus in mundo, vel, si haberentur, ut memoria cujusvis ea omnia comprehendat, vel retineat; Intellectus considerans conceptus, quos habet de rebus diversis, invenit eorum aliquos aliis adeo *similes*, v. g. Socratis ad Platonem; hujus Albi ad aliud; hujus trianguli ad aliud; ut quasi per eundem conceptum apprehendi possint: & revera ea omnia, quæ eo modo *similia* reperit, sub una intentione five conceptu apprehendit (similia enim habentur pro eodem in eo quo sunt similia). & sicut conceptibus unorum realiter diversis & eo modo comprehensus nomen *Particularis* imponit, ita eorundem conceptus quatenus similes *Universales* appellat. cum autem *similium* ille conceptus fiat non consideratis dissimilibus five particularibus, dicunt aliqui *universale* fieri per *præcisantem* vel *abstractionem* intellectus. Sed modi sunt diversi tandem actionem explicandi. Sed & *hæc similitudine* intellectus inter se conferens aliam insuper *similitudinem* conspicatur, quas *Universaliore* adhuc appellat. Ut v. g. considerans duo *triangula*, ea reperit inter se omnimodo similia, i. e. habere utrumque & angulos & latera æqualia. Hæc uno *universali* nomine *triangula æquilaterra* appellat. Alia deinde cum iis conferens invenit ea quidem esse similia sed non æque ac priora sed unum habere duo tantum vel

nulla laterum equalia; quare unum nomen sed generalius iis omnibus imponit, & *Triangula* appellat. *Similitudo* autem ista vel est 1<sup>o</sup> in *essentialibus*, & nomina istam similitudinem significantia sunt *essentialia*, significant & prædicantur *essentialiter*: vel 2<sup>o</sup> in *Accidentibus*, siue iis, quæ essentiae quidem non sunt, sed ei tamen adiunguntur & accedunt; & voces ea significantes dicuntur *accidentales*, significant & prædicantur *accidentaliter*: De quibus inferius.

4. Ex dictis consequi videtur: *Omnes res in mundo existentes siue essentiam habentes realiter esse singulares. Nec Universale esse rem aliquam unam*, siue naturam communem pluribus individuis. *Nec terminos Universales significare quidquam reale præter singularia*, nec opus esse *individuatione* aliquâ ut fiat quidquam singulare. *Nec quidquam Platonis esse in Socrate*; sed tantum aliquid in Platone esse simile alicui in Socrate. *Nec Prædicamenta esse series rerum*, sed tantum prædicatorum & subsectorum.

5. Sicut *conceptibus* in mente, ut dictum est, correspondent *voces prolatae*, & *prolatis scriptae*, sic & *propositionibus prolatis* & *scriptis* correspondent etiam *mentales conceptus complexi*. *Prædicatio enim cum sit affirmatio unius de alio*, Ut *Socrates est homo*; Non tamen unius *dictiois* de alio, *dictio* enim *Socrates* non est dictio *homo*, nec unius *rei* de alio; talis enim prædicatio est falsa. Nec unius *vocis* de seipsa; talis enim prædicatio dicitur *Identica*, & est ridicula. Sed est *significati* unius vocis (siue rei siue conceptus) de significato alterius. Adeo ut cum dicitur *Socrates est homo*; idem est ac si diceret; quod significatur per hunc terminum *Socrates*.

*Socrates* significatur etiam per hunc terminum  
*homo*. Nec tamen voces istae *Socrates* & *homo*  
 sunt *synonyma*; cum non sequatur, omnis ho-  
 mo est *Socrates*, sed vox *homo* multa significat  
 ut vox *Socrates* non significat; Platonem sci-  
 cet, Johannem, aliosque homines omnes par-  
 ticulares; adeoque est *latior*, i. e. est *Univer-*  
*salis*, cum *Socrates* sit *particularis*.

## CAP. IV.

*De Genere, Specie, & Individuo.*

**P**redicatio est *prædicati de subiecto enuncia-*  
*tio*. Et est multiplex. *falsa*, ut *homo est*  
*asinus*. *Identica*, ut *homo est homo*. *Synonyma*,  
 ut *gladius est ens*. *Directa*, in qua terminus  
 significans plura prædicatur de termino signi-  
 ficante pauciora; sive superius de inferiori.  
*Indirecta*, cum significans pauciora prædicatur  
 de significante plura, sive Inferius de superiori, ut  
*animal est homo*. Unde Regula, *omnis prædica-*  
*to directa conversione fit indirecta*. Alia prædica-  
 tio est *ambigua*, *equivoca*, &c. de quibus Infe-  
 rius. Maxime autem celebris est distinctio in  
*essentialem* & *accidentalem*.

*Essentialis* est, quando neutrum extremorum  
 connotat extrinsece supra reliquum; ut *homo est*  
*animal*. estque 1<sup>o</sup> vel 1<sup>a</sup> in quid, & dicitur ab  
 aliquibus *Quidditativa*, quando prædicatum ni-  
 hil omnino connotat supra subiectum; estque  
 vel de pluribus *differentibus specie*, & dicitur *Ge-*  
*neralis*; vel de pluribus *differentibus numero*, & di-  
 citur *Species*. Vel 2<sup>o</sup> in quale quid, & dicitur  
*Differentia*.

*Accidentale* est quando unum extrinsecum re-  
drinsecu connotat supra reliquum, ut homo est al-  
bus. Idque vel convertibiliter & necessario; &  
dicitur *Proprium*; vel contingenter, & dicitur *Ac-*  
*cidens*.

Unde oriuntur quinque universalium geno-  
ra; Genus, species, Differentia, Proprium &  
Accidens. Et unum quodque universale est unum  
horum.

2. Genus est Universale, quod predicatur de  
pluribus specie differentibus in quid; sive essen-  
tialiter, i. e. respondet questioni factae per  
quid; & significat similitudinem essentialem  
multarum similitudinum minus Universalium;  
nam sicut species significat plura particularia  
similia, ita genus plures species similes. Ut si  
queratur, Quid est homo, respondetur, Ani-  
mal. Quid est Brutum? Animal.

Genus est nominativus quilibet sui speciei, qui  
praeter significata unius speciei, includit etiam  
significata alterius speciei. nec est genus, quod  
non habet plures species. Et cum significat  
omnia, quae sua species, non est pars suae spe-  
ciei, licet sit pars definitionis speciei. de qua  
inferius.

3. Species est Universale, quod predicatur de  
pluribus differentibus numero in quid. Sive, quod  
significat similitudinem essentialem individuo-  
rum. Differre numero dicuntur *Singularia*, sive  
Individua, (quae sc: non possunt ulterius di-  
vidi). dicitur enim Animal est vel homo, vel  
brutum; Homo vel Socrates, vel Plato; &c.  
Socrates autem non potest dici vel dicantur  
autem differre numero, quia differunt inter alios  
individuos, i. e. sunt diversae unitates ejusdem nu-  
meri. Haec definitio est tantum speciei Spec-

alissima

*alissima* & alie enim species, quæ dicuntur *subalternæ*, definiuntur, quæ subsunt sive subjo-  
cuntur Generi.

4. Notandum est Generum alia esse *summa*, quæ scilicet semper sunt Genera, & nunquam species, suntque *divina* tantum; alia vero *subalternæ*, sic & specierum alias esse *infimæ*, quæ nunquam possunt esse Genera; sed immediate prædicantur de Individuis; alias verò *subalternæ*, quæ & Genera subalterna vocantur: Genera sc: cum referantur ad Inferiora, species cum ad superiora, i. e. cum sunt *Prædicata*, dicuntur Genera; cum *subiecta*, Species. Declarantur hæc similitudine in Genealogia hominis; sunt, Aliquis, Primus istius Generis Parens, qui sc: Pater fuit non filius, alius, sc: postremus, qui filius est non pater: alii, qui & Patres & filii: ascendendo, i. e. respiciendo Patres, sunt filii; descendendo, i. e. respiciendo filios, sunt Patres. Pater Primus est ut Genus summum sive Generalissimum: filius ultimus ut species infima sive Specialissima; Intermedii ut Genera & Species subalternæ. Exempla vero Generum & Specierum petenda sunt è seriebus Prædicamentorum. Quarum loco, quoniam ubique sunt obvise, & quia aliis etiam inseruit, tradidi bonâ suâ cum veniâ seriem quam nuper edidit Botanicorum omnium facile coryphæus clarissimus *Morisonus* in suo de umbellis specimine.

5. De serie Prædicamentali, sive arbore Porphyriana hæc notanda sunt. Quod descendendo à *Genere summo* semper dividimus sive distinguimus, dicendo v. g. Substantia est Corpus vel Spiritus; Corpus, simplex vel mixtum: i. e. Species prædicantur de Genere cum conjunctione disjunctiva; cum autem ventum est ad Individua, non possumus

mus ulterius dividere, quia numerus ipsorum incertus est & indefinitus. *Ascendendo vero ab Individuis colligimus & quasi reducimus omnia ad pauciora, & tandem ad unum. Universalius enim plura significat & communius, minus. Universale vero pauciora & distinctius.*

*De quocunque species predicatur, de ipso prædicantur omnia Genera istius species.* Ex cuicunque subijcitur species, ei etiam subijciuntur omnia sub illâ specie contenta.

6. *Individua* five Singularia multis modis solent exprimi, sc: vel *proprio nomine* ut Socrates; vel *nomine Universali cum pronomine demonstrativo*, ut hic homo; vel cum *adjectivo* five *signo determinante*, ut quidam homo (dicitur Individuum vagum); vel aliquâ *descriptione*, ut Sophronisci filius.

Proprie loquendo Individuum de nullo prædicatur nisi accidentaliter: ut hic accedens est Socrates, sed unum significat.

## C A P. V.

## De Differentia.

1. **D**ifferentia essentialis (nam de ea tantum hic loquimur) est vox aliqua essentialiter affirmabilis de unâ & non de aliâ specie; ut rationalis de homine & non de bruto, & definitur *Universale*, quod predicatur de pluribus specie vel numero differentibus in quale quid. [quale quid] i. e. cum queritur verbi gratia quid sit homo, respondetur est animal; si ulterius, Quale animal, respondetur, rationale.

2. Duplex



2. Duplex est autem *differentia*, una quæ prædicatur de pluribus *differentibus specie*, & dicitur *differentia Generica*, quia prædicatur de iis de quibus genus prædicatur; ut sensibile de homine & Bruto; alia quæ prædicatur de *differentibus numero* tantum, ad-instar Speciei, & dicitur *differentia specifica*; ut Rationale de Socrate, Platone, & singulis hominibus.

3. Duplex etiam est *officium Differentiæ*, primum est *dividere Genus* in suas Species, & proinde dicitur *Divisiva*: sic Animal per rationale & irrationale dividitur in hominem & Brutum. Aliud vero *constituere Definitionem Speciei*, & proinde dicitur *Constitutiva*; quia Genus cum Differentia perfectam efficit Speciei definitionem, [ ut Homo est Animal rationale, ] ponitur sc: in definitione Speciei, non autem Generis; ut rationale. species enim illud significat præter Genus; sic homo præter illud totum quod Animal significat (nam species habet plura prædicata quam Genus) significat etiam illud quod rationale. & definitio Speciei constat ex Genere tanquam termino magis lato & confuso, & differentiâ tanquam æquali & distinctivo: & idcirco dicunt Genus esse *tanquam Materiam*, non tamen ipsam materiam, quæ pluribus communis est; differentiam vero non realiter, sed *ut formam*, quæ singulorum est propria.

4. De quocunque prædicatur Genus, de eo prædicatur *aliqua* ejus *differentia*, modo habeat aliquam differentiam: sed cum *unius rei simplicis unicus tantum* potest esse *conceptus essentialis*; & si sint plura nomina ens unum simplex significantia, necesse est ut sint vel synonyma, vel aliquid accidentale connotantia; sequitur,

res simplices nulla differentiâ essentiali distingui posse; ut Angelus non potest definiri nisi per privativum, quod non est propriè differentia, vel per accidentia. Sed & composita significati-  
*um generum plurima sunt, quæ ob sermonis inopiam differentiam non habent: nam cum differentia significet formam, formasque ignoremus, nec differentias cognoscimus. Sicut Bruti differentia (irrationale) impropriè dicitur: & specierum ejus distributio per differentias ignoratur. Nisi quis fingat Equinitatem, leonitatem & similia vocabula nulli conceptui correspondentia, ad differentias male exprimendas. Differentia nec est Genus nec Species: nec enim dicitur Rationale est duplex; nec habet rationale aliquod Genus supra se: aliter enim differentiæ esset differentia & sic in infinitum; quare nec essentialiter definitur.*

## CAP. VI.

## De Proprio.

1. **E**ssentialiter nihil dicitur, nisi quod significet vel ipsam rem, vel aliquam ejus partem; reliqua omnia sunt Accidentia. hæc autem sunt duplicia, aliqua enim dicuntur cum voce solus, ut proprium; alia non.

2. *Proprium* vero duobus modis dicitur, 1.<sup>o</sup> Quod convenit soli alicui speciei, i. e. prædicatur de Specie cum illa voce solus, ut solus homo est medicus, licet non prædicatur de eo cum voce omnis, non est enim verum dicere, Omnis homo est medicus, 2.<sup>o</sup> quod convenit soli

*soli Speciei & quæ sub Specie contento.* ut omnis & Solus homo est capax disciplinæ. Omnis Trianguli rectanguli quadratum hypotenuse est æquale quadratis catheti & basis simul sumptis. Quare quod hoc modo est *Proprium*, recipiatur & convertitur *cum specie*. Sic omnis homo est risibilis, & Omne risibile est homo. priori modo non.

3. Differt *proprium* à *Differentiâ*, quia differentia prædicatur *essentialiter*, i. e. sumitur ab aliquo essentiali; *Proprium* verò *accidentaliter*, & sumitur ab aliquo accidentali; quod tamen accidentale convenit subjecto naturaliter, & gratiâ differentie. Quare omne proprium secundo modo prædicatur etiam necessario; licet non essentialiter.

4. Quod prædicatur cum voce [Solus] recipiatur cum subjecto cum voce [omnis] ut solus Homo est medicus, ergo Omnis medicus est homo. vel nullum non homo est medicus.

[Solus] quoad quantitatem propositionis æquivaler tantum voci [aliquis] ut solus homo est medicus, i. e. aliquis homo est medicus.

Voci [Solus] multe alie voces *æquivalent*, ut *tantum*, *unus* pro unicis: ut Hoc unum scio me nihil scire. Una salus victis nullam sperare salutem.

Canescere male dicitur proprium hominis in senectute, melius (si verum esset) diceretur proprium senis; si ita se res haberet, ut solus senex canesceret.

## CAP. VII.

## De Accidente.

1. **A**ccidens si sumatur pro ipsa re quæ accedit vel accedit ad aliud, dicitur, quod potest adesse, vel abesse à subjecto sine ejus interitu; ut calor potest inesse & separari ab aqua; aqua interim in perfectâ suâ essentia remanente.

Quod si *Accidens* sumatur, ut est *Universale* unum & prout hic intelligitur; alio modo debet definiri; *Accidens* scilicet est *Universale* quod contingenter sive transmutabiliter de subjecto predicatur; sive quod aptum natum est predicari vel non predicari, i. e. affirmari vel negari de aliquo; subjecto pro eodem supponente. i. e. potest successive affirmari vel negari de eodem; subjecto sc: manente eodem.

2. *Accidens*, si quando predicatur eum voce omnis, quod raro tamen fit, dicitur *inseparabile*, quia sc: nequit de subjecto propter mutationem aliquam naturalem & realem vere negari: ut Omnis cygnus est albus. cognoscitur tamen esse *Accidens*, quia predicatum convenit aliis speciebus præter subjectum: & eâ ratione bene potest dici quod fit actu separatum ab illa specie cui soli non convenit.

Proprium enim predicatur cum voce *solus*. *Accidens* vero non.

3. *Accidens* hoc modo sumptum non semper est *accidens realiter inherens*, sed sæpe est substantia. ut Ariston est Pater Platonis. Pater predicatur *Accidentaliter* de Aristone. sic poculum est argenteum & similia. Quædam

*Quædam accidentia contingenter prædicantur propter corruptionem accidentis realiter inhaerentis, ut calidum, album. Quædam propter localem mutationem ut stans, sedens. alia propter mutationem alterius ut creans, cognitum, pater, dominus, simile. alia propter mutationem temporis, ut juvenis. & similia.*

## CAP. VIII.

*De Equivocis, Analogis, Univocis & Denominativis.*

1. **V**Ocam, quæ plura significant, quædam ita significant, ut voci non respondeat unus conceptus in animâ, & proinde nec una definitio. Et vox quidem ipsa dicitur *Æquivoca equivocans* ut vox Gallus; significata autem, *equivoca equivocata*, ut homo è Gallis & Avia.

*Reg.* Quare equivoca voces prius sunt distinguendæ quam definiendæ, vel in argumentationem aut scientias admittendæ.

Nec ingrediuntur Prædicamenta quamdiu sunt æquivoca, i. e. donec distinguantur. Quod una vox imponatur ad significandum æquivoce est imperfectio illius lingue, & defectus vocabulorum, licet in elegantiam quandoque convertatur.

2. *Æquivoca* voces aliquæ significant *unum* modo ac si non significarent aliud; ut hoc nomen Socrates impositum diversis hominibus in diversis locis. Sic hoc nomen Gallus. & hoc

proprie dicuntur *Æquivoca*. Aliæ vero sunt, quando vox imponitur *uni primo*, & *subordinatur uni conceptui*, & postea propter aliquam similitudinem vel *analogiam* imponitur etiam *alteri*; ita ut huic non imponeretur nisi propter aliud. hæc dicuntur *Æquivoca à consilio*; sive *Analogæ*, & vox ipsa dicitur *Analogum analogans*, significata ipsa dicuntur *Analogata*. hujusmodi sunt omnes ferè voces, quæ improprie vel tropice significant. ut risus primo significat actionem ridendi in homine, per analogiam vero hilaritatem pratorum. sic sanum dicitur primo respectu Animalis, postea vero respectu Aeris, ciborum, urinæ, &c.

*Reg. Analogum* stat pro *famosiori analogato*, i.e. pro eo significato cui primum imponitur, vel quod principaliter significat; ut proportio significat Geometricam proportionem.

*Pleraque voces sunt Analogæ*, cum nulla ferè vox sit, quæ non tropicè aliquando significet.

Omnes voces quæ distinguuntur sunt vel *æquivocæ*, vel *analogæ*.

3. *Univocum* dicitur illud quod subordinatur *uni conceptui*, & proinde *una definitio significati convenit*. Vox ipsa dicitur *Univocum univocans*, significata vero *univocata*. Ut *Hommo*, *animal*, *figura* & similia.

4. Si *plures voces significant eundem rem*, eodem modo, dicuntur *Synonyma*, de quibus *Logicus* non agit; si una vox plures res, tum vel omnes proprie, & dicitur talis vox *univoca* (proprie, i.e. ita ut isti voci correspondeat unus conceptus, & una definitio) vel omnibus improprie (i.e. ita ut iis non respondeat unus conceptus, nec una definitio) & dicitur *Æquivoca*, vel uni proprie, alteri vero improprie, &c.

& per proportionem quandam, & dicitur *Analogia*.

5. *Denominativa* (paronyma) dicuntur istae voces, quae casu, i. e. terminatione sive syllaba finali differunt, & una earum habet ab altera nominis appellationem. Ut *Justitia*, *Justus*. ut haec intelligantur notandum est tres spectandas esse voces. 1<sup>o</sup> *Denominantem* unde sc: fit denominatio, ut *Justitia*, estque plerunque Substantivum & accidens aliquod, & dicitur vox abstracta, 2<sup>o</sup> *Denominatam*, quae sc: recipit istam denominationem, sic homo dicitur denominari *Justus*, estque plerunque in Prædicamento Substantiae. 3<sup>o</sup> *Denominativam*, estque vox quae utramque comprehendit ut *Justus*, & prædicatur de Denominato (ut *Homo est Justus*) velut accidentaliter; estque plerunque Adjectivum, & vox concreta sive coalescens ex alteris duobus. *Denominans* est vel Accidens vel ad modum Accidentis. *Denominans* & *Denominativum* sunt in eodem Prædicamento. *Denominatum* in diverso. *Denominativum* & *denominans* non prædicantur de se; sed *denominativum* de denominato prædicatur.

6. *Concreta* ideo sunt inventa ut multae voces coirent in unum. tum quia res ipsas intimè conjungi eodemque actu in sensum succurrere cernebant, ut albedinem & parietem: tum ut sermoni multo parceretur; praesertim verbis auxiliaribus, v. g. [*potest*], ut risibile idem significat ac, quod potest ridere, [*facit*] calefactivus, quod facit calorem. [*habet*] tunictus, qui habet tunicam. [*inest*] album cui inest albedo. [*similis*] humanus, qui similis est homini.

*Concretum* autem primo importabat rem aliquam

quam cui *abstractum* adjungeretur, quodque esset quasi abstracti subjectum. & *Abstractum* esset quasi *forma substantialis* vel *accidentalis* subjecto inherens, ut anima animatum, calor calidum; Ad horum autem similitudinem alie etiam voces *abstracta* & *concreta* sunt invente, quæ tamen non significant tanquam subjectum & formam; sed se habent aliquando ut locus & locatum ut Anglus Anglia; aliquando *abstractum* significat multitudinem, *concretum* non, ut plebs plebeius; sæpenumero etiam sunt *synonyma*, & significant eandem rem, ut longum & longitudo secundum eos qui dicunt, quantitatem non distingui à quanto; ut Pater & paternitas, persona personalitas, equus equinitas, Deus Deitas, Ens essentia, licet ob communem loquendi usum de se invicem prædicari non possunt; idque præcipue (ut mihi videtur) quia habent formam proprie dictorum Abstractorum & Concretorum. mire enim in his lascivire videtur humanus intellectus; adeo ut non tantum dicatur frigus & frigiditas, calor caliditas, (quæ tamen usitato modo loquendi non sunt de se invicem prædicabiles) sed & albedineitas, quantitativum, quasi essentia albedinis, & nescio quid Quanti & similia reperiantur.

7. Concretis similia sunt *Connotativa*, quæ significant quantum oratio integra vel plures vocat; unum tamen significant principale & connotant aliud minus principale, i. e. unum in recto, aliud in obliquo, vel etiam verbum; ut Album significat idem quod tota hæc oratio Aliquid habens albedinem. Causa significat illud, ad cuius esse sequitur aliud, vel aliquid potens aliud producere. hujusmodi *Connotativa* sunt

C  
sunt  
relat  
absol  
quali  
termi  
eos,  
subje  
aliqu  
num.  
Al  
num,  
dario  
untur  
defini  
tione  
Ra  
reper  
prim  
res a  
posit  
accid  
chra  
nora  
præb  
brevis



sunt omnia *Concreta* propriè dicta, omnia item *relata*, & quæ non sunt connotativa dicuntur absoluta. ut simile dicitur quod habet talem qualitatem qualem habet & aliud, & omnes termini in prædicamento *quantitatis* secundum eos, qui ponunt quantitatem non distingui à subjecto: termini item *privativi*, & secundum aliquos etiam *infiniti*. item verum, bonum, unum, potentia, intellectus, & infinita alia.

*Absolutum* verò dicitur quod non significat unum, primariò & principalitèr, & aliud secundariò; sed omnia æquè principalitèr. Et definiuntur tales voces per voces in casu recto, & definitione reali, & non in obliquo & definitione *Quid nominis*, ut Connotativa.

Ratio autem, ut mihi videtur, quare hæ voces repertæ sunt, est; quia intellectus velit res exprimere prout videntur æquè ac prout sunt. res autem fere omnes non sunt tantum compositæ, sed & aggregatæ, à subjecto v. g. & accidentibus; hinc dicuntur Alba, calida, pulchra, &c. vel actionibus & passionibus, ut sonora, calefactiva, calefaciens, calefactum, &c. præterea hæ voces plurimum conducunt ad brevius & concinnius loquendum.

## CAP. IX.

## De Definitione.

**E**st aliqua definitio exprimens quid terminis, scilicet: declarans quid per talem vocem significatur vel importatur; ut si vellem docere, quid significet hoc nomen album, dicerem; quod significet idem quod hæc oratio, Aliquid habens albedinem. & hoc modo Negativa, privativa, non entia ut Chimæra, &c. sunt definibilia sed nec nomina solum, sed etiam reliquæ omnes partes orationis, etiam syncategoremata. & definitio & definitum non proprie coniunguntur cum [id] sed, cum [idem significat ac].

2. Est alia definitio quid rei exprimens per rem intelligendo significatum; & definitur, definiti [plerumque obliqui termini], per terminos notiores explicatio [definiti] i.e. subjecti in illa propositione in qua definitio ipsa est Prædicatum.

[Terminos] Definitiones non semper adhibentur ad obscurum explicandum; sed in scientiis & artibus iis utimur non tam explicandi termini gratiâ, quam ad educenda inde corollaria, & ad meliorem & faciliorem progressum in probationibus: ad quas eliciendas non semper requiritur, ut definitio constet ex notioribus nobis, sed ex notioribus naturâ, quam ineptè enim definiretur lux & calor, quæ primum in sensu occurrunt, nisi ad scientiam constituendam necessarium esset ea definire? melius tamen esset,

esset, si hujusmodi definitiones per *notiora* *notis* traderentur, melior enim est definitio *Archimedeæ* *lineæ* *rectæ*, brevissima sc: inter duo puncta extensio, quam *Euclidæ*, *quæ* *ex* *æquo* *sua* *interjacet* *puncta*; licet hæc essentia ejus propior videatur. Sed neutra harum perfecta est, quia steriles sunt, nec alias propositiones pepererunt. melior forte adhuc; quæ *sita* *est* *intra* *omnes* *alias* *lineas*, *quæ* *ex* *omni* *parte* *duci* *possunt* *inter* *se* *æquales*, *ab* *eodem* *ad* *idem* *punctum*, reliquæ omnes dicuntur curvæ. Ex hac autem definitione sequitur; duas rectas, quæ ab eodem ad idem punctum ducentur, in unam coincidere. Item duas rectas non posse includere spatium. Item curvam majorem esse rectâ sibi utrinque conterminâ. & curvarum majorem esse, quæ à rectâ magis distat. & rectam esse omnium inter eadem puncta brevissimam. Sic & definitio illa *Heronis* *superficie* *planæ*, *cui* *ex* *omni* *parte* *recta* *linea* *congruit* melior est *Euclidæ*; *Quæ* *ex* *æquo* *sua* *interjacet* *lineas*; sic & melior caloris, qualitas activa corporis poros aperiens. frigus eos occludens.

*Notiores*] vel saltem *notiorem*, *Notiores*, ut prius, sunt *communiores*; ergo vel genus vel species. at quia communior non est convertibilis cum *Definito*; necesse est ut sit alius vel alii termini, qui sint æquè lati, & convertibiles; qualis est vel differentia vel proprium, vel cumulus accidentium. Quare definitiones sunt perspicue quantum fieri potest.

3. *Reg.* Quicumque terminus non habet *notiorem*, non est *definitibilis*, quales sunt summa genera.

Nullus terminus *equivocus* potest definiri antequam distinguatur.

Nullus

Nullus terminus *relativus* potest perfectè definiri.

Nec definiuntur perfectè quæ *unica* sunt.

Definitio & definitum sunt *convertibiles* simpliciter.

Standum est *Antiquis definitionibus* nisi admodum gravis sit causa eas mutandi ; ( quod quidem raro accidit. )

*Novos* vero terminos licet imponenti definire ut libet, definiendi autem sunt prius quam iis utimur.

Diversæ Scientiæ tradunt *diversas definitiones ejusdem termini*, secundum quod sc: aliqui sunt in illis scientiis notiores. Sic Homo in Metaphysica dicitur Animal Rationale. in Physica, Substantia composita ex corpore & animi intellectivâ.

Etiam *diversa* possunt esse *definitiones ejusdem termini* licet *non in diversis Scientiis*. v. g. Angelus Est substantia abstracta à materiâ. vel Substantia intellectiva & incorporealis. vel substantia simplex non composita cum alio. Omnes tamen hæ definitiones significant eandem rem ; sed non sunt omnes essentielles.

*Definire* valdè *periculosum* & difficile est præsertim in *moralibus*.

*Melior* est ea Definitio quæ constat ex *paucioribus*.

In definitione non debet esse terminus *obscurus*, *equivocus*, aut *ambiguus*, sc: *non definitus*. Malè enim omittitur in definitione, quod per interpretationem addendum est. & malè agunt qui distinguunt de termino aliquo in definitione, cum prius evitare debuerunt illud ambiguum.

Definitioni inservit *Etymologia* & *nominis negatio*.

3. Definitio est duplex, 1<sup>o</sup> *Essentialis*, quæ constat ex *Genere* & *differentia*; ut homo est Animal rationale: cui reducitur illa, quæ constat ex terminis significantibus partes *Essentia*; lex nam: genus est *et* materia, *differentia* *est* forma.

*Reg.* Definitio *essentialis* est *æternæ veritatis*; sc: si est Homo, est animal rationale.

Non possunt esse plures definitiones *essentiales* ejusdem termini; per genus sc: & *differentiam*.

Definitiones *essentiales* oriuntur è *divisionibus* prædicamentalibus, & in ipsis prædicamentis sæpe deficiunt nomina *differentis*; quare tunc & in similibus casibus definiendum est terminis, qui, quam fieri potest, proximè *essentiam* denotent.

2<sup>o</sup> *Accidentalis* five *descriptiva*, constans aliquando ex *accidentibus* solis, aliquando verò ex *genere* & *cumulo accidentium*. Ut homo est Animal bipes, erectum, latis unguibus; ista autem *accidentia singula* conveniant alteri à definito, *omnia* verò simul definto soli.

Sicut definitio *essentialis* est aptior scientiis, ita *descriptio* loquelæ ordinariæ; quia sumitur frequentissimè à notioribus nobis.

Sicut definitio *essentialis* constat ex terminis *eiusdem prædicamenti*, ita *descriptio* ex terminis *alterius prædicamenti*.

4. *Genera summa* & *Transcendentia*, cum non possint nec definiri nec describi, suo modo declarantur; ut Ens est id quod est. in quâ oratione non tam respondetur quæstioni *Quid est*, quam *Quidnam est*; i. e. de Quo prædicatur Ens. Quodcumque sc: est, id dicitur Ens.

5. Est etiam alius definiendi modus & quidem

dem perfectissimus sic ubi haberi potest, quod raro fit, & est *per causam*, ut Eclipsis Solis est interpositio Lunæ inter Solem & Terram. Beatus est qui non ambulavit in consilio impiorum. Evangelium est Potentia Dei ad salutem omni credenti. Evangelium *Tis* 1. est agnitio veritatis quæ est secundum pietatem in spem vitæ æternæ; hæc definitio est *ab effectu*.

## C A P. X.

*De Divisione & distinctione.*

1. **D**ivisio propriè dicitur, Totius in partes Distributio. Logica autem tractat de ea divisione tantum; quæ est *Termini Latioris* five communioris *in terminos angustiores* distributio.

Terminus latior est qui plura significat, angustior, qui pauciora. Quod Dividitur dicitur *Divisum*; ea, in quæ dividitur, dicuntur *membra dividenda*.

2. *Reg.* *Divisum* non debet significare aliquid, quod non significetur etiam per unum dividendum. Dividentia absorbeant divisum. ut numerus est vel par vel impar. hæc autem divisio non est bona, homo est bonus vel malus. Galba enim magis extra vitia quam cum virtutibus. nec hæc, homo est doctus vel indoctus, prodigus vel liberalis; Tempus est dies vel nox.

Dividentia non debent significare aliquid quod non significet divisum quare.

Divisum

Divisum prædicatur de utrovis dividente universaliter, & neutrum dividendium prædicatur de Diviso universaliter.

Neutrum dividendium debet coincidere cum altero. ut hæc non est bona, Numerus est par, impar, vel quadratus. Propositio est vera, falsa, vel probabilis.

3. *Diviso* est aliquando vocis *equivoca* in sua æquivocata, ut Gallus est vel homo è Galia, vel Gallinaceus. *Analogi* in analogata, ut Ens est vel Substantia vel Accidens. *Univaci* in univocata; estque *generis* in *Species* ut Animal est homo vel Brutum; vel *generis in differentia* ut animal est rationale, vel irrationale. vel *Species* in Individua, ut Homo est Socrates vel Plato, &c. (Individua autem non dividuntur). vel *Denominati* in Denominativa, ut Homo est doctus vel indoctus. vel *termini primæ intentionis* in terminos secundæ intentionis, ut substantia est vel prima vel secunda. vel *Accidentis* in *Accidentia* ut Album aliud est dulce ut lac, aliud amarum ut succus tithymalli. vel *accidentis in subjecta*, ut bonorum aliud est corporis aliud animi.

## CAP. XI.

De Oppositis. Disparatis.  
Eodem & Diverso.

1. **O**ppositio (simplicium terminorum) dicitur, Repugnantia duorum terminorum, qui nec de se invicem, nec de aliquo tertio termino singulari, simul & eodem respectu possunt prædicari.

*Repugnantia duorum* ] Quia sunt plurimi termini, qui ita sibi invicem repugnant, ut non possunt de se nec aliquo tertio prædicari, nec tamen sunt Opposita; & vocantur *Disparati*; ut Arbor & homo.

Oppositorum autem unum alteri peculiari modo repugnat: ut album nigro.

*Nec de se* ] in casu sc: recto, nam in casu obliquo Relative Opposita de se prædicantur, ut Pater est filii. Rex est subditorum.

*Singulari* ] nam verum est dicere homo est albus, & homo est niger. & cum copula de inesse; nam verum est dicere Socrates fuit indoctus, Socrates fuit doctus; Socrates erit, potest esse albus, & Socrates erit, potest esse niger.

2. Oppositorum 4 sunt species. 1<sup>o</sup> ut Relatum & Correlatum, diciturque *Oppositio relativa*. 2<sup>o</sup> Contraria ut Album & nigrum. 3<sup>o</sup> Ut Habitus & Privatio, estque *Oppositio Privativa*. 4<sup>o</sup> Ut Affirmativus & Negativus, estque *Oppositio Contradictoria*.

Numerus iste sic colligitur. Omnes termini sunt vel *Positivi* sive affirmativi, vel *non positivi*;



*tivi*; non *positivi* sunt vel *negativi* vel *privativi*. *Positivi* vero sunt vel *absoluti* vel *respectivi*. Positivorum cum negativis dicitur *Oppositio Contradictoria*. Positivorum cum privativis dicitur *Privativa*. Absolutorum inter se dicitur *Contraria*; Respectivorum inter se *Relativa*. inter negativos, inter Privativos, & inter negativos & privativos, & inter absolutos & respectivos, nulla datur oppositio.

Termini *absoluti* dicuntur qui prædicantur de se in casu recto.

*Relativi* qui in casu obliquo; ut Pater est filii.

3. *Oppositio Relativa* est *Oppositio* inter relatum & suum Correlatum; ut inter Pater & filius; Dominus & Servus.

*Oppositio contraria* est inter duos terminos qui positi sub eodem genere maxime inter se distant, & non possunt de se, vel de eodem subjecto dici simul, successive autem possunt. Sive sunt duo termini significantes contrarias qualitates.

*Sub eodem genere*] sic differunt à privativè & contradictoriè oppositis.

*Prædicari de se*] sic differunt à Relatis.

*Succesive autem possunt*] sic excluduntur omnes termini de prædicamento substantiæ & Quantitatis, quia non prædicantur contingenter.

*Contrariæ* enim sunt solummodo Qualitates; vel alia gratiâ Qualitatum.

*Privativè* Opposita dicuntur Habitus sive terminus positivus, & sui privatio. *Privatio* autem dicitur, Absentia alicujus à subjecto capaci. *Negatio* autem dicit simplicem Absentiam.

*Privatio* autem non est aliquid reale distinctum ab omni positivo. Sed significat aliquid affirmativè aliquid negativè; & definitione

quid nominis explicatur; ut Cæcus dicitur, qui non habet visum, natus tamen est habere. Sic cæcitas non est quid reale in oculo (licet habeat formam vocis affirmativæ & positivæ) sed est omnino nihil. & habere cæcitatem non est habere aliquid, sed carere eo, quod est aliquid. est sc: absentia visus ubi debet esse. Sed absentia visus non magis est aliquid ubi debet esse quam ubi non debet esse. quare privationes æque ac negationes sunt in vocibus tantum non rebus.

1. *Reg.* Non unus horum terminorum positivus sc: vel privativus, sicut nec unus contrariorum, nec relativorum prædicatur de quolibet alio termino. Sic omne ens non est divisibile vel indivisibile; finitum vel infinitum; videns vel cæcum. album vel nigrum; pater vel filius.

2. Terminus Privativus non est æque latus ac negativus. sic malè arguitur, spatium non est creatum, ergo est increatum; ergo aliquid increatum præter Deum. cum spatium non sit reale.

3. Habitus & Privatio semper sunt circa idem; ejus est cæcitas cujus esset visus.

Nulli vitium est nisi cui virtus potest esse. Sen. ep. 124.

5. *Contradictorii* dicuntur termini *affirmativus* & *suus negativus*; ut homo non homo.

1. *Reg.* Contradictorium unum semper affirmatur de quovis termino, ut Omne ens est homo vel non homo.

2. Inter Contradictoria non datur medium.

3. Contradictoria sunt maxime Opposita.

4. Contradictorium unum non infert suum Contradictorium de subjecto opposito. Sicut non

non sequitur, calor est qualitas, ergo frigus est non qualitas. Bonum est hominem mulierem non tangere; ergo malum est homini mulierem tangere.

Queritur quomodo opponatur longum & breve, magnum & parvum, primum & secundum, prius & posterius. Resp. Relativè.

*De Identitate & diversitate.*

Licet tractare de *eodem* & *Diverso* seu *assimilo* non propriè spectat ad *Logicam*; breviter tamen proponam aliquas conclusiones (in *Metaphysica* probandas) quia conducere ad pleniorè rerum cognitionem & intellectum videntur. Loquimur autem de distinctionibus inter creaturas, alie enim melius est ut omnino Theologiis relinquuntur. Dico ergo.

1. *Dua rei quæcumque sint*, i.e. si utraque earum sit verè res, *distinguantur realiter*. Et omnis res est realiter distincta ab omnibus aliis rebus. & omnis distinctio rerum extra animam est realis. Ex quæcunque distinguuntur per seipsa distinguuntur, & non per aliquid extrinsecum.

2. Unius rei simplicis unicus tantum est verus essentialis conceptus: accidentales vero vero plurimi; quare nec diversæ rationes essentialis.

3. *Composita rei plures* possunt esse *essentialis conceptus*; & plures rationes, quæ inter se *distinguantur ratione*. nam sicut distinctio realis est inter diversas res, ita distinctio rationis inter plures rationes. i.e. conceptus. Sed rei non ideo dicitur distingui à se ipsa ratione, magis quam distinguitur à seipsa realiter ob aliquas res quæ ipsa non sint.

4. *Distinctio Entis realis ab ente rationis*, vel aggregati ex ente reali & rationis ab ente reali vel ente rationis, vel consimili aggregato non est stricte distinctio realis nec rationis, nec nomen aliquod habet.

4. *Diversae rationes* sive considerationes *diversimode* per voces *exprimuntur*, licet eadem sit res. quare non est concludendum, diversa esse entia quamdiu interpretatione vocum identitas salvari potest, i. e. Entia non sunt multiplicanda sine necessitate.

5. *Identitas omnis realis est numerica*, & diversitas realis est inter diversa individua; adeo ut eadem res particularis dicatur esse idem si ve unum numero. sic Marcus & Tullius. Ille homo & Petrus. Virgilius & Princeps Poetarum sunt unum numero.

6. *Unum vel Idem species* dicuntur, quae licet sint diversa individua de iis tamen praedicatur eadem species. & *unum* sive *Idem Genere* dicuntur de quibus idem Genus praedicatur.

7. *Vocum connotantium* diversas v. g. formas in eodem subjecto, ut album & dulce in eodem lacte, significata distinguuntur realiter. Idem dicendum est de vocibus significantibus modos diversos, sive sumantur à conditione, loco, relatione, vel alio quocunque. nisi quis male dicere; cum quis v. g. quærat de albo & dulci (lacte) quomodo differant, esse fallaciam plurium interrogationum: quia scilicet aliquid (lac v. g.) significatum per dulce significatur etiam per album, sive est Idem cum albo; aliquid vero diversum realiter: albedo sc: & dulcedo. sed prior solutio est magis formalis. dicendum vero est de *longo & lato* ejusdem corporis, ea esse realiter idem, partes sc. ejusdem

dem corporis ; sed differre ratione ; five esse  
diversas rationes vel considerationes earundem  
partium. sic de *superiori & inferiori* eodem lo-  
cato , dicendum est ea differre ut duo rela-  
ta. &c.

## CAP. XII.

*De Prædicamentis in Genere.*

**O**Mnia ferè *prædicata* reduxerunt Anti-  
qui ad certas classes five series , quas  
*Prædicamenta* appellarunt. ferè, dico, quia non  
nulla sunt , quæ certum locum five ordinem  
fortiri non possunt ; qualia sunt voces sequi-  
voce & analogice ; nomina partium, artificia-  
lium, & similia. sicut & *Transcendentia*, five præ-  
dicata universalissima ; & *Generalissima* &  
communissimum prædicatum omnium termi-  
norum affirmativorum *est ens*, quod de omni-  
bus affirmatur. Quicquid enim est dicitur  
Ens, five res , five aliquid. Dividitur vero  
Ens in *substantiam*, quæ per se subsistit ; & *Ac-  
cidents*, quod inhæret in Substantia. Sed de his  
tractant Metaphysici. ad Logicam pertinet so-  
lummodo cognoscere,

Quod Prædicatorum & Subjectorum *qua-  
dam* in Prædicamento *Substantia*, alia in Præ-  
dicamentis *Accidentium* ponuntur ; Prædicata  
& Subjecta intelligo Genera, Species, & dif-  
ferentias, quæ prædicantur *univocè* de indivi-  
duis in eodem Prædicamento ; Accidentia au-  
tem prædicantur etiam *denominativè* de termi-  
nis in Prædicamento Substantiæ.

Series

Series autem *Accidentium* non semper denotant *accidentia realia*, sed *prædicata accidentalia*, i. e. talia, quæ non essentialiter prædicantur; sive quæ connotant aliquos conceptus non *essentiales*. sic *Quantitas* revera nihil est nisi partes *Quantitatis*, sed connotat earum partium quoddam esse extra alias. idem etiam nonnulli dicunt de calore, frigore, figura, & aliis quibusdam qualitatibus; & de aliis suo loco videndum est. sed nec Prædicamenta omnia habent nomina alicujus summi generis: Quando enim v. g. & ubi non sunt omnino genera nec species, sed syncategoremata interrogationibus necessaria. Relata etiam sunt voces secundæ intentionis. Sed de his postea.

2. Hic autem notandum est, quod quicquid prædicatur directe de prædicato, prædicatur etiam de subiecto. & hæc dicitur prima regula antepredicamentalis.

2. Genera omnia superiora prædicantur de Speciebus infimis, & earum Individuis.

3. Per genera sua superiora sufficienter distinguitur species infima à cæteris omnibus terminis alterius Prædicamenti.

4. Quod subijcitur subiecto subijcitur etiam prædicato.

5. *Diversorum Generum* & non subalternatim positorum *diverse sunt species & differentia*. Sic *Animal* & *scientia* sub *Substantia* & *Qualitate* diversas habent species & Differentias. Genera autem subalternatim posita dicuntur, quorum unum prædicatur de alio & non denominativè.

6. Generum autem subalternatim positorum nihil prohibet easdem esse species & differentias. superioris enim divisiæ differentia sunt inferioris

# **CAP. XII.    *Artis Rationis.*    35**

inferioris constitutivæ. & hæc duæ secundam regulam ante prædicamentalem constituunt.

3. Prædicamenta sunt decem. Substantia. Quantitas. Qualitas. Relatio. Actio. Passio. Ubi. Quando. Situs. Habitus. Secundum numerum Questionum. Quid, Quantum, Quale, Cujus, A Quo, ad quid, Ubi, Quando, Quomodo, qualiter.

Ad hæc, ut supra dictum est, reducuntur fere omnia Entium genera. quare eorum cognitio utilis est ad representandum quasi in compendio singula nomina entium in Mundo, ad suggerendum locos inventionis, ad constituendas definitiones, & ad judicandum de veritate multarum Propositionum.

**C A P.**

## CAP. XIII.

## De Prædicamento Substantiæ.

2. *Substantia definiri non potest*, quia est summum Genus; describitur autem Ens per se subsistens.

In prædicamento Substantiæ sunt aliqui termini particulares qui dicuntur Substantiæ primæ; alii Universales, qui dicuntur substantiæ secundæ. De primis Substantiis prædicantur illi termini omnes; *substantiales* quidem Univocæ & essentialiter; & substantiæ primæ sunt Univocata tantum, summum genus Univocans tantum; cæteri omnes termini intermedii & univocantes & univocati: *accidentales* autem accidentaliter & denominativè; in concreto sc: secundum nomen; in abstracto vero non secundum nomen, sed significatum *inest* substantiæ primæ; & neutrobique secundum definitionem.

2. A primis substantiis inductivè arguitur ad secundas; à secundis vero ad primas *negativè*. Ut Socrates & Plato, &c. est Animal, ergo omnis homo est animal, & non est homo, ergo non Socrates.

Minus Universales dicuntur magis proprie Substantiæ, primo quia respondent magis apte questioni factæ per quid de primis, ut Quid est Socrates? aptius respondetur, est Homo, quam est animal. secundo quia Substantiæ primæ non solum subsistunt per se, sed in iis etiam insunt accidentia omnia.

3. Proprietates Substantiæ.

1. Omni Substantiæ convenit non inesse in subjecto.

2. Inferio-



2. Inferiores termini singuli habent & nomen & definitionem superiorum.

3. Omnes Substantiæ primæ de prædicamento Substantiæ videntur significare hoc aliquid, hoc est unum aliquid; substantiæ vero secundæ significant plura.

4. Substantiæ nihil est contrarium.

5. Termini de Prædicamento Substantiæ non prædicantur cum magis & minus. & tamen dicit Aristoteles Speciem esse magis Substantiam quam Genus; i. e. aptius responderi ad questionem quid est de aliquo individuo per speciem quam genus.

6. Substantia eadem numero permanens est capax contrariorum successive.

## CAP. XIV.

*De Quantitate.*

**Q**uantitas dicitur, quæ denominat rem quantam vel quotam. estque primo continua, cujus partes inter se conjunguntur aliquo communi termino: lineæ enim quamlibet partem accipiamus, & alteri conjungitur, saltem ex una parte: quod si aliqua ulterius non procedat, dicimus eam partem non posse ulterius dividi sed ibi terminari: & proinde dicitur punctum.

Continuæ Quantitatis species sunt.

*Linea*, longitudo sine latitudine & profunditate.

*Superficies*, longitudo & latitudo sine profunditate.

D

Corpus

*Corpus*, longitudo, latitudo, & profunditas.

*Tempus*, mensura motus secundum prius & posterius.

*Locus*, Superficies concava corporis ambientis. licet ob quasdam locutiones fortasse magis proprie diceretur, Spacium intra superficiem ambientis corporis. dicitur enim corpus esse *in loco, & intra superficiem*.

2. Discreta, cujus partes communi termino non copulantur; estque Numerus, Unitatum multitudo.

Vel Oratio, mensura syllabarum longarum & brevium.

Proprietates Quantitatis sunt.

1. Quod quantitati nihil est contrarium.

2. Quanta non prædicantur cum magis & minus.

3. A Quantitate res dicuntur æquales; scilicet quæ habent eandem Quantitatem: & inæquales quæ diversam.

Quomodo explicandi sint omnes modi loquendi secundum opinionem eorum, qui sustinent, Quantitatem nihil aliud esse quam partes extra partes: nec distingui realiter ab iis siue substantiâ, siue qualitate, quorum sunt partes, non est hujus loci declarare.

## CAP. XV.

*De Qualitate.*

**Q**ualitas est à quâ subjectum denominatur quale.

1. Qualitatis quatuor sunt species. prima est *Habitus* & dispositio. *Habitus* vero est *Qualitas* multis actionibus acquisita, difficulter mobilis à subjecto, & facit ut *Agens* agat facile & cum voluptate, ut *virtus* & *scientia*, &c. *Dispositio* vero est *habitus* quidam inchoatus, sive dispositio ad habitum.

*Habitus* & actus sæpe appellantur eodem nomine, ut *Scientia* est & actus sciendi & habitus.

2. Species qualitatis est *Naturalis potentia* & *impotentia*: estque potentia sive facultas à natura insita quâ aliquid dicitur *Habile* ad aliquid agendum vel parendum; ut *Intellectus*, *voluntas*. *Impotentia* vero est debilior potentia.

*Potentia naturalis*, propria passio, propria affectio, & proprium idem significant.

3. Species qualitatis est *Patibilis Qualitas* & passio. *Patibilis qualitas* dicitur, quæ infert passionem sensui, sive objectum proprium cuiusvis sensus, ut *color*, *lumen*, *calor*, &c. *Passiones* vero dicuntur subitæ animi commotiones; ut *ira*, *pudor*, sicut & mutationes colorum faciei ex iis ortæ ut *rubor* ex *verecundia*, *pallor*, &c.

4. Species Qualitatis dicitur *figura*, quæ est terminorum sive extremorum quantitatis certa.

dispositio; ut si queratur quale sit corpus, responderetur Rotundum, quadratum, triangulare. & forma, quæ est debita colorum commixtio, unde formosum quid dicitur.

Proprietates Qualitatis.

1. Aliquæ Qualitates (habitus sc: morales, & patibiles qualitates) aliis qualitatibus sunt contrariæ. ut virtus vitio, album nigro.

2. Quidam termini de prædicamento qualitatis prædicantur cum Magis & minus. sic justior, i.e. magis justus. candidius, magis candidum.

3. Gratiâ Qualitatum res dicuntur similes, i. e. si habent easdem qualitates, & dissimiles, si diversas.

C A P. XVI.

*De Relatis. Sive iis quæ dicuntur  
ad Aliquid.*

1. **T**Erminorum connotantium aliqui prædicantur de aliis in casu recto, alii in casu obliquo tantum; sicut Pater dicitur Filii. & huiusmodi termini proprie dicuntur Relata. proprie dico, quia sunt alii termini qui dicuntur aliquo modo ad aliquid licet sint absoluti, ut manus est alicujus manus; calidum est calore calidum. tales termini sunt in aliis prædicamentis, nec sunt nati prædicari in casibus obliquis tantum; sicut non est semper verum dicere, omnis equus est alicujus; nec habent correlata, sine quibus definiri non possunt. *Relata autem, relatio, ad aliquid proprie dicta,*  
&c.

CAP. XVI. *Artis Rationis.* 41

&c. sunt voces *secunda Intentionis*: & proinde non significant *res*, sed tantum conceptus sive alias voces *prima Intentionis*. Voces autem relativæ significant plura absoluta: ut Pater significat quantum hæ voces, homo habens filium. termini autem significantes relationem *in abstracto* facti sunt ad similitudinem *formarum* aliorum abstractorum; licet, ut dictum est, non supponunt pro alio præter sua *concreta*. Sic similitudo v. g. significat Socratem & Platonem, & eorum albedines; nullum vero ens inter utrumque, quia tale ens non datur. quicquid enim est (de creatis loquimur) *absolutum* est, sive per terminum absolutum significatur. nec Pater paternitate (i. e. aliqua re relativâ) est pater, magis quam columna dextritate est dextra: sed multæ hujusmodi improprie locutiones usitatæ sunt apud eos, qui asserunt, relationem esse rem aliquam distinctam ab omnibus absolutis. & qui multiplicant entia secundum multitudinem terminorum.

2. Terminos in prædicamento Relatorum difficile est ordinare. excludendi sunt isti, (de quibus dictum est) improprie dicti, quique frequenter sed perperam dicuntur secundum dici. hic vero collocandi sunt *proprie relativi*: ut causa, Dominus, signum, effectus, activum, produciens, agens, & hujusmodi cum suis correlatis. omne scilicet nomen vel participium, quod de nullo potest verificari, nisi vere adjungatur casus obliquus alterius dictionis, præter suum abstractum (nam calidum non est relatum etsi sit calore calidum.) hinc sequitur verba frequenter poni in prædicamento actionis & passionis quorum participia & verbalia sunt relata.

3. Proprietates Relatorum.

1. Quidam termini relativi sunt contrarii; & 2<sup>o</sup> dicuntur cum magis & minus. ut Socrates est magis similis Platoni quam Thersites. Illi scilicet termini qui fundantur in iis que sunt contraria. Termini autem Relativi dicuntur Relatum & correlatum, inter que haberi dicitur Relatio, & ista Relatio fundari dicitur in aliquo alio; gratia sc: cujus est ista relatio. ut relatio similitudinis in Qualitate, & qualitatis in Quantitate.

3. Relata dicuntur ad convertentiam. convertibiliter dicuntur que de se mutuo predicantur in casu recto; ad convertentiam, que in obliquo.

4. Omnia relata sunt simul natura. simul natura dicuntur que dicuntur ad convertentiam; neutrum autem est causa alterius. sic sublato servo tollitur dominus, &c.

Prius natura dicitur alio, a quo non retro com meat essendi consequentia. ut unum est prius duobus, quia sequitur si duo sunt, unum est; non retro si unum est, duo sunt.

C A P.

## CAP. XVII.

*De Actione & Passione.*

**C**Uma quicquid sit per *nomen* significetur, necesse est, ut *verba* non significant diversum quid à nomine; quare Agere & pati non significant res diversas à cæteris prædicamentis substantiæ & qualitatis; sed easdem res cum connotatione rerum aliarum.

Actio autem & passio supponunt pro eadem re, sed non subordinantur eidem conceptui propter diversa connotata; actio enim connotat agens, passio patiens. adeo ut non habeant eandem definitionem *quid nominis*.

*Agere* autem qui potest vel *in aliud*, ita ut actio transeat ab uno ad aliud, ab agente sc: in passum; quod exprimitur per verba propriè activa, & dicitur *Actio transiens*.

Vel potest actio remanere *in agente*, ita ut idem prorsus sit Agens & patiens: diciturque talis *Actio immanens*, & exprimitur per verbum Neutrum, ut curro, nec habet ullum passivum sibi correspondens.

In Prædicamentum Actionis ponuntur verba omnia active significantia sive immanenter sive transeunter.

In Prædicamento Passionis verba omnia passiva.

*Activa*, autem significant vel *agere* vel *facere*: *passiva*, autem significant vel *pati* vel *fieri*. & prædicatio hoc modo fit, quod calefacit v. g. agit, quod calefit patitur. reducere autem omnia verba ad certas species difficile, si non impossibile, est.

1. Proprietates. Actiones aliquæ & Passiones (ex sc: quæ fiunt à contrariis) sunt contrariæ; ut calefacere est contrarium frigefacere; & Calefieri, frigefieri.

2. Tales etiam termini dicuntur cum magis & minus. ut magis calefacit ferrum candens quam stipula accensa.

## C A P. XVIII.

### *De Quatuor reliquis Prædicamentis.*

1. **I**N Prædicamento ubi ponuntur adverbia ista quæ respondent quæstioni factæ per ubi, ut in foro.

2. In Prædicamento Quando ponuntur ei quæ respondent quæstioni factæ per quando, ut heri, cras. & non significant res diversas à vocibus aliorum prædicamentorum; sed easdem res adverbialiter tantum.

3. Situm dicunt positionem partium in loco. & in hoc ponuntur aliquot verba neutra. stare, sedere, jacere. Item Angulus. Septentrio, Meridies, &c. dextra, sinistra, ante, retrorsum.

4. Habium dicunt ut indumentum habere.



## CAP. XIX.

*De Suppositione.*

1. **D**ifficilis & subtilis admodum est hæc de *suppositione* tractatio, & ab Authoribus diversimodè, sed fere semper obscurè, tradita. Est autem *Suppositio Vocis* cuiuspiam usus pro re quam quomodocunque significat. Nam dum voce utimur pro-significato, vox illa dicitur *supponi*, substitui, vel stare pro illo significato. Cum enim loquimur, è rebus ipsis sermones componere non possumus; sed ex vocibus eas significantibus; & proinde eas voces in rerum locum substituimus; ac de iis arguimus, ac si essent ipsissima significata. Quare necesse est, ut differentiam vocum à significatis, vel potius modi significandi ab ipsissimis significatis investigemus. Cum (ut sæpius dictum est) non accuratè & naturaliter, sed artificialiter tantum rebus correspondent; quin & à nativâ impositione, vel à consuetudine, vel necessitate, (primis linguarum inventori- bus non omnia pervidentibus) forte etiam ornate loquendi desiderio, divergebant. unde orti sunt hi, quos Logici appellant, *Modi suppositionum*. *Suppositio* autem non est significatio ipsa; sicut Album significat quidem albedinem, idque principaliter; sed non supponit pro albedine; cum non potest dici Albedo est alba. Neque nomina supponuntur nisi pro iis quæ demonstrari possunt per pronomen [*hoc*]. sic *negativi* & *privativi* significant quidem, ut & *Synecategoremata*; sed non supponunt:

nunt : cæcus enim non supponit pro negatione, sed pro animali non vidente. tales ergo termini, ut & *Verbales*, dicuntur *Termini non supponentes*, nec possunt definiri nisi definitione quid nominis exprimente. Sed significandi modus, & ejus cognitio ab usu, bonorumque Authorum lectione, & accuratâ consideratione potius quam Regulis quibuscunque petenda est. in omnibus enim sequendus est sensus vulgo usitatus, potius quam verborum structura. Notandum vero est primo Suppositionem esse earum vocum tantum quæ significant, non autem de non significantibus, ut Chimæra, Blictri, &c.

2. Ex esse solum in propositione; nam licet vox significet extra propositionem, non tamen cognoscitur quo modo significet nisi in propositione formetur.

3. Authores utri & supponit & supponitur indifferenter.

2. *Suppositionum* varix sunt species, primo est Suppositio *materialis*, sive *technica* (quæ præcipue utimur in terminis Artis) estque cum vox ponitur pro seipsâ, i. e. non significativè, ut Homo est nomen. Caput est dissyllabum; homo & caput non significant seipsa, & tamen *supponunt* pro seipsis. Sic bene est adverbium; homo est Animal est propositio vera. Vox autem sic supponens habetur pro Singulari tantum. quare hæc contradicunt: Homo est dissyllabum, homo non est dissyllabum; & ex iis fiunt Syllogismi expositorii; nec à voce eo modo supponente arguere licet vel ad ejus Superiora, vel ad inferiora.

2. Suppositio *simplex* est; Cum vox significativa ponitur præcise pro intentione sive conceptu

*ceptu formali mentis*, ut Homo est Species, & non pro significatis; significat enim homo individua sua quæ sunt veræ res extra animam. in hac propositione, Hominem esse animal verum est, subjectum supponit simpliciter. Sic quando dicitur, Homo est creaturarum nobilissima, homo ibi non supponitur pro Individuis; subintelligitur enim species, sic, Homo est nobilissima species omnium specierum creaturarum. Vox autem simpliciter accepta in argumentatione habetur tantum pro singulari: adeo ut talis syllogismus sit Expositorius v. g.

Homo est creaturarum corporearum nobilissima  
Homo est Species infima ergo

Aliqua species infima est creaturarum nobilissima.

3. Suppositio Personalis, quando terminus tenetur significativè, sive supponit pro suo significato, sive sit extra animam; ut homo est animal. sive vox; ut Omne nomen est pars orationis. sive intentio & conceptus animæ, ut omnis species est Universale. sive scriptum, ut Omnis dictio scripta est vox. Adeo ut vox Universalis supponat personaliter cum ei potest addi signum Universale vel Particulare. Singularis autem cum in ejus locum potest substitui ipsius superius, vel ejus Denominatum, eadem scilicet veritate. Ut Plato fuit Philosophus Atheniensis, Petrus fuit primus Apostolorum, &c.

Notandum autem est, primo hunc esse Naturalem & ordinarium supponendi modum; & quemlibet terminum in propositione quicumque posse supponere personaliter, nisi ex utentium voluntate aliter coarctetur; eo modo sc: quo terminus Æquivocus potest pro quolibet significato supponere, nisi arctetur ad  
unum

unum certum ex voluntate utentis. omnis autem terminus non potest semper habere simplicem vel materialem suppositionem; sed tunc tantum cum comparatur alteri extremo, quod conceptum animæ, vel vocem respicit.

2. *Nos.* Categorematicam vocem solummodo supponere personaliter; eamque, quæ est extremum propositionis significativè sumptum. quare Syncategoremata nulla, ut & nec verba (in illa enim Legere bonum est, legere ex usu communi stat pro nomine) nec partes subjecti vel prædicati; ut in hac, homo albus est animatus, nec homo nec albus, supponunt personaliter sed totum Subiectum.

3. *Nos.* De quolibet supponente personaliter posse monstrari illud pro quo supponit. posseque dici hoc est tale v. g. hic est homo.

4. Suppositio personalis dividitur, primo in Distributivam. Secundo Collectivam. Tercio Determinatam. Quarto Confusam. & explicantur per 4 modos descensus Logici: primo Copulativum, qui fit per conjunctionem copulativam copulative sumptam, & servit explicandæ distributivæ, ut omnis homo est animal, i. e. hic & ille & iste &c. homo est animal. Secundo Copulatum explicandæ collectivæ; fit per conjunctionem Copulativam copulativam sumptam, i. e. non connectentem propositiones Categoricas, sed partes alterius extremi alicujus propositionis. ut omnia elementa sunt quatuor. i. e. Ignis, aqua, terra & ær elementa sunt quatuor. Tercia Disjunctivum explicandæ determinatæ; fit per conjunctionem disjunctivam acceptam disjunctivè, i. e. connectentem propositiones simplices saltem secundum sensum. Quarto Disjunctum explicandæ

plicandæ confusæ; sit per conjunctionem disjunctivam disjunctum acceptam.

Distributionem autem asserunt vocibus signa omnia Universalis, tam affirmativa quam Negativa.

Dictiones significantes excessum aut diversitatem eam vocem distribuunt, quæ sequitur vi excessus aut diversitatis. Taurus sesquialter est equo. Vulpes astu vincit Leonem. Fraxinus differt ab arbore. nisi res ejusdem speciei conferantur, ut Stella differt à Stella in clastro. homo quantum distat ab homine. in his enim & talibus & Subjectum & prædicatum supponunt determinatè.

Dictio exclusiva distribuit prædicatum, si subjectum afficiat affirmative; ut Sola animalia egrotant, i. e. quicquid egrotat est animal. Priscianus fuit tantum Grammaticus, i. e. Grammaticam & nullam aliam Scientiam tenuit.

6. Suppositio Collectiva, quæ aliquæ vocem copulativam, cernitur in hujusmodi propositionibus. Omnia elementa sunt quatuor. Tres homines vicerunt unum. & est, quæ vox communis supponitur pro suis significatis copulativam; i. e. quando alterum propositionis membrum significatur omnibus vel pluribus simul suboptis, non autem singulis seorsim, convenire. Hanc efficiunt voces, Omnes sive Universi, ambo. item voces numerales, & sæpe sine his & à sensu tantum dijudicatur; at Animal sine alimento diu vivere non potest. Animal ibi sumitur distributive, sed alimento collectivè. sensus enim est, non posse carere omnibus simul alimentis, non autem singulis. Sic omnis homo habens omnem pecuniam

est diversum: *pecuniam* ibi supponitur collectivè. Sic in illa, omne animal præter hominem est irrationale: *præter hominem* sumitur collectivè; quia non potest concludi, ergo Omne animal præter Joannem est irrationale.

Suppositio Determinata est, qua vox communis ponitur pro suis significatis disjunctivè enumerandis; sive quando contingit descendere per disjunctivam ad Singularia. ut sequitur; Homo currit, ergo hic, vel ille, vel iste, &c. homo currit. talis enim propositio vera est pro aliqua Singulari determinata; & quælibet singularis sufficit ut propositio sit vera. Sic utrumque extremum sumitur determinatè in hac propositione; Homo est animal. sequitur enim ergo vel hic, vel iste, vel &c. homo est animal. & homo est vel hoc, vel istud, vel, &c. Animal. In hac propositione autem, Quidam homo non est justus; homo sumitur determinate, justus autem distributivè. Signum, *Alter*, quod est signum particulare, aliquando significat unum è duobus, aliquando diversum tantum. v. g. sint duo magni inimici, verum est de iis dicere; uterque alterum amat. vera est propositio si *alterum* significet, aliquem alium hominem; falsa si alterum, i. e. inimicum suum.

Suppositio confusa (quam aliqui vocant confusam tantum) est, quæ vox communis ponitur pro significatis suis disjunctim enumerandis; i. e. ita ut alterum propositionis extremum significetur convenire huic, vel isti, vel illi, vel ulli reliquorum indistinctè; ita ut non contingat descendere ad inferiora nec per disjunctivam nec copulativam. ut tantum homo currit, non sequitur tantum ille, vel iste.

Sic

Sic sumitur prædicatum in his. Omnis homo est animal: quia non possumus descendere sub animali ad sua singularia per disjunctivam. quia non sequitur omnis homo est animal, ergo est hoc, vel illud, vel istud animal. Sic subiectum harum propositionum. Alteruter oculus est necessarius ad videndum. pecunia est necessaria ad mercimonia comparanda. Equus est necessarius equitaturus. i. e. neque hæc, neque illa, neque ista sed aliqua pecunia est necessaria.

Regulæ de argumentationibus respectu suppositionum propositionum.

1. Vitiosa est argumentatio in cuius parte aliqua vox communis distribuitur, quæ in antecedente non fuit distributa. plus enim requiritur ad veritatem propositionis in quâ est vox distributiva, quam in qua est vox non distributa. Ut enim verum sit omnis homo est sanus, oportet hoc prædicatum convenire singulis hominibus. ut autem verum sit hominem vel aliquem hominem esse sanum, sufficit si unus sit sanus.

2. Vox sumpta collectivè habetur singularis. quare huic, omnia elementa sunt quatuor, non contradicit ista non omnia elementa sunt quatuor, sed omnia elementa non sunt quatuor. & in argumentando cavendum est ne arguamus à voce collectivè sumptâ, ac si distributivè sumeretur. hoc modo scilicet, omnia elementa sunt quatuor. Terra & aqua sunt elementa, ergo sunt quatuor.

3. Vitiosa est argumentatio, si ab una voce in antecedente sæpius determinatè posita progressivè ad eandem semel duntaxat positam determinatè: si ei adjungatur vox distributa. v.g. Ali-

quod animal non est homo, & aliquod animal non est bestia. ergo aliquod animal non est animal. valeret argumentatio si in antecedente semel tantum poneretur animal, ut aliquod animal neque est homo neque bestia. ergo. vel. Aliquod animal non est homo. idem animal non est bestia. ergo.

4. Non valet argumentatio, quæ ex voce communi confusè sumptâ arguitur ad eandem sumptam determinatè, neque in quâ ex voce confusè sumpta arguitur ac si poneretur Determinatè: v. g. Omnis homo est animal, ergo aliquod animal est omnis homo. Pecunia necessaria est empturo, ergo vel aurea, vel argentea, vel ærea sed nulla harum, ergo nulla.

Suppositioni pertinent Status, Distractio, Ampliatio, quæ ei conveniunt respectu temporis verbi principalis.

Status autem sive suppositionis habet dictio, si in propositione sumatur pro iis rebus duntaxat, quæ respondent tempori per verbum principale significato. Distractionem habet, si pro illis tantum, quæ respondent alii tempori. Ampliationem, si pro pluribus rebus, quam quæ respondent tempori verbi principalis.

V. g. Qui surgebat stat, sedens surgebat; ergo sedens stat: hic prædicatum majoris & minoris & utrumque extremum conclusionis habent statum suppositionis sive. Subiectum majoris distrahitur, & Subiectum minoris ampliatur ad præsens & præteritum. Sed hæc melius ad fallacias reduci mihi videntur.




## SECUNDA PARS LOGICÆ.

## De vocibus complexis &amp; Propositionibus.

## CAP. I.

## De Oratione &amp; ejus Partibus.

1.  Ratio sive vox *Complexa* est plures voces simul junctæ cum verbo. Ejusque Partium, i. e. vocum alie sunt *Synecategorematicæ*, quæ per se non supponunt, sed additæ aliis significationem earum modificant. Cujusmodi sunt multa adjectiva, ut omnis, nullus; Pronomina Adjectiva; voces omnes indeclinabiles, nisi supponunt materialiter. sunt autem sicut cifrae, quæ etsi nihil valent, additæ tamen numeris eos valere faciunt; Et sunt partes subjecti vel prædicati, non autem ipsum subjectum vel prædicatum. Alie *Categorematicæ* (qui & Termini strictè loquendo appellantur) sunt, quæ per se significant, & possunt esse Partes essentielles, i. e. subjectum vel prædicatum Propositionis. hujusmodi sunt Substantiva omnia, sive nomina, sive Pronomina; & Adjectiva, & Participia substantivè posita; & omnes voces supponentes materialiter; & hæc omnia dicuntur *nomina*, quia significant ad modum nominis; altera Pars essentialis est *verbum*.

2. *Nomen* autem est appellatio cujusvis rei

prout in se est, sine relatione scilicet actionis vel passionis; & proinde non variatur cum differentiâ aliquâ temporis, præsentis scilicet, præteriti, vel futuri. Casus autem rectus dicitur nomen; ceteri dicuntur *Casus nominis*, & sunt partes subjecti vel Prædicati; nomen autem est subjectum vel prædicatum in propositione.

3. *Verbum* est Pars Orationis significans rem cum connotatione agendi vel patiendi ad aliud, & variatur cum aliquâ differentiâ temporis. Huiusmodi sunt *Verba* omnia five *Activa*, five *Passiva*, five *Nutra*; suntque vel *Copula*, vel *Copula* & prædicatum simul.

Nam omnia verba *resoluntur* in verbum Substantivum cum Participio; ut *Currit* est *Currens*; *amabit* est *amaturus*; *amatur* est *amatus*; *amabitur* est *amandus*.

¶ *Verbum* est Pars Orationis significans rem cum connotatione agendi vel patiendi ad aliud, & variatur cum aliquâ differentiâ temporis. Huiusmodi sunt *Verba* omnia five *Activa*, five *Passiva*, five *Nutra*; suntque vel *Copula*, vel *Copula* & prædicatum simul.

Nam omnia verba *resoluntur* in verbum Substantivum cum Participio; ut *Currit* est *Currens*; *amabit* est *amaturus*; *amatur* est *amatus*; *amabitur* est *amandus*.

¶ *Verbum* est Pars Orationis significans rem cum connotatione agendi vel patiendi ad aliud, & variatur cum aliquâ differentiâ temporis. Huiusmodi sunt *Verba* omnia five *Activa*, five *Passiva*, five *Nutra*; suntque vel *Copula*, vel *Copula* & prædicatum simul.

Nam omnia verba *resoluntur* in verbum Substantivum cum Participio; ut *Currit* est *Currens*; *amabit* est *amaturus*; *amatur* est *amatus*; *amabitur* est *amandus*.

¶ *Verbum* est Pars Orationis significans rem cum connotatione agendi vel patiendi ad aliud, & variatur cum aliquâ differentiâ temporis. Huiusmodi sunt *Verba* omnia five *Activa*, five *Passiva*, five *Nutra*; suntque vel *Copula*, vel *Copula* & prædicatum simul.

## CAP. II.

De Propositione, ejus partibus,  
& Speciebus.

I. **U** Sitato more loquendi *Propositio* idem est ac *Oratio*; licet *Propositio* magis proprie diceretur ea tantum quæ dicitur *Categorica*; & *Oratio* etiam ea quæ dicitur *Hypothetica*.

*Orationum* autem alia est *Indicativa*, cujus verbum sive *Copula*, est *Indicativi* modi & presentis *Temporis*; directe aliquid affirmans vel negans; diciturque *Categorica*. & constat ex uno *subjecto*, uno *predicato*, & una *Copula*.

*Subjectum* dicitur, quod præcedit *Copulam*, i. e. est suppositum verbi.

*Predicatum*, quod sequitur. *Copula* est verbum *Substantivum*. Ut, *Socrates legit librum*. *Socrates* est *subjectum*; *legens librum*, est *predicatum*; & *Est* est *Copula*.

Quinam vero terminus est *subjectum*, quid *Predicatum*, ex sensu & constructione cognoscitur, non terminorum positione. Ut, *turpe est obsequi libidini*; *Turpe* est *Predicatum*.

*Felix qui potuit rerum cognoscere causas,*

*Atq; virtus omnes, & inexorabile fatum*

*Subjicit pedibus, strepitumq; Achillis, &c.*

*Felix* est *predicatum*, qui potuit rerum, &c. est *subjectum*: *Oratio* enim integra, vel etiam *Orationes* possunt esse *Subjecta* vel *Predicata* in *propositione*. Observandum autem est hu-

jusmodi sententias plures propositiones comprehendere, quæ accuratè distinguendæ sunt; v. g. Qui potuit cognoscere causas est felix. Qui sibi subiecit omnes Metus. Qui sibi subiecit fatum. Qui sibi subiecit strepitum Acherontis, &c. est felix; & hæc omnes propositiones sunt Categoriæ, & faciunt unam Hypotheticam Copulativam.

*Copula* propriè nihil aliud innuit quàm, illud, quod significatur per subjectum, significari etiam per prædicatum; nunquàm autem significat subjectum vel prædicatum reverà esse vel existere; & proinde licet Propositiones Indicativi modi, sint præteriti tamen vel futuri temporis, quibus scilicet inest *fuit* vel *erit*, resolvendæ sunt per *Est*. *Erit*, est futurus. Ut, Puer est futurus senex: *fuit*, i. e. factum est. Nam non licet dicere Puer erit senex, ergo senex erit puer.

Ex usu loquendi *Copula* aliquando implicat causalitatem. ut Bonum est, quod Deus vult, i. e. Velle Dei facit esse bonum: Aliquantillo etiam idem est ac significat; ut differentia est forma, i. e. significat formam.

2. *Orationum*, i. e. *Propositionum* (seu potius *Complexorum Propositionalium*) alia sunt aliorum modorum; Imperativi scilicet, Potentialis: & istæ resolvuntur hoc modo. honora Parentes; Ego jubeo, hortor &c. ut tu honores parentes; Tu potes honorare Parentes; Oro, Opto, precor, &c. ut tu honores Patentes. Ex *Orationes* omnes hujusmodi, in quibus sunt plures *Copulae*, i. e. plures *Orationes* per conjunctionem aliquam unitæ, dicuntur *Hypotheticae*. Sic *Interrogationes* etiam si fiant per verbum Indicativum sunt *Hypotheticae*.

### CAP. III. *Artis Rhetoricæ.*

theticæ. & resolvendæ per Quæstio, ut Quæstio  
nam Socrates legit.

### C A P. III.

#### *De Propositionibus Hypotheticis.*

**P**ropositiones dicuntur Hypotheticæ, etiam si sint Copulativæ, disjunctivæ, causales, relativæ, vel discretivæ; quia hypotheticæ scilicet sunt principales. Hypotheticarum tot sunt species, quot sunt species conjunctionum propositionum unientium: cuiusmodi sunt.

1. *Copulativæ*, five plures Categoricæ per Copulativam unitez, ut Mors & vita in manibus linguae, i. e. vita est in manibus linguae, mors est in manibus linguae. quare ad has reducendæ sunt eæ Propositiones, quarum partes per Articulum copulantur. Ut, sperat infans, metuit secundis alteram sortem bene præparatum pectus.

Ad harum Propositionum veritatem requiritur utriusque membri veritas; ad falsitatem utriusvis falsitas.

2. *Disjunctivæ*, quæ scilicet per disjunctivam copulantur; nihil refert, utra propositio præponatur. Ut, aut amat, aut odit mulier, nihil est tertium.

Harum veritas dependet ex membrorum veritæ oppositione; five sint species cuiusdam generis, five Contradictoriæ. Ut, omnis homo agit vel propter iram vel merum; falsa est, quia non sufficienter enumerantur disjuncta.

si

si autem fiat sufficiens enumeratio, sufficit tunc ad veritatem huiusmodi propositionum, si una pars sit vera; & ut sit falsa, necesse est ut utraque sit falsa. Ut, hæc est vera, Deus honoratur aut blasphematur à viris bonis.

3. *Conditionales* sunt, quæ per conditionalem si uniuntur. Ut, si quid principio essendi caret, est infinitum. potest huiusmodi propositio esse vera, licet utraque propositiones sine falsæ; modo consequentia sive dependentia unius ex aliâ sit bona; nihil enim aliud affirmat vel negat huiusmodi Propositio. Ut, si Angelus è cælo evangelizaverit vobis præterquam quod evangelizavimus, anathema sit. Potest etiam utraque propositio esse vera, consequentia falsa: Ut, si sol cras oriatur, serenus erit dies. Conditionalis enim ita se habet, ac si quis dicat, si Antecedens sit, consequens etiam est, vera. si verum sit plenilunium esse, verum est etiam æstus esse maximum. Qui autem supponit, nihil affirmat nec concedit.

4. *Causalium* ea ferè est ratio quæ conditionalium, differunt autem, quia Antecedens debet esse causa consequentis. tolluntur in altum, ut casu graviore ruant. possunt quia posse videntur.

Ex proinde utraque propositio debet esse vera, & causalitas etiam vera; Ut, hæc est falsa; N est infelix, quia sub tali sydere natus; licet sit infelix, & natus sub tali sydere; si nasci sub tali sydere non est causa infelicitatis.

Sed ad harum veritatem non semper est necesse, ut sit causa vel conditio realis; sed sufficit, si conjunctio significet causam assensus nostri tali conclusioni: Ut, quia homo est rationalis,

fibilis,  
nalem  
positio  
ductiv

Ad  
ges qu  
quia R  
quiritu  
resolvi  
est rife  
mne r  
mo,  
Quia  
compl  
tivam  
potest  
men  
ambu

5. A  
comp

6. A  
tate  
positi  
tiis, s

7. A  
sap

pie

em

7. A  
polic

ter,  
tellig

ticas  
cant

ibilis, est rationalis. five credo eum esse rationalem, quia est risibilis. Quare eadem propositio est cum eâ, quam rationalem five Inductivam appellant.

Ad Causalem reducuntur *Reduplicativa*: Reges quâ reges solo Deo minores. i. e. Reges quia Reges solo Deo minores. Ad has enim requiritur, ut unus terminorum sit causa alterius. resolvitur autem sic; Homo quatenus homo est risibilis. 1<sup>o</sup> Omnis homo est risibilis. 2<sup>o</sup> Omne risibile est homo. 3<sup>o</sup> Homo, quia est homo, est risibilis. Sed in his propositionibus Quia debet significare causam immediatam, & completam; Ut, Homo quâ potentiam motivam habet, ambulat, falsa est; quia licet non potest ambulare sine potentiâ motivâ, hæc tamen non est immediata & adæquata causa ambulationis, sed ejus voluntas.

5. *Relativarum* veritas dependet ex veritate comparationis, de quibus postea.

6. *Discretivarum* veritas dependet ex veritate utriusque propositionis, & earundem oppositionis; ut, felicitas non dependet ex divitiis, sed sapientiâ, huic contradicatur dicendo.

1<sup>o</sup> Felicitatem dependere ex divitiis, non sapientiâ.

2<sup>o</sup> Eam nec dependere à divitiis, nec sapientiâ, sed aliquo alio.

3<sup>o</sup> Eam dependere ex divitiis & sapientiâ.

7. Notandum etiam est plurimas esse Propositiones Categoricas hypotheticis *æquivalentes*, i. e. quæ, etsi Categoricæ videantur, intelligi tamen non possunt, nisi ad hypotheticas reducantur. hujusmodi sunt ex, quæ vocantur. 1<sup>o</sup> *Exponibiles*; *Exclusivæ* scilicet, *ex-*  
ceptivæ,

ceptivæ, & Comparativæ. Nam de Reduplicativis jam, quantum sufficit, dictum est. 2<sup>o</sup> Illæ etiam, quas vocant *modales*. Et 3<sup>o</sup> Illæ in quibus insunt termini *compositivi*, relativi, privativi, & infiniti, &c. Et ad illas non potest responderi unico responso, quod sint vel universales vel particulares; Nam sic committeretur fallacia plurium Interrogationum; sed oportet eas primò exponere, deinde respondere.

1<sup>o</sup>. *Exclusivæ* sunt, in quibus est signum exclusivum; ut tantum, unicus, solus: (Solu autem aliquando habet significationem solitarii, ut Petrus solus portavit illud onus, i. e. sine comite): quod vel subiecto vel prædicam applicatum ea excludit; ut, Priscianus solus est Grammaticus, differt ab illâ, Priscianus est solus Grammaticus. Propositio exclusiva aliquando resolvitur in tres simplices, ut Prudentia sola virtutum est scientia, i. e. Prudentia est virtus; 2<sup>o</sup> Prudentia est scientia. 3<sup>o</sup> Nulla alia virtus est scientia. Hirundo sola avium pascitur in volatu, i. e. hirundo est avis. 2<sup>o</sup> Hirundo pascitur in volatu. 3<sup>o</sup> Nulla alia Avis ita pascitur. Sæpius verò in duas solvuntur. Ut, Priscianus solus est Grammaticus, i. e. Priscianus est Grammaticus. 2<sup>o</sup> Nullus alius est Grammaticus. Priscianus est solus Grammaticus, i. e. Priscianus est Grammaticus. 2<sup>o</sup> Nihil aliud est quàm Grammaticus.

Exclusivæ etiam *Negativæ* pari modo in duas resolvuntur; ut non solus homo est quadrupes in primam, homo est quadrupes, & secundam Aliquid præter hominem est quadrupes. Dicunt autem aliqui alio modo resolvendas esse; sc: vel nullus homo est quadrupes,

CAN  
drup  
quad  
mul  
solus  
ment  
argue  
nem  
Chri  
tione  
hi v  
nend  
dicto  
est q  
pes r  
est,  
copu  
Con  
excl  
rum  
pes.  
expe  
omn  
solu  
eum  
In  
non  
dict  
per  
tus  
dere  
nus  
liud  
ture  
red  
scir  
etia



drupes, vel secundo aliquid præter hominem est quadrupes. aliter duæ contradictoriæ essent simul falsæ, sc: solus homo est quadrupes; non solus homo est quadrupes. Et ex hoc fundamento negat Bell: consequentiam Chemn: arguentis, Concilium Trident: asserens hominem non justificari solâ imputatione justitiæ Christi concedere, homines justificari imputatione Justitiæ Christi, licet non solâ. Sed mihi videtur primus modus exponendi esse tenendus; neque argumentum de falsitate contradictoriorum valet. quia constat illas, Solus homo est quadrupes, & non solus homo est quadrupes non esse contradictorias propositiones; id est, negationem non exercere vim suam in copulam, prout habetur in illa propositione Concilii Tridentini; sed tantum in signum exclusivum; licet & aliquo modo etiam verum sit, aliquid præter hominem esse quadrupes. Sic sola substantia non est in subjecto, exponitur; Substantia non est in subjecto, & omne præter substantiam est in subjecto. Sic solus homo non est expers medicinæ. latro eum tantum non occidit.

Infirmantur autem propositiones exceptivæ non tantum contradictoriis suis, sed & contradictoriis quarumlibet earum propositionum, per quas exponuntur. Ut, sola nobilitas est virtus, infirmatur dicendo. 1. Virtutem non reddere nobilem. 2. Aliud quiddam, v. g. genus reddere nobilem æque ac virtutem. 3. Aliud v. g. genus reddere nobilem & non virtutem. 4. Nec aliud v. g. genus nec virtutem reddere nobilem. Hoc unum scio me nihil scire à Dogmaticis improbatur, quia alia etiam sciuntur, à Scepticis, quia nec hoc.

2. Exclusivis affines sunt *exceptivæ*, & in eas sæpius commutantur. sunt autem in quibus sunt voces *præter*, *præterquam*, excipio, &c. ut omne animal, præter hominem, præterquam homo, excepto homine, est rationis expertus. licet *præter* aliquando significet *contra*, ut facis præter dignitatem tuam. aliquando etiam meram diversitatem, ut aliquis Rex, præter Cræsum, fuit dives. De *nisi* etiam dubitatur, quia potius significare videtur *Si non* (per metathesin, ut nimirum *nisi non nisi*) quam *non nisi*. Et huic expositioni congruè disputat Aug. tractans illud Mat. 19. Quicumque dimiserit, &c.<sup>o</sup> dicit enim sententiam istam [non esse exceptivam, sed] habere hunc sensum; Qui dimiserit uxorem suam non ob fornicationem, & aliam duxerit, moechatur; adeo ut nihil ibi dicatur de eo, qui ob fornicationem uxorem dimiserit, & aliam duxerit. Exponuntur autem exclusivæ eo modo. Ut, 1<sup>o</sup> maximâ ex parte res ita se habere dicatur, 2<sup>o</sup> ex aliqua tamen parte ita se non habere: Avarus, nisi cum moritur, nil recte facit, i. e. Avarus maximâ ex parte nil recte facit. 2<sup>o</sup> aliquando tamen, i. e. cum moritur, recte facit. Omne animal præter hominem est expertus artis Medicæ. Homo, saltem aliquis, non est expertus artis Medicæ. Omne animal quod non est homo est expertus, &c. alii addunt tertiam sc: homo est animal. Sed hæc supponi potius videtur quam formaliter contineri. Et sic ejus contradictoria, non omne animal præter hominem est expertus Medicinæ, resolvitur, vel nullus homo est animal, vel nullus homo est Medicus, vel aliquod animal, quod non est homo, est expertus, &c. Infringitur autem vis exceptivæ.

exceptivæ. v. g. præter sapientem omnes infaniunt, dicendo. 1. Sapientem æque ac reliquos insanire. 2. Alios præter sapientes non insanire. 3. Sapientes insanire reliquos non.

3. Ad *comparativas* propositiones tria requiruntur; duo sc: comparata, & unum in quo comparantur. & in proprie dictis comparationibus illud tertium utrisque convenire supponitur: idque vel in gradu positivo, i. e. omnibus æqualiter; vel in comparativo, uni plus, alii minus; vel in superlativo, uni maxime, aliis parum. quare harum resolutio facilis est; ut terra est gravior aquâ, i. e. Terra est gravis. aqua est gravis: Aqua non est adeo gravis ac terra: sed frequens est *impropria comparatio*, quando sc: comparata non conveniunt in positivo; ut melior est patiens arrogante. arrogans autem sibi videtur bonus. melius est (i. e. minus malum) habitare cum Dracone, quam muliere litigiosa. Cum D. Aug. Donatistis dixisset; Traditionem nos vobis probabilius objicimus: Cresconiusque inde insultasset. Si vos probabilius, nos ergo probabiliter. nam gradus iste, quod ante positum est, auget; non, quod ante dictum est, improbat. D. Aug. multa adfert exempla, ubi comparativum non supponit positivum; sed improprie, ut dictum est, sunt comparationes. Superlativæ vero in quatuor resolvuntur; ut Virgilius est Poetarum doctissimus. Virgilius est doctus; alii Poetæ sunt docti; sed non æque ac Virgilius. Virgilius summe excedit omnes alios. Infirmantur hujusmodi propositiones negatione cujusvis exponentium.

4. *Modalium* quatuor genera tantum constituit Aristoteles, quia hisce cognitis reliquæ etiam

am facile dignoscuntur; licet sunt aliquæ æque modales, & quæ totam propositionem æque afficiunt. ut Socratem esse doctum, scitum est, certum est, evidens est, verum est, bonum est, conveniens, facile, &c. Modi autem quatuor sunt; necesse, contingens, possibile, impossibile. Idem autem est dicere, Necesse est hominem esse animal, & homo necessario est animal, & utrumque significare talem modum v. g. *necesse* verificari de tota illa propositione Homo est animal; quæ *de inesse*, & *dictum* dicitur. *Necessarium* in significando æquivalere *Universali affirmativa*; *impossibile*, *universali negativa*; *contingens* & *possibile* *particulari affirmativa vel negativa*; (quid enim interfit inter possibile & contingens in modo afficiendi propositionem non video); i. e. si propositioni alicui vere addatur modus ille five signum *necesse*, illa propositio est Universaliter vera; insuper etiam non potest esse falsa. & sic de reliquis.

Signum negationis vim suam exercet tantum in illud cui præfigitur, five dicto sc: five modo. [quod & observandum est in omnibus aliis propositionibus, exceptivis, exclusivis, &c.] ut hominem non esse insensitivum necesse est, dicit hanc propositionem negativam esse necessario veram, & æquivalere illi; impossibile est hominem esse insensitivum. Sic hominem esse doctum non est necesse, non negat hominem esse doctum, sed tantum non esse necesse ut sit doctus.

Notandum autem est in quam vocem modus five signum vim suam exerceat. v. g. in hac propositione omne verum est necessario verum, modus afficit *predicatum*, & est propositio falsa, in hac autem omne verum necessa-

rio est verum, modus exercet vim suam in *copulatio*, & est vera. Necesse est ut cras pluat vel non pluat, modus afficit conjunctionem tantum, neutram vero propositionum. quare propositionum illarum a conjunctione vel abolutarum neutra est necessaria. impossibile est serenum & pluviosum esse simul, modus applicatur tantum copulativæ &. Nunquam autem potest argui à modo afficiente unam partem, ad eundem modum afficientem alteram partem, propositionis.

Possibile explicatur per *potest*; ut possibile est hominem ambulare, i. e. homo potest ambulare. & cum *potest* verificetur de omnibus non impossibilibus, omnia etiam præter impossibilia, etiam necessaria & contingentia possibilia dicuntur. unde dictum vulgare. *Ab esse ad posse valet consequentia*. Quod autem est tantum possibile, i. e. nec necessarium nec impossibile dicitur contingens. & proinde est verum in utràvis qualitate, ut contingit hominem currere. sequitur ergo contingit hominem non currere. quare ea non sunt contradictoria; sed contingit hominem currere, & non contingit hominem currere.

Propositiones in quibus insunt *Connotativæ*, exponuntur etiam per duas ad minimum; ut Socrates est albus; per has, Socrates est, & habet albedinem. Socrates est quantus. Socrates est, & habet partes unam extra aliam. Sic ubi sunt termini *relativi*. Socrates est similis Platoni. Socrates habet qualitatem: & Plato habet qualitatem ejusdem rationis. Sic ubi sunt termini *infiniti*, ut Arbor est non homo, arbor est, & non est homo. nam termini, quos vocant infinitos, sunt proprie negantes, infiniti.

niti vero per accidens tantum. Quare hæc propositio non est vera in virtute sermonis, chimæra est non homo; quia sc: non est, nec tamen inde sequitur Chimæram esse hominem; licet hæc sit vera, chimæra est vel homo vel non homo: nam illa propositio Chimæra est non homo est affirmativa, & proinde ejus subjectum debet supponere pro aliquo: non autem supponit materialiter nec simpliciter, ergo personaliter; ergo potest demonstrari pro quo supponit, de quo sc: dici potest hoc est Chimæra. Sic & quibus insunt termini *privativi* per plures quam duas exponuntur, ut Socrates est Surdus, i. e. Socrates est, natus est audire, tamen non potest audire. Propositiones, quibus inest terminus *incipit* & similes, exponitur per duas, ut Socrates incipit esse sobrius, i. e. Socrates nunc est sobrius, & immediate ante non fuit sobrius, ponitur autem *immediate* ante, quia potuit esse sobrius antequam fuit non sobrius. idem dicendum est de *desinit*, ut Socrates desinit esse doctus, i. e. Socrates jam est doctus. Socrates immediate post hoc tempus non erit doctus. Sic *fit* & *fiet* sunt exponendi. Socrates fit doctus, i. e. Socrates est doctus. Socrates non semper fuit doctus, fiet doctus, i. e. non est doctus, sed in aliquo tempore posthac erit doctus.

## CAP. IV.

*De aliis Propositionis divisionibus.  
Et de Qualitate Propositionum.*

**D**ivisio Propositionis, vel potius Orationis in Categoricalam & Hypotheticam, dicitur *Divisio secundum ejus substantiam*, sive materiam; ex qua scilicet constat, & si queratur *quantum* sit hæc vel illa Propositio, v. g. Socrates est albus; respondetur, est Categoricala, vel Hypothesica. Si autem queratur *Qualis* sit Propositio; respondetur, est Affirmativa vel negativa. Et si queratur *Quanta* sit; respondetur, est, universalis, particularis, indefinita, vel Singularis: unde versus.

Quæ? Ca. vel Hyp. Qualis? Ne vel Aff.  
Un. quantâ? Par. In. Sing.

2. Propositio dicitur Affirmativa, in qua *Copula affirmatur*; sive in qua subjectum dicitur esse prædicatum, ut Socrates est doctus. Negativa est in qua *copula negatur*; ut, Socrates non est doctus. Quod si Negatio non exerceat vim suam in copulam; sed vel in Subjectum, vel prædicatum, faciens ea infinita, vel in aliquam partem eorum, propositio non est negativa. v. g. Judex iniquus hominem nihil culpæ habentem condemnat; Aliquis non homo est animal; aliqua Arbor est non Animal; sunt Affirmativæ: Et illæ, Nullus homo est irrationalis; Nullum irrationale est doctum; Salvator nec indignatione commotus, nec scelerare

lere offensus, nec injuriâ violatus, Judæam deseruit, negativæ sunt.

3. Dux Negationes non faciunt Affirmativam, nisi quando una destruitur ab aliâ. Sic, Hic sceleratus non timet vel Deum, vel homines; hic sceleratus non timet Deum, neque homines; hic sceleratus non timet neque Deum, neque homines; idem valent, & sunt negativæ.

Negatio infinitans propriè negat; infinitans autem, cum sit pars vocis cui adjungitur. Ut, non-corpus est Substantia.

Si non ibi sit infinitans, est propositio indefinita, affirmativa, & vera; si sit negans, propositio est universalis, negativa & falsa.

Utraque tum affirmativa, tum negativa potest esse vera, si significet rem ita se habere ut est; vel falsa, si significet rem esse, sicut non est. Veritas & falsitas dicuntur qualitas rei, seu melius significati, quia res nulla vera vel falsa est: Et in hac propositione, Homo est arbor, utriusque termini significatum vere est.

Veritas tamen Propositionis sæpè est dubia & obscura, nec non nisi ratiocinatione subeili inveniri potest (de quâ regulas dare difficile est). Ut, Quidam hæreditatem promisit illi Nepotum, qui primus falsum dixerit: respondet unus, Certus sum te non mihi daturum hæreditatem.



## CAP. V.

*De Divisione Propositionis secundum Quantitatem.*

Propositio secundum quantitatem dividitur in *universalem, particularem, Indefinitam & Singularem*; ad quarum intelligentiam plenam videndum est Cap. de Suppositione.

1. Universalis est, cujus subjectum est Terminus communis; sive, universalis signo universali amplificatus; Sive, cujus subjectum sumitur in tota latitudine sua. Signa autem universalis sunt, Omnis, Nullus, quicumque, qui pro quicumque, ut felix qui potuit rerum cognoscere causas, &c. Signa item temporis, vel loci universalis, ut, ubique, semper, quandoque, &c. & secundum aliquos uterque & neuter; & totum, cum significat compositum, & singulas ejus partes, ut totus Socrates, (i. e. singulas partes Socratis) est minor Socrate.

Alique sunt Propositiones revera universales sine aliquo signo. quare quantitas propositionum à sensu & modo loquendi magis quam verbis ipsis dependet. Ut, ursi sunt nigri; Cygni sunt albi; Cretes mendaces, &c. similes.

Veritas scilicet propositionis universalis cognoscitur ex materia; nam aliquando per propositionem universalem significatur,

*Singula generum*, sive omnia particularia istius generis ita se habere. Ut, Omnis homo est rationalis.

*Genera singulorum*, ut, Omnes bestie, (i. e. omne

omne genus bestiarum ) salvæ factæ sunt in arcâ Noë. decimant omne olus , i. e. omne genus olerum.

*Pene omnia* sive pleraque , & hoc frequens est in moralibus ; ut omnibus hoc vitium est cantoribus. Omnes Jurisconsulti deceptores. Omnes femine loquaces ; licet reverâ & strictè loquendo morales istiusmodi propositiones sunt tantum indefinite.

*Aliquando cum exceptione* , regit omnia verbum ; utique præter seipsum. Subjecit omnia pedibus ejus ; excepto eo scilicet , qui omnia subjecit.

*Cum tacitâ reflexione*. Omnia mihi licent , i. e. omnia , quæ licent , licent & mihi. Primum sermonem feci de omnibus , quæ Jeshu cepit docere & facere. i. e. omnia , quæ priori libro scripsi , scripsi de factis Domini Jeshu ; nunc autem. Omnes per eum salvi facti sunt. i. e. qui salvi facti sunt , per eum salvi facti sunt. Angli sunt boni Milites terrâ marique. i. e. Angli , qui sunt milites , sunt boni milites. Omnes Catillæ milites cæsi sunt vulneribus in anteriori parte corporis receptis. i. e. Omnes , qui cæsi sunt , cæsi sunt vulneribus &c.

*Pro duobus* tantum ubi scilicet exprimitur vel intelligitur uterque vel neuter , ut utrumque oculum amisit.

Notandum est etiam Propositiones ad demonstrandum adhibitas in Mathematicis esse reverâ universales ; sicut & in Jure , licet solum casum ponunt inter Titium & Sempronium ; sicut & illa ; ut seminas itâ & metes , & similes.

Item , hanc propositionem , Illi currunt , licet

licet ei potest addi signum universale, ut Omnes illi currunt, esse singularem; quia omnes nihil addit significationi istius pronomini, idem enim est dicere illi currunt, & omnes illi currunt; additur tantum Omnes plenioris & vehementioris expositionis gratia; sic alter eorum currit, est indefinita; Quilibet eorum currit, est universalis.

Propositiones, quarum subiecto præponitur *Multi*, ut Multi homines sunt vitiosi, non sunt universales; quia subiectum non per signum amplificatur ad totam suam latitudinem; sed restringitur ad aliquam tantum; & proinde æquivaleret tantum pluribus particularibus.

Quid est dicendum de Propositionibus huiusmodi; Qui mortificat opera carnis salvabitur? est formaliter indefinita, intelligitur tamen esse universalis si & prædicatum sumatur universaliter; hoc modo scilicet, Qui mortificat omnia opera carnis salvabitur. Sic, qui facit alteri quod sibi fieri velit, implet legem; sed Aliquis, ebrius v. g. facit alteri, quod sibi fieri velit. ergo. Resp. Maior est indefinita; neque implet legem aliud significat, quam legem iustitiæ, non totam legem. Avaritia est radix omnis Mali. i. e. Nullum est mali genus, quod ab avaritiâ provenire non potest.

2. *Particularis* est, cujus subiectum est terminus communis signo particulari, ut aliquis, aliquando, alicubi, &c. contractus; ut aliquis homo est doctus.

3. *Indefinita* est, cujus subiectum est terminus communis sine aliquo signo; ut homo est doctus. & in materiâ necessario verâ æquivaleret universali affirmativæ; ut homo est animal. in materiâ, quam veram esse impossibile est,

est, æquivalet universali negativæ; ut homo non est Arbor: aliàs æquivalet tantum particulari.

Quare ad veritatem indefinitæ Propositionis sufficit veritas unius particularis. Sic, si quis paciscatur cum operario, se pro operâ sua stipem soluturum, prout alii solvunt; aliqui autem solvant 8, alii 10, alii 12. si solvat 8, sufficit. Ordinariè tamen loquendo Indefinita Propositio supponit verum esse de pluribus.

Queritur de hac Propositione quanta sit, Bonum est homini peregrinari; respondetur, est Indefinita; idem enim est ac si dicatur aliquem hominem peregrinari bonum est; si autem universalis dicendo, omni homini peregrinari bonum est; non vero dicendo, bonum est homini ubivis peregrinari: i. e. omnis peregrinatio est homini bona; vel, omne homini bonum est peregrinari, ita ut peregrinatio in se contineat omne bonum.

4. *Singularis* est, cujus subjectum est terminus singularis, ut Socrates, Petrus, vel terminus singularizatus. Ut, hic homo est doctus: Singularizatur terminus per Pronomen demonstrativum. Et quicquid ipsum includit, vel determinat subjectum ad unum certum; ut Adverbia, hic, nunc, ibi, &c. Et quodcunque nomen commune habet sibi adjunctum singulare, est singulare; ut, urbs Roma. Virgo Maria. secundus Cicero.

## CAP. VI.

*De Consequentis Terminorum, Propositionum, & Propositionis, sive oppositione, equipollentia & conversione.*

**C**onsequentie aliquae sunt à Terminis simplicibus, i. e. posito vel sublato uno, ponitur vel aufertur alius. Ut, posito relativo datur etiam correlatum; posita causa ponitur effectus, & sublatà tollitur; & similia, de quibus in Topicis agendum est. Aliæ sunt à Propositionibus pluribus, i. e. datis sive concessis aliquibus sequitur alia Propositio non data; & de his dicendum est in tractatu de Syllogismis. Aliæ vero sunt ab una propositione, adeo ut concessa una, necesse est aliam inde sequi. huiusmodi autem Consequentie sumuntur vel ab Oppositione Propositionum, vel Equipollentia, vel conversione; Quæ dicuntur esse Propositionum affectiones; quibus addi possunt Ampliatio & Restrictio; licet hæc magis propriè ad Suppositionem spectent.

*Oppositio* est Repugnantia duarum propositionum, idem habentium subjectum & prædicatum, in quantitate, qualitate vel utraque. Quadruplex est, vel quantitate solâ i. e. quando una propositio est Universalis alia particularis, diciturque oppositio subalterna; vel Qualitate solâ; idè; dupliciter, quando sc. propositio Universalis affirmativa opponitur Universal Negativæ, & dicitur Contraria; vel particularis affirmativa

particulari negativæ, diciturque subcontraria. vel quantitate & qualitate simul, i. e. quando una est Universalis alia particularis, una affirmativa alia Negativa, & dicitur Contradictoria. Ex hoc schemate facile intelliguntur.

Nos, autem quod [A] stat pro Universali affirmativâ, [E] pro universali negativâ. [I] pro particulari affirmativâ, [O] pro particulari negativâ.

Afferit, A, negat, E, sed universaliter ambæ.

Afferit, I, negat O, sed particulariter ambo.

A Omnis homo est doctus.	contraria		Nullus homo est doctus.
subalterna	Contradictoria	Contradictoria	subalterna
I Aliquis homo est doctus.	subcontraria		Aliquis homo non est doctus.

*De Oppositis Regule sunt.*

1. Contraria possunt esse simul falsa non simul vera. quare licet arguere; Hæc propositio v. g. omnis homo est capax disciplinæ est ve-

ra ergo ejus contraria sc: Nullus homo est capax disciplinae, est falsa. non autem è contrario, hæc est falsa, ergo contraria est vera.

In necessario veris Universalis affirmativa est vera, in impossibilibus universalis negativa est vera. in contingentibus ambæ communiter falsæ.

2. Subcontrariæ possunt esse simul veræ non simul falsæ. quare sequitur. una earum est falsa ergo altera est vera. non autem è contrario, una est vera ergo altera falsa.

3. Si subalternans ( Universalis ) sit vera, subalternata ( particularis ) est vera. Si subalternata falsa, subalternans falsa.

4. Contradictoriarum semper una est vera altera falsa. quare in disputando, Opponens semper tenetur probare contradictoriam ejus propositionis quæ à respondente tenetur.

#### *De Equipollentia Propositionum.*

*Equipollentia* dicitur *Æquivalentia* duarum Propositionum oppositarum per adventum negationis. de quâ Regula est.

1<sup>o</sup> Præ contradic. 2<sup>o</sup> post contrar. 3<sup>o</sup> præ postque subaltern.

1. Id est Duo contradictoria sunt æquipollentia si utrivis eorum præponas negationem. ut, Non-nullus homo est doctus æquivalet, Aliquis homo est doctus. Non aliquis homo est doctus æquivalet, Nullus homo est doctus. licet hæc locutio *Non aliquis* non sit usitata.

2. Duo contraria sunt æquipollentia si subiecto postponas negationem; ut Nullus homo non est doctus æquivalet, Omnis homo est doctus. Omnis homo non est doctus æquiva-

leret etiam Nullus homo est doctus; sed non tenet. Nam ista propositio, Omnis homo non est doctus, æquivaleret tantum huic, Aliquis homo non est doctus. quare Regula non tenet nisi in Negativo.

2. Duo subalterna sibi invicem æquivalent si & præponas & postponas Negationem. ut Non omnis homo non est doctus, æquivaleret huic, Aliquis homo est doctus. Sed Raro utimur tot negationibus in eadem propositione. & in vice [Nullus non] utimur [Solutus]; adeo ut hæc propositiones eadem sunt, Nullus non homo est doctus, & Solutus homo est doctus.

Reg. Ad æquipollentia valet consequentia, imo licet substituere unum æquipollens pro suo æquipollente.

### De Conversione.

Conversio est positio subjecti in locum prædicati, & prædicati in locum subjecti, ita ut teneat consequentia ab una ad aliam. Regula est.

1. EccE ubi simp. 2. ArmIgeErOs acc: 3. ArMA, BOnO con.

1. Universalis Negativa convertitur in Universalem negativam, & particularis affirmativa in particularem affirmativam, simpliciter, i.e. manente eadem qualitate & quantitate. ut

Nullus homo est doctus, convertitur sic. Nul- lum doctum est homo.

Nullus homo est in urbe. Nullum in urbe est homo.

Quidam homo est doctus, convertitur sic. Quoddam doctum est homo. Singularis affirma-

tiva



tiva convertitur in particularem; Socrates est homo, ergo aliquis homo est Socrates: Et singularis Negativa in Universalem, ut Socrates non est albus, ergo nullum album est Socrates. licet arguere ab uno conversorum ad alterum. quare hæc consequentia est bona. Nulla bestia habens cornua habet dentes superiores, ergo Nulla bestia habens dentes superiores est cornuta. Aliquis homo est doctus, ergo aliquod doctum est homo.

2. Universalis affirmativa convertitur in particularem affirmativam (quæ dicitur conversio per accidens); & non in Universalem affirmativam. Non enim sequitur Omnis homo est Animal ergo Omne animal est homo, sed Aliquod animal est homo.

3. Universalis affirmativa convertitur in Universalem affirmativam, si termini finiti mutantur in infinitos (quæ dicitur conversio per contrapositionem), i. e. si addatur [non]; ut omnis Homo est animal, ergo omne non animal est Non homo. i. e. ergo quicquid non est animal non est etiam homo. Omne naturæ necessarium est facile parabile, & quod non est facile parabile non est necessarium.

4. Est etiam alia Conversio quando affirmativa. v. g. vel negativa convertitur in oppositum de subjecto opposito. ut 6. é. 1. *Æquales anguli subtenduntur à lateribus æqualibus. Trianguli,* convertitur in hanc, *Impossibile est æquales angulos subtendi ab inæqualibus lateribus.*

In conversione, servandum est in verbo tempus præsens. non enim sequitur, Nullus indoctus fuit doctus, ergo nullus doctus fuit indoctus. nullus senex erit puer, ergo nullus puer. erit senex.

nex, sed resolvenda est copula in verbum præsens & participium, ut nullus qui futurus est puer est senex. nullus qui habitus est doctus est indoctus.

Facile autem probantur harum conversionum consequentiar. v. g. quod universalis Negativa convertitur in Universalem negativam. nam si quis dicat Nullum a est b. ergo nullum b est a esse falsum; tunc sequitur quod aliquod b est a. sunt enim contradictoria, nullum b est a & aliquod b est a. sumatur ergo illud b quod est a, & sit c. tunc sic potest argui. c est b. & c est a. ergo aliquod a est b. sed hæc propositio contradicit antecedenti, Nullum a est b. & sic duæ contradictoriae essent simul veræ. quod est impossibile.

Sic quod Universalis affirmativa convertatur in particularem affirmativam probatur. Si non sit verum dicere omnis a est b, ergo aliquod b est a, tunc verum est ejus contradictorium, Nullum b est a, sed nullum b est a convertitur simpliciter in nullum a est b. ergo duæ contrariæ omne a est b, & nullum a est b erunt simul veræ; quod est impossibile. reliqua sunt manifesta.

## LIB. III. PARS I.

## CAP. I.

De Argumentatione & Syllogismo  
Categorico.

1. **T**ertia pars Logicæ est de *discursu* five *Ratiocinatione*. quæ nihil aliud est quam; Illatio unius propositionis (conclusionis) ex aliâ vel aliis (præmissis). si ex una dicitur *Enthymema*, si ex pluribus, *Syllogismus*. ad hanc autem illationem non sufficit, ut una cognoscatur post aliam; nisi & cognitio unius causetur, five fiat à cognitione alterius.

Notandum vero est, omnem Argumentationem fieri per syllogismum; vel explicitum, vel implicitum. Oratores enim etiam plerumque Enthymemate utantur, non tamen ob aliam causam alteram propositionem omittunt, nisi quia eam satis notam esse arbitrantur. Enthymema etiam omne ad Syllogismum reducitur supplendo propositionem implicitam: quod facile fit, cum omnes termini dentur; medius sc: semper; & si minor terminus detur in antecedente, deficit major propositio; si major terminus, minor.

2. Fundamentum omnis discursus five syllogismi affirmativè concludentis, est hæc regula dicta de omni quam supra innuimus.

Quicquid prædicatur de prædicato, prædicatur

catur etiam de subiecto i. e. Quicquid prædicatur de aliquo termino universaliter, prædicatur etiam de omni quod est iste terminus, sive de omnibus qui dicuntur esse iste terminus.

Negative vero concludentis, hæc dicta Regula *de nullo*.

Quod negatur de prædicato, negatur etiam de subiecto. i. e. de omni quod est illud prædicatum. hoc schemate prior regula (quæ est principalior) manifeste declaratur.

Prædicatū B	Prædicatū & subjectū. C	Subjectū. D
----------------	----------------------------	----------------



Tres sc : sunt termini B. C. D. è quibus  
(singulis bis sumptis) fiunt tres propositiones;  
C est B. D est C. D est B.

C medium locum occupat, & dicitur *Medius* five *Medium*; his sumitur ante conclusionem, conclusionem autem non ingreditur.

B cum prædicetur in Majori propositione  
C est B, dicitur *major* Terminus, & in con-  
clusionem prædicatur de D:

D cum sit subjectum in minori propositione, dicitur *minor terminus*; estque subjectum etiam in conclusione: ut D est B.

Et duo priores termini B & C debent esse  
Universales, quia dicuntur prædicari: tertius autē  
D, quia est subjectū tantū, potest esse singularis &  
si sit Universalis fit Syllogismus in *Barbara*, si  
singularis in *Darii*. Quare

Quare sunt in Syllogismo tres tantum propositiones: prima dicitur simpliciter Propositio, & *major*, quia constat e majoribus five universalioribus terminis; secunda dicitur assumptio & *minor*; tertia *conclusio*.

3. Secundum dispositionem *modi* termini sunt tres figure Syllogismorum: de qua versus. Sub. prae. prima. bis prae Secunda. tertia bis sub. i. e. si medius terminus sit subjectum in maiori, & predicatum in minori propositione, qui est ordo maximè naturalis, dicitur *prima figura*. si predicatum in utraque dicitur *secunda figura*. si subjectum in utraque dicitur *tertia figura*. potest etiam esse predicatum in maiori & subjectum in minori, & hinc fieret quarta figura; sed cum transpositione propositionum reducatur ad primam, inutilis censetur.

4. Secundum quantitatem propositionum etiam sunt varii modi in qualibet figura; de quibus versus.

*Barbara. Celarent. Darii. ferio. [Baralipon*

*Celantes. dabitis. fapesmo, frisesmorum].*

*Cesare. Camestres. festino. Baroco. Darapti*

*Felapton. Disamis. Datisi. Bocardo. Peripon.*

In quibus singulae voces sunt trissyllabae, & prima quidem syllaba correspondet maiori propositioni, secunda minoris tertia conclusioni. & in qualibet syllaba A significat Universalem affirmat. E universi. negat. I particul. aff. O part. negat. Quatuor primae voces correspondent primae figurae, & concludunt directè, i. e. minor terminus est subjectum, & maior predicatum, in conclusione. 5 proximae correspondent modis indirectè concludentibus in prima figura. i. e. quando maior terminus est subjectum, & minor predicatum, in conclusione;

sione; quæ est prædicatio indirecta. 4 proxime voces correspondent 2<sup>a</sup> figuræ; 6 reliquæ tertiæ.

5. Ex dictis apparet. 1<sup>o</sup> Nullum Syllogismum constare ex omnibus negativis. 2<sup>o</sup> nec particularibus. 3 conclusionem semper sequi debiliorem partem. i. e. si alterutra propositionum sit particularis vel negativa, talis erit etiam conclusio. 4<sup>o</sup> negativam non consequi è duabus affirmativis. 5<sup>o</sup> In prima figura conclusiones esse omnia generum; affirmativas sc: & negativas; universales & particulares. cum in secunda sint omnes negativæ, & in tertiâ particulares. 6<sup>o</sup> Majorem in primâ semper esse Universalem, & minorem affirmativam; in secundâ majorem esse Universalem; & in tertiâ minorem esse affirmativam.

6. Syllogismi primæ figuræ directe concludentes sunt omnium perfectissimi; & reliquorum perfecti tantum quia ad illos possunt reduci, & per eos probari. Primæ figuræ autem syllogismi sunt perfecti; quia nihil aliud sunt quam duæ illæ regulæ, *De omni* & *de nullo* expansæ, ut ita dicam, vel ad praxin applicatæ, v. g.

Bar- Omne animal est substantia

ba- Omnis homo est animal: ergo

ra. Omnis homo est substantia.

Nam quicquid prædicatur de Animali, prædicatur etiam de omni quod est animal; sive de omni animali. i. e. omni sub animali contento. Sed homo est animal in minore propositione; sive, sub animali continetur: ergo, Substantia prædicatur de homine in conclusione. Idem dicendum est de Darii; nulla enim est differentia, nisi quia minor propositio est particularis.

Sic

Sic in Celarent syllogismi probantur per dictum de nullo.

Ce- Nullum animal est lapis.

la- Omnis homo est animal; ergo

rent. Nullus homo est lapis.

Quicquid negatur de animali (prædicato) negatur etiam de omni illo quod est animal (subjecto). sed lapis negatur de Animali, & animal affirmatur de homine: ergo lapis negatur de homine.

Idem dicendum est de ferio.

7. Nec dantur in primâ figurâ alii modi præter hos quatuor: nam ex quocunque alio syllogizandi modo sequitur aliquando conclusio universalis affirmativa vera: aliquando universalis negativa vera. sufficiat unum aut alterum exemplum.

Ca- Omnis homo est animal.

le- Nullus equus est homo: ergo

rent. Omnis equus est animal.

Ca- Omnis homo est animal.

le- Nullus lapis est homo: ergo

rent. Nullus lapis est animal.

Ce- Nulla linea est scientia.

le- Nulla Medicina est linea: ergo

rent. Omnis medicina est scientia.

Ce- Nulla linea est scientia.

le- Nulla unitas est linea: ergo

rent. Nulla unitas est scientia.

Et hoc modo potest demonstrari nullum alium posse fieri Syllogismum in primâ figurâ præter prædictos quatuor.

Modi autem omnes reliquarum figurarum probantur reductione ad hos quatuor; nec immediate demonstrari possunt. licet probari potest inductione sive probatione in terminis

minis essentialibus & accidentalibus, & quod dicti modi sunt validi, & reliqui omnes invalidi.

Potest tamen assignari aliud fundamentum tertiae figurae, haec scilicet: propositiones. Quae conveniunt alicui tertio: conveniunt inter se. ex qua probantur darapti, disamis, darisi. & Quorum unum convenit alteri, aliud vero non convenit, ea nec inter se conveniunt; sic probantur felapton, bocardo, ferison. cum autem convenientia non sit reciproca: necesse est ut conclusio sit tantum particularis. Sed haec duae regulae non probantur in Logica.

8. Ex dictis constat quam mirabile fuerit Syllogismorum inventum: ut scilicet: omnes arguendi & ratiocinandi modi ad tam paucos reducerentur; iisque in omnibus materiis sive terminorum generibus semper & inviolabiliter teneant: praeter eos autem nullus omnino sit qui in omnibus semper verus habeatur. licet sint nonnullae consequentiae, quae materiales vocantur, quae in certa quidam materia verae sint, in omnibus tamen terminis nullae praeter has. Et si qui sint Syllogismi, qui praedictas regulas sequi non videntur, non sunt tamen veri, nisi quatenus iis conformes sunt, & ad eas reduci possunt; ut Saepe literae doctae reges esse honorandos. Carolus secundus autem est Rex. Reducitur Omnes reges sunt honorandi. Carolus secundus est Rex. maior probi ex sacris literis. Bonus pastor paratus est ponere vitam pro ovibus. hodie autem pauci pastores parati sunt ponere vitam pro ovibus. ergo hodie pauci pastores sunt boni. reducitur sic. Omnes boni pastores parati sunt ponere vitam &c. aliqui hodierni pastores non sunt parati



parati ponere vitas &c. ergo. Sic: Qui non sunt amici Dei non sunt beati. Divites non sunt amici Dei. ergo non sunt beati. Qui videtur Syllogismus verus, constans tamen ex omnibus negativis. Reducitur sic; se: Nulli non amici Dei sunt beati, ri. aliqui divites sunt non amici Dei. ergo aliqui divites non sunt beati. Talis est illa. Quod non habet partes non potest perire dissolutione partium. Anima humana non habet partes. ergo. reducitur sic. Nullum non habens partes potest perire. anima humana est non habens partes. ergo.

Quocirca opereprecium est, ut unusquisque diligenter instituantur, & solerter se exerceat, in artificio Syllogismorum categoricorum; & in iis qui rite in modo & figurâ concludant; cum facilis sit in aliis lapsus, & difficilis reparatio.

H

CAP.

## CAP. II.

*De Syllogismo hypothetico.*

1. **H**Actenus de Syllogismis ex propositionibus Categoricalis constantibus; sequitur de iis, qui constant ex hypotheticis. aliquando autem sed rarius utraque propositiones sunt hypotheticæ; frequentius una sola, & plerumque major. & harum quædam sunt conditionales, quædam disjunctivæ, quædam copulativæ &c. quarum omnium quædam affirmativæ, quædam negativæ.

2. Conditionales sunt omnium principales, & enunciantur per *si*. & in his: 1<sup>o</sup> Posito antecedente ponitur consequens. ut si vis esse sanus, vive continens; sed tu vis esse sanus. ergo. 2<sup>o</sup> ex negatione consequentis sequitur negatio antecedentis. Tu non vives continens, ergo non vis esse sanus. Electorum si quisquam perit fallitur Deus; sed nemo eorum perit, quia non fallitur Deus. Aug. Vitiosa autem est consequentia. Si ex illatione consequentis inferatur antecedens. ut, si Sinenses sunt Mahometani, sunt infideles, sed sunt infideles, ergo sunt Mahometani. & si ex negatione antecedentis infertur negatio consequentis. si Sinenses sunt Mahometani sunt infideles, sed non sunt Mahometani. ergo nec Infideles.

Omnes hujusmodi Argumentationes facillimè reducuntur ad Categoricalas: ut Quicumque vult esse sanus debet vivere continens. Tu velis sanus esse. ergo. & in veritate istius universalis consistit veritas hypotheticæ. Ubi ve-

ro consequentia est remotior, i. e. ubi sunt quatuor termini, reductio non potest fieri ad unicum syllogismum, sed opus est pluribus. Ut, si Justificatio sit per legem, Christus frustra mortuus est. Sic reducitur. ce. Quod obtinetur per mortem Christi non obtinetur per legem. la. sed Justificatio obtinetur per mortem Christi. ergo. prob. minor. Finis mortis Christi obtinetur per mortem Christi (i. e. Christus non est mortuus frustra); sed Justificatio est finis mortis Christi. ergo.

3. Disjunctivæ sunt, quibus major propositio est Disjunctiva: & tunc vel negatur unum membrum ut affirmetur alterum; ut qui Cæsarem occiderant, erant vel Parricidæ vel Defensores libertatis; at non erant parricidæ, ergo: vel affirmatur unum ut negetur alterum. Ut, sed erant parricidæ. ergo non defensores libertatis. ut autem bene hoc modo concludatur, necesse est ut disjunctio sit inter accuratè divisa. facile autem reducuntur hujusmodi syllogismi ad Categoricos.

4. Syllogismus copulativus, cujus major est copulativa negativa; cujus uno membro in minori affirmato, alterum negatur. ut Nemo simul amat Deum & pecuniam; avarus amat pecuniam, ergo non Deum. alio modo non sequitur. & reductio est facilis.

5. Plures autem sunt modi syllogizandi de iis propositionibus, quas sensu diximus esse hypotheticas, y. g. de exponibilibus, modalibus &c. Sed quia magna pars istiusmodi syllogismorum sequitur regulas prædictas; reliqui vero sunt admodum difficiles, nec multum usitati, & ab aliis accuratissime tractantur, eos hic omittere satius duximus.

Cor. A. P. III.

*De aliis argumentandi generibus.*

1. **S**orites est acervus five cumulus propositionum à se invicem dependentium, unamque conclusionem inferentium. Ut, Initium sapientiae est disciplinae concupiscentia, cura disciplinae est dilectio, dilectio est custodia legum Dei, custodia legum consummatio incorruptionis est, incorruptio autem facit esse proximum Deo. Concupiscentia itaque sapientiae deducit ad regnum perpetuum. haec argumentatio nihil aliud est quam plures syllogismi imperfecti.

2. **Dilemma** est Argumentatio in qua propositis duobus oppositis, utrivis assentiatur, sequitur conclusio. ut si homo moriatur, tum vel quando vivit, vel quando non vivit, non quando vivit, ut patet; nec quando non vivit, tunc enim est mortuus. mortuus autem non moritur. ergo.

Sic dilemmate aggressus est Magister Rhetorices discipulum causas perorare detrectantem, ne stipendium pactum solveret. Hanc actionem ego vincam aut non vincam; si vincam, obligatus es à Judicibus mihi stipendium solvere. si non vincam, es obligatus pacto stipendium solvere, quo tempore primam actionem viceris. Quod dilemma alio diluit discipulus, si Magister meus vicerit, à solutione pactis liberor; si non vicerit, Judices eo ipso me à solutione liberant. Haec argumentatio est admodum ingeniosa, plerumque tamen re-

torqueri

torqueri potest. Sunt autem omnes syllogismi hypothetici : & in iis maxime cavendum est, ut membra vere, & plene opponantur; & quod consequentiæ sint necessariæ. Quomodo peccat illud Dilemma, si uxorem duxeris formosam, habebis communem; si deformem, odiosam. non sequitur, 1<sup>o</sup> quia nec omnis mulier est adeo formosa nec deformis, 2<sup>o</sup> nec sequitur si sit formosa fore communem, nec odiosam si deformem. peccat autem prior argumentatio; quia supponit omne non vivens esse mortuum; quod falsum est; moriens enim non vivit æque ac mortuus: supponit sc: privative tantum opposita æquipollere contradictoriis.

3. Syllogismus *Expositorius* est cujus medium est terminus singularis; constatque ex præmissis singularibus, e quibus infertur conclusio vel singularis, vel aliquando particularis, nunquam universalis: ut Socrates est doctus, Socrates est Atheniensis, ergo aliquis Atheniensis est doctus. Fit melius in tertiâ figurâ, quia proprium est termini singularis ut sit subjectum, non prædicatum in propositione; & servari debent leges aliorum syllogismorum.

4. Inductio est cum ex particularibus sufficienter enumeratis infertur Universale; ut Socrates, Plato, hic, ille, iste, & sic de cæteris, sunt capaces disciplinæ. ergo omnis homo est capax disciplinæ. Cavendum autem est ne peccetur in antecedente, i. e. ne inferatur conclusio sine sufficienti enumeratione, quæ causa exitit plurimorum errorum in Philosophiâ naturali, Et quam merito taxat Verulamius. Inductio, inquit, quæ ad inventionem & demonstrationem scientiarum & arti-

um erit utilis, naturam separare debet per rejectiones & exclusiones debitas; ac deinde post negativas tot quot sufficiunt, super affirmativas concludere. Recte quidem hæc, ut caute fiat inductio; cui instituendæ in rebus difficilibus & abstrusis multo opus est & diligenti examine; sed cum hoc præstitum est, nihil aliud fit quam Inductio, de quâ logici tractant, & cujus virtute similes omnes ratiocinationes concludunt. perperam ergo adversus hanc disputat.

LIBRI

LIBRI TERTII LOGICES,  
Pars Secunda.

C A P. I.

*De Cognitione.*



T melius & distinctius de Assensu  
ejusque speciebus statuamus, operze-  
pretium est ab ipsis cognitionis &  
assensus rudimentis & principiis  
eum deducere: Et cognitionem  
duplicem esse notandum est, Apprehensivam  
& Adhæsiuam.

I. Notitia *Apprehensiva* est Actus Intel-  
lectus vel sensus, quo aliquid complexum vel  
incomplexum cogitamus absque judicio veri  
vel falsi. i. e. quo alicujus Ideam sive Conce-  
ptum habemus, non judicando, an sit verum  
vel falsum. non est enim idem habere perfe-  
ctam ideam alicujus objecti, & credere illud  
esse verum; imò possumus nobis formare ide-  
am ejus, quod nunquam fuit nec erit; sicut  
capió, quid velint per Alcahest, per lapidem  
Philosophorum, per herbam Boram, & simi-  
lia, quæ tamen non magis existere credam  
quàm Chimæram, aut Blictri. Notandum  
etiam est animam frequenter Ideis uti vice &  
loco objectorum, imò eas esse ipsa objecta ar-  
bitrari; ut in somniis objecta præsentia esse  
arbitramur, quæ longè tamen absunt.

Notitia *Judicativa* sive Adhæsiua est actus In-  
tellectus,

tellektus, quo assentit vel dissentit alicui Propositioni. i. e. credit eam esse veram vel falsam. præsupponit Apprehensivam, sed nec statim eam sequitur; non enim statim apprehenso assentimus vel dissentimus, sed aliquando suspendimus vel dubitamus; ut hujusmodi Propositionibus, Datâ qualibet vi quodvis pondus moveri posse; numerum arenarum iniri posse; ecquis est, qui assentit, donec probatas viderit?

2. Cognitio *Apprehensiva* fit per sensus & Intellectum: *sensatio* fit per receptionem similitudinis sive Idææ objecti in sensorium. eo modo scilicet, quo recipitur species in speculum; & hæc est Passio. Sed præter hanc est aliqua etiam Actio ipsius facultatis in speciem receptam: cujus, sive sit alterius Idææ fabricatio, vel facultatis ad objectum strictior quædam unio, vel actio sui generis, nullique naturali operationi similis (quod verisimilius est), magnos certè effectus percipimus; eò quod species in memoria diu conservatas, & exinde habitus in animâ formatos, motusque omnes externos & actiones inde ortos, cernimus. *sensatio* omnis est singularium, præsentium, & corpororum; Et horum aliqua (quæ scilicet sunt alicujus sensus objecta propria) per unam Idæam cognoscuntur, alia per plures. Nam etsi color per unum sensum, coloratum tamen (sive uva v. g. vera vel picta) per plures sensus & plures Idæas percipitur. Et quod per plures, melius. i. e. certius; & plus ejus cognoscitur. Et hæc est cognitio, quam experimentalem sive experientiam vocant; sine quâ præviâ in rebus maximè dubiis & obscuris judicium fieri non debet. Adequata enim & perfecta



perfecta notitia objecti non habetur nisi perceptis omnibus Ideis, per quas sensuum alicui representatur; sic argentum vivum perfecte non cognoscitur, nisi apprehensis colore, sapore, pondere, consistentia, solutionibus, coagulationibus, & similibus. Sensus autem externi apprehendunt tantum objectum per Ideas, ipsas verò Ideas non considerant; sensus verò interni aliquo modo dijudicant. primò enim diversorum sensuum objecta & Ideas conferunt; ut Brutum cognoscit hanc esse herbam sibi commodam & salubrem, conferendo Ideam, quam videt, cum ejusdem alià ideà, quam olfacit, v. g. vel gustat; adeò ut inde format quasi plures propositiones. v. g. Eadem est herba, quam video, olfacio, & gusto; hæc eadem herba est olfactui jucunda, & esui grata &c. 2º Ex frequenti repetitione & incurfu ejusdem Idæe in eundem sensum dijudicat idem esse objectum. Ut Canis novit herum suum, aliosque quibus assuetus est; ac si propositiones hujusmodi efficeret: hic est ille, quem heri vidi, & nudius-tertius, qui me nutrit & fovet, huic obtemperandum & obsequendum est. 3º Non assentiunt antequam omnes istius objecti Ideas per quemvis sensum cognoscibiles spectarunt. Sic non agnoscit hunc sibi cognitum, nisi postquam benè & vultum motuque perspexerit, odorem senserit, vocemque audierit; unde sic videtur cogitare: unum objectum est alteri simile, non est temerè assentiendum &c. Et ex his formantur hujusmodi Propositiones, quibus omne cognoscens assentire videtur; Hoc est hoc, & non aliud. hic non est alibi. hoc est unum. hoc est simile illi; non tamen ipsum. hoc est idem, quod fuit. heri. &c.

3. Cognitio *Intellectus* apprehensiva supponit sensationem, sed non eam tantum, quæ nituntur irrationalia, sed & aliam, qua ista vel omnino, vel maximâ ex parte destituuntur; Cognoscit sc: per loquelam vel scripturam, i. e. auditis tali vel tali voce, vel visis talibus literis; aliud concipit, quod nullo modo simile est illi voci vel signo; sed cui representando artificialiter & arbitrarie imponuntur. vocem dico non sonum; quia etiam bestiae sonos concipiunt, non tamen omnino, aut saltem imperfecte voces. Et quidem alius modus cognitionis per sensus est valde angustus respectu hujus, per quem cognoscimus quicquid alius cognoscit; Et per quem Ideas, quas quis diu in animâ coacervaverit & reposuerit, alteri brevi tempore communicat. Institutione autem & usu devenimus in cognitionem significationis vocabulorum, i. e. in apprehensionem eorum, quæ loquens per loquelam declarare intendit. Et multorum quidem, quæ sensibus non occurrunt, ut Secretorum animi sensorum, absentium, spiritualium &c.

Cognoscens per loquelam hæc & hujusmodi supponit, se audire tales voces; voces illas significare prout ipse intellexerit, nec docentem voluisse decipere. similes Ideas esse, sive immediate per sensus, sive per loquelam in Intellectum recipiantur. Vocibus utendum esse in usitata significatione. Omnes eadem linguâ loquentes eosdem conceptus per easdem voces in animo formare. Aliquas linguas alijs ornatus, & forte distinctius, omnes tamen sufficienter, animi conceptus exprimere. Nomina in diversis linguis eadem significantia esse synonyma. & similia.

4. Objecta autem Intellectus, vel nude & prout repræsentantur à sensibus, accipit, & intuetur; eo modo, quo visus objectum suum; hoc modo non cognoscuntur nisi ea, quorum species in Intellectum recipiuntur, & actus ipsius voluntatis, intellectus, vel affectuum; scio enim intuitivè me intelligere, irasci &c. &c. ab hac cognitione procedit omnis cognitio experimentalis, & intellectio singularium: Vel ex iis alios conceptus format; contemplando sc: aliquod vel aliquas, non autem omnia, aliqujus objecti; v. g. considerando unum objectum esse alteri aliquo modo simile, non considerato, in quo sunt dissimilia: inde abstrahit conceptum & ideam unam utrisque communem; vel unum objectum è diversis partibus essentialibus componi; inde alios conceptus firmat; quorum aliqui desumuntur ab una parte, v. g. materiâ, eique correspondent, alii vero ab altera parte, veluti forma, & ei correspondent; sic essentiam consideramus non considerata existentia &c. Et hujusmodi abstractione fiunt universalia, Genera, Species & Differentiæ; Conceptus denique omnes, quos formales dicunt, item conceptus confusi & distincti. Et per eam devenimus in cognitionem multorum, quæ intuitivè cognoscere non possumus; ut Complexorum, spiritualium, infiniti, maximi & minimi, omnium denique invisibilium & insensibilium. Verum quidem est hanc cognitionem in Intuitiva alterâ fundari, & eam præsupponere, & exinde Ideas recipere, quas comparando, abstrahendo, variisque modis contemplando multa alia repere, quæ illis Ideis repræsentari, vel in iis nisi confuse contineri, non videbantur. hinc ortum ducunt

ducunt scientiæ, Artesq; omnes, quibus per experientiam inveniendis & perficiendis multæ ætates non sufficerent. Et hic est modus nostro cognoscendi in hoc, quo sumus, statu; alium vero speramus, in quo etiam ea, quæ nunc non nisi laboriosa abstractione apprehendimus, clare & manifeste intuebimur.

Abstractio autem, cum sit Actio Intellectus naturalis, supponit omnes homines eodem modo abstrahere, & per abstractionem cognoscere, nec opus esse ut abstractiones recte fieri probentur; Abstractionem non esse negationem; Abstracta, licet per intellectus operationem fiant, significari tamen per voces, quæ in propositiones formantur &c. ac si res ipsæ immediate significarent.

5. E prædictis autem sequi videntur hæc & huiusmodi propositiones originem assensus & certitudinis nostri spectantes. Quod una cum loquela notitiam rerum, incipiendo à rebus visibilibus & familiaribus, paulatim haufimus. Quod generaliter in omnibus notionibus omnes linguæ, & gentes, & proinde genus humanum, conveniunt. Quod nulla adhuc ratione vel experientia causa nulla appareat, quare vocum significatio vel modus significandi mutaretur. Quod ideo certum est res ita se habere ut loquela exprimuntur; & proinde in docendo vocibus usitatis uti debemus. Quod vir prudens non dubitat de iis, quæ ab omnibus creduntur, vel quibus à nullis aut paucis contradicuntur; nam cum omnes animæ sunt æquales, magna est stultitia seipsum omnibus vel prudentioribus præferre. Quod quæ ab omnibus creduntur naturaliter esse vera supponi debent. Quod vim faciunt nature

turæ  
bus  
non  
tali,  
viriis  
restan  
dicio  
porte

1. E  
colla  
& N  
hujus  
vel  
lis il  
negr  
dillo  
Pro  
i.e.  
ram  
tam  
statu  
susp  
ctus  
rect  
tali  
a  
pos  
affe

puræ & intellectul suo, qui diversum ab omnibus aliis credere laborant vel prætendunt. Quod nonnulli à nativitate sunt, ut corpore mutili, ira judicio non sani. alii etiam sunt, qui vitiis vel passionibus obnoxii rectè judicandi potestatem sibi abrogarunt. quare standum est judicio bene dispositorum, & ratione, prout oportet, utentium.

## C A P. II.

### *De Assensu.*

1. **E** Conceptuum sive Idearum tum intuitivè tum abstractivè cognitarum ad-invicem collatione naturalitèr oriuntur Affirmationes & Negationes; dum scilicèt dicitur hæc vel hujus Idea est, vel non est, illius vel illa; agit, vel non agit in illam; est similis, vel dissimilis illi. Cùm autem hujusmodi affirmata vel negata credimus esse vera, assentire dicimur; dissentire, cum falsa. Quare qui assentit alicui Propositioni, contradictoriæ ejus dissentit; i.e. qui credit aliquam Propositionem esse veram, ejus oppositam credit esse falsam. Qui tamen non assentit alicui Propositioni, non statim assentit oppositæ; potest enim assensum suspendere, sive dubitare; ut num Angulus factus à tangente & circulo sit minor omnibus rectilineis. & proinde aliud est non credere tali propositioni, & credere eam esse falsam.

2. Terminos sive Ideas ità conjungi in Propositione nonnunquam contingit, ut iis statim assentiamus sine præviâ Argumentatione; Et  
I tales

tales Propositiones dicuntur per se notæ: quibus sc: tanta inest ex ipsis terminis evidentia, ut cognitis perfectè eorum significatis statim assentimur. Sed paucae sunt hujusmodi Propositiones; & licet ad Assensum necessario requiritur notitia Terminorum perfecta, raro tamen ei sufficit; sed ordinariè requiruntur Argumentatio & probatio. ordinariè dico, quia reperiuntur permulti imperiti rationis æstimatorum, qui assentiunt Propositioni, quamprimum ipsam se apprehendisse concipiunt. Hujusmodi homines creduli & temerarii etiam falsò assentientes, se tamen certos credunt, & errori æquè firmitè ac veritati adhærent. Quare omnia Media sunt examinanda, omnia Argumenta ponderanda, ut quis ab errore servari vel liberari possit. Et Prudentis est cautè & magna cum deliberatione fidem habere: ab omnibus etiam passionibus & præjudiciis animum defæcare; quantà etiam poterit diligentia argumenta exquirere; & demum secundum probata judicium ferre. Cùmque cognoscendi facultatibus, sensibus sc: externis & internis, & intellectu, variisque probandi mediis nos instruxerit optimus Parens, uni *negari* fidendum non est; sed omnibus auxiliis utendum. Singulorum verò informatione adhibita, mens ipsa æqua & indifferens per se naturalitèr judicat; eique propositioni assentit, quæ maximam habet evidentiam vel probabilitatem. i. e. cùm omnia ad assentiendum requisita poni viderit.

3. Regulæ autem, secundum quas naturalitèr assentimus, hujusmodi sunt. 1<sup>o</sup> evidentibus statim & absque deliberatione assentimus. Evidentia dicuntur, quæ constant ex terminis  
iisdem,

iisdem, synonymis, reciprocis, significantibus res in sensum vel intellectum per se cadentes, (sive propositiones per se notæ), quibus ab ineunte ætate assueti sumus, quas sæpe experti sumus, quibus omnes fidem habere cernimus.

2. E duabus verisimilibus verisimiliori pro suo gradu assentimus. verisimilior autem est, cui minus occurrit in contrarium. quare ubi minima in contrarium est probabilitas, perfecta producit certitudo; qualis sit per Demonstrationem. cui tanquam minor gradus succedit certitudo, quam *Moralem* vocant: qualis scilicet prudentibus omnibus vel pluribus pro vero & certo habetur. Quicquid acciderit, si nihil se offerat probabilitati illi contrarium, eo utetur sapiens, inquit Cicero.

3. Minus probabiliter assentire non possumus, i. e. ei quæ minus probabile videtur. Est quidem in potestate nostra (indirecte sc.) utrilibet probabilium assentire. potest enim voluntas vel affectus intellectum ita movere, ut omnia consideratione rationum pro una parte, rationes adversas tantum perpendat. Sed intellectus bene dispositus non assentit ei, quod unus vir doctus & probus, etiam post diligentem examinationem teneat, adversus omnium, vel plurimorum, æque doctorum, & proborum, & diligentium determinationem.

4. De æque probabilibus (si talia possint esse) assensum (licet alterutri licite & sine peccato dare possumus) suspendimus, & dubitamus. quare dubium non est, quod aliter potest se habere; sed cui astipulantur rationes æque validæ, ut aliter se habeat. & bene se compatiuntur; certus sum hoc ita se habere; & credo possibile esse ut aliter se habeat: sed

non, Certus sum ita se rem habere, & dubito num ita se habeat. Dubium enim opponitur certo, ut vero falsum; & evidenti obicrum. potest autem alicui esse certum quod alteri est dubium.

5. *Opinio* est assensus alicui propositioni cum formidine, ita ut contradictoria ejus aliquo modo videatur probabilis, non possibilis tantum: Vel ita saltem ut rationes asserentes non convincant. *dubitatio* autem actualis oritur; vel cum non clare satis apprehenduntur Termini: vel cum criterion criterio, vel medium medio opponitur. ubi autem non est talis oppositio sit certitudinis aliquis saltem gradus. ascendimus enim à mera cognitione, live assensus omni suspensione, per varios dubitandi & firmitudinis gradus ad supremum; qui si non certitudo infallibilis dicatur, nescio quid per illam vocem significatur.

Ex de *certitudine* Notandum est; aliam esse supranaturalem, cum sc: spiritu Dei in rebus fidei sanctissimæ dirigimur; aliam præternaturalem, quæ ab intellectu male disposito producit; aliam imaginariam, contra quam disputant Sceptici, quæ nullam admittit in contrarium argumentationem. v. g. dicunt nos non posse esse certos alicujus rei, quam vigilantes agimus vel sentimus, quia in somnis ejusmodi res sæpe appareant. Universali hominum testimonio non esse credendum, quia possibile est omnes homines fallere & falli. nihil esse certum, quia unicum non datur veritatis criterium &c. alia denique est certitudo realis & naturalis, qualem sc: rerum natura fert & postulat; i. e. qualis est nobis in hac vitâ & statu necessaria, apta, & sufficiens ad obtinendum



PA. II. CAP. II. *Artis Rationis.* 101

dum finem tum naturalem tum supranaturalem, cui creati sumus: prout expedit creature rationali præmii & pænæ capaci. Natura non abundat in superfluis; nec necesse est ut infallibili aliquo criterio nos ditaret, cum libertati nostræ consuluit. sufficit quod diligentia nostrâ veritatem assequi possimus; quod facultates habemus in objecta sua naturaliter propensas. Sed de fundamentis assensus infra dicendi locus est.

6. Probationes sive causæ assentiendi sumuntur.

1<sup>a</sup> a Sensibus, cujus repetitæ actiones experientiam producant. & quo plures istiusmodi actiones, eo firmior est assensus: plurimis autem opus est, & multâ cautione, ut inde fiat universalis aliqua propositio; & sensibus, secundum regulas operandi naturales nos informantibus credatur.

2<sup>a</sup> a Testimonio, Assensus iste dicitur fides. de qua infra.

3<sup>a</sup> a Ratione; & huiusmodi probatio est,

1. Evidens, quæ producit scientiam per Demonstrationem.

2. Dubia, producens Opinionem per Syllogismum Topicum.

3. Falsa, producens errorem per fallacias.

Sunt autem aliquæ propositiones quæ pluribus mediis probantur, sensu sc: testimonio, & ratione: ut pleuritidem sanguinis missione curari. hoc modo credimus nos esse sanos, &c. & quo plura sunt media firmitus ei adheremus.

## CAP. III.

## De Demonstratione.

1. **N**otitia *evidens* est assensus verus sine formidine alicui propositioni, à principis intellectum necessitantibus causatus; adeo ut non sit possibile naturaliter eum non assentire, aut in assentiendo decipi. causatur autem, 1<sup>o</sup> à notitiâ intuitivâ vel abstractivâ terminorum; ut assensus principis primis, qui ex solâ apprehensione terminorum producit. 2<sup>o</sup> à connexionem vel illationem à principis certis indemonstrabilibus. 3<sup>o</sup> à demonstratis propositionibus aliam conclusionem directe & logicè, hoc est per *Demonstrationem*, inferentibus.

2. Est autem *Demonstratio* Argumentatio constans ex præmissis à ratione certis & necessario veris facientibus sciri conclusionem. Experientiâ quidem & Testimonium nos certos facere possunt; sed scimus tantum ratione inducti; quæ præter certitudinem producit etiam evidentiam. Et est conclusionis, quam antea non *scimus*, licet ei forte assensum præbuimus. Et quod unus scit, alius potest credere tantum, alius opinari: ut Solem esse terrâ majorem. Et præmissæ debent esse notiores & evidentiores conclusionem. Et quicumque ex demonstratione certus est, est infallibiliter certus; & scit se esse ita certum. conclusio autem dicitur *objectum*, subjectum vero conclusionis *subjectum* scientiæ dicitur.

3. Præmissæ vero in demonstratione sunt.

1. Definitio.

1 Definitiones. 2 Axiomata. five communes notiones. 3 Postulata. 4 Et quæ ab his deducuntur; licet horum quæ per plura media, non sunt æque evidentia ac ea quæ per pauciora. Hisce etiam addi possunt lemmata, quæ ut probata supponuntur; cum tamen non nisi seorsum & extra ordinem probentur.

Definitio, Axiomata, & Postulata dicuntur Principia, quia cum ad ea deventum est ulterius probare non est necesse; licet forte per alia probari possunt. & proinde Euclides definitiones & axiomata ponit, quorum pleraque Patricius probare nititur. Principia autem sunt, vel simpliciter prima, vel prima in suo genere. simpliciter prima, quæ omnibus vel pluribus scientiis substernuntur. qualia sunt, Axiomata five Propositiones Universalissimæ: & Regulæ artis, maximè ratiocinandi, quæ axiomatum instar habentur. Prima autem in suo genere sunt, quæ in singulis scientiis pro principiis supponuntur, nec in iis probantur. Sic Geometria, Arithmetica &c. habent sua principia: in Jurisprudentiâ leges Naturæ sunt Principia. Et in Religione nostra sanctissima principium est Scripturam sacram esse verbum Dei. In scientiis vero subalternis, quod est conclusio in subalternante, five generali, potest esse principium in subalternata, five Inferiori; ut aliarum Mathematicarum principia probantur in Geometria. Et Physica à Metaphysica principia sua recipit. Principia autem scientiæ Universalioris sunt credibilia. Nec in principiis datur processus in infinitum.

4 De definitione præsupponimus quæ in lib. 1<sup>o</sup> dicta sunt. Debere nimirum definitio-

nes esse evidenter cognitæ. i. e. tales; quæ præexistentes in anima cognitiones live conceptus clare & distincte describant. quare necesse est, ut

Definitio ( scientifica sc: & perfecta ) non sit impossibilis, vel non entis; qualis est, Dux rectæ lineæ spatium comprehendentes dicuntur figurales.

Nec rei possibilis & veræ sed nobis ignotæ, aut dubiæ, donec nobis manifestetur. sic non utendum est termino, Sectio lineæ secundum extremam & mediam rationem, donec definiatur quid sit, & demonstretur esse possibilis.

Ex defectu definiendi procedunt omnes fere logomachiz, & inde multæ acriter disputatz controversiæ. nota est illa Sancti Hieron: de hypostasi & persona.

Definitio termini usitatata servetur donec vitium in eâ manifestum deprehendatur. Robur enim & certitudinem ex usu sortitur, eo modo quo voces significationem suam.

5. *Axiomata* sunt Universæ quædam Propositiones per se notæ, quibus in scientiis ad demonstrandum utimur, ut Totum est majus sua parte. appellantur etiam Communes notionēs; & ab aliquibus dicuntur esse à naturâ ipsâ nobis inditæ absque inductione, vel aliâ probatione qualicunque. Qui vero dicunt Animam esse tanquam rasam tabulam, asserunt eas dici *communes* quia adeo communiter & frequenti in usu sunt ut intellectui factæ sunt familiares, & ab omnibus sine controversiâ receptæ. sed & evidentiam pleræque ab ipsis terminis & eorum definitione sortiuntur. sic qui novit quid significetur per [Totum] & quid per [partes], absque ulla dubitatione credit.

dit Totum esse majus sua parte. Imo & aliquæ ex ipsis cognitionis principiis oriuntur. Nam cum quis videt v. g. hominem, & videt equum, novit conceptum unius non esse conceptum alterius. equum sc: non esse hominem. & unumquodque esse ipsum & non aliud.

Hujusmodi Axiomata in unaquaque scientia plurima sunt; & quo Universalior est scientia, eo certiora sunt Axiomata.

Ad Axiomata reducuntur Regulæ artis; ejusdem enim prorsus sunt autoritatis ac Axiomata in scientiis; nec aliter fere differunt quam Problema & Theorema. Quales sunt in Logica Regulæ arguendi, in Jurisprudencia judicandi. hujusmodi etiam sunt operationes, v. g. Multiplicatio & divisio, in Arithmetica; è quibus oriuntur aliquot propositiones in Euclidis secundo.

Certitudo autem Regularum dependet in aliquibus ab experientia; in aliis (ut in Logica) ab ipso intellectu proprias operationes, (cognitionem sc: & assensum) modumque in iis usitatum & naturalem considerante.

A Regulis autem Universalioribus certius argumentamur.

Et in Artibus Regulæ sunt Universaliores quam in Prudentiis; hæ enim exceptionem sæpius patiuntur.

6. *Postulata* sunt, quæ, etsi non sint adeo manifesta & Universalia ut Axiomata; supponuntur tamen adeo clara ut nullus eis assensum deneget.

Nihil autem valet suppositio nisi ab Adversario concedatur.

Et qui supponit aliquam Propositionem supponit etiam omnes ei æquipollentes.

7. Duobus

7. Duobus modis vero arguitur. 1<sup>o</sup> Affirmative, cum sc: probatur rem ita se habere, five conclusionem talem esse veram. 2<sup>o</sup> Negative, cum probatur contradictoriam ejus esse falsam. hic modus imperfectior est, nec quæsitum probat nisi ex consequenti. Nititur enim hic Regula, Contradictoriarum propositionum una est vera, alia falsa. Probant autem Contradictoriam esse falsam; quia dato quod sit vera, sequeretur aliquod absurdum. Et si istud absurdum contradicat alicui principio, istiusmodi Argumentario dicitur Demonstratio. Ejusmodi vero sunt plurimæ apud Mathematicos, præsertim Euclidem; quas utpote minus artificiales reformare nixus est doctissimus Borellius in Euclide Restituto.

## C A P. IV.

*De Argumentis Probabilibus  
sive Topicis.*

1. **A**rgumenta *Probabilia* sunt, quæ à quibusdam locis sive sedibus petita opinari nos faciunt. *Loci* dicuntur, unde argumenta sive probationes sumuntur; alibi quidem inventioni, in logica autem iudicio magis inserviunt. In quolibet loco sunt quædam propositiones sive *Maximæ*, quæ frequentissimè sunt Majores propositiones in syllogismis Topicis.

Pro ratione & dignitate *loci* & *Maximæ*, in quibus fundantur, argumenta firmiorem vel debiliorem assensum producant; & per accidens aliquando assensum certum: cum sc: è pluribus, iisque dignioribus locis multum pro, parum vero aut nihil contra, afferri potest.

*Loci* ii sunt digniores, qui sunt viciniore Definitionibus, & axiomatibus. quorum sc: media sunt propria passio, causæ, effectus & similia. *Maximæ* vero sunt digniores, quarum pauciores sunt exceptiones vel limitationes.

De quibusdam horum locorum, v. g. etymologia, notatione nominis, conjugatis &c. in Grammaticâ tractatur. de aliis in Metaphysica, ut de causâ & effectu, toto & partibus. &c. De aliis ut de genere, specie, & similibus, prius dictum est in logica. omnes vero describere admodum difficile est, diligentemque fatis operam collocavit *Daniel Stabius*, principaliores tantum delibabimus.

2. De

2. De *Notatione Nominis*. Primus hic est locus, quia maximè obviuſ, & familiaris; & ſumitur ab Etymologiâ, impositione, propriâ ſignificatione, uſu, analogiâ Nominis. Sed parùm valet, ed quòd voces ad libitum imponuntur, & à Significatione primâ & propriâ ſæpiùs mutari ſolent. Sed nec Proprietas verborum ſumitur ex Etymologiâ, aut huius vel illius uſu, intentione, aut opinione, ſed communi uſu & conſuetudine; unde huiusmodi Regulæ.

In dubio propriæ verborum ſignificationi ſtandum eſt.

Cum propria ſignificatio ſit impoſſibilis vel abſurda, aut inconfiſtens cum materiâ tractandâ, argumentari licet à ſignificatione impropriâ.

Ab Etymologiâ arguitur potiùs negativè quàm affirmativè; ut non tuerur, ergo non eſt Tutor; Jus non dicit, ergo non eſt Iudex: De meo tuum non eſt, ergo non eſt mutui obligatio.

Non autem ſequitur affirmativè, Teſtatio mentis eſt, ergo eſt Teſtamentum.

3. De *Conjugatis*. Affinis Notationi Nominis eſt locus à Conjugatis, quæ ſunt voces Denominativæ; ſive quæ denominantur una ab aliâ, ſive, ſunt Concretum & Abſtractum: ſequi enim videtur, & vulgò arguitur ab Abſtractis ad Concreta: ita ut ſi abſtracta de ſe invicem affirmantur, affirmantur & concreta: ut ſi dulcedo ſit qualitas, dulce etiam eſt Quale.

Non autem ſequitur ſi concretum de concreto, ergo abſtractum de abſtracto, affirmetur; ut ſi omnis Prudens eſt juſtus; non inde ſequitur, ergo Prudentia eſt juſtitia.



4. De *Genere & specie.* A Genere ad speciem & differentiam arguitur negative, i. e. ad remotionem generis sive superioris sequitur remotio speciei sive inferioris: ut Pretor non servavit pactum dolo initum, ergo nec fraude. Arbor non est Animal, ergo nec sensitivum. Nul- lum animal currit, ergo nullus homo currit; non autem è converso.

A Specie sive Inferiori ad genus, sive supe- rius, arguitur affirmative: i. e. ad positionem speciei sive inferioris ponitur genus sive supe- rius. Est emptum, ergo est paratum. rapi- nam commisit, ergo furtum. non autem nega- tive.

In Jure arguunt à speciali tanquam à Con- trario Universali, ut si quis natus est à Patre Campano, & Matre Puteolanâ, municeps erit Campanus; quod si à Ponticâ Matre, Pontic- us erit; cum beneficio Pompeii Ponticis con- cessum sit, ut à Ponticâ matre nati Pontici sint.

5. De *Toto & Partibus.* Locus de divisione, sive de toto & partibus affinis est illi de Ge- nere & specie.

Maximæ autem sunt hujusmodi,

A Toto ad partem valet consequentia affir- mative tantum, non autem negative. Nam cum Totum sit omnes sui partes simul

Posito Toto, ponuntur (i. e. affirmantur) omnes partes; sed sublato toto non auferuntur omnes ejus partes; ut, cælum compositum est, ergo constat ex materiâ: Homo resurget, ergo corpus & Anima.

A Partibus omnibus & unitis sequitur To- tum: ut Corpus & Anima simul sunt, ergo est Animal.

Pars de toto non prædicatur, nec, to. u. p. de

uni parte. ut, non est verum, Homo est anima; vel Anima est homo.

Remota autem aliqua parte removetur totum; ut Anima non est, ergo nec homo. Rotæ non sunt, ergo nec currus. fundamentum non est, ergo nec domus.

6. De *Comparatis*. Quæ differunt genere non possunt inter se comparari; sicut non possumus dicere equum currere, quantum cygnus est albus. Nam, Quæ comparantur apta non sunt participare in eo, in quo comparantur. Quare

Definiuntur homogenea, quæ possunt comparari, ut si magnitudo magnitudini addatur vel subtrahatur, homogenea sunt: Comparantur tantum diversa.

Comparatio inter quantitates fit per majus & minus; & pertinet hujusmodi comparatio præcipue ad scientias Mathematicas. Inter cetera per magis & minus.

Comparationum aliqua sunt talia, sive similia & dissimilia, 1<sup>o</sup> Paria sive æqualia. 3<sup>o</sup> inæqualia, sive majus & minus.

7. De *simili* & *Exemplo*. Similitudo est rerum differentium congruentia: Exemplum cum ab uno simili ad aliud simile arguitur. Ut Pisistratus tyrannidem affectans, satellites sibi acquisivit; ergo qui satellites sibi acquirit, tyrannidem affectat.

Omne simile, in eo quo est simile, est ut idem cum suo simili. quare conceptus Socratis & Platonis, ut homines sunt, est ad omnem idem. quod affirmatur vel negatur de homine, ut est Animal, affirmatur vel negatur de Alino, quia tale.

Utitur quidem similibus, exemplis, & instantiis

stantis utiliter admodum ad explicandum & illustrandum quod volumus. Jurisconsulti autem ad rite statuendum questionis statum, illam quasi factum quoddam inter personas fictas ponunt, quam speciem vel casum vocant.

Et quidem Oratoribus & Juristis in materia morali utilior est hic Argumentorum locus, quam Logicis. Illi autem hujusmodi assunt maximas;

Ubi eadem est juris vel æquitatis ratio, eadem quoque juris dispositio esse debet; ut quod de actione furti statuitur, statuitur etiam de actione damni injuria illati.

Ubi diversitatis ratio reddi non potest, idem jus esse putandum est.

Ubi similitudo Personarum, idem jus, est, ut Posthuma nominatim exheredandi sunt, quæ filii.

Ex hisce frequentes arguunt;

A Contractibus ad ultimas voluntates; & de contra.

A Pacto ad legem; & similia.

Sic etiam Grammatici arguunt sæpe ab analogia unius vocis ad aliam.

Etiam Philosophi nonnunquam hujusmodi utuntur maximis;

Quod magis vel minus tale est, simpliciter est tale: tale autem simpliciter est, quod nullo adjecto est tale.

Quod est naturæ tale; & quod per se; & cui magis inest causa similitudinis; & quod magis efficit tale; & quo ablato, reliquum est minus tale; & quod minus mixtum est contrario, est magis tale.

Nulla autem Argumenta à simili vel pari valent, nisi in eo in quo sunt similia vel paria;

paria; in quibus scilicet est eadem ratio. Et quia similitudo est differentium, omnia similia sunt etiam dissimilia, & paria imparia: unde fit ut, quod supra dictum est, hic locus in strictis & accurata argumentatione parum valet.

8. De *Pari* sive *equali*. Locus à paribus; sive ab æquali majorem habet vim quàm à simili. In Mathematicis enim.

Æqualia in eo, in quo sunt æqualia, habentur pro eodem; sicut idem est dicere; Duo Triangula super æqualibus basibus & inter æquidistantes parallelas sunt æqualia; Et, Duo Triangula super eadem basi, & inter easdem parallelas, sunt æqualia.

Et in Jure multum etiam attribuitur Argumento à *Pari*: unde hujusmodi habent maximam.

Paria [sive eadem] sunt, non esse & non apparere: nihil respondere, & respondere obscurè.

Et generatim. Ubi duo parificantur, ab uno ad aliud rectè ducitur Argumentum. Ut Paria sunt in sententiâ certam quantitatem exprimere, & ad acta certam quantitatem continentia referre. Quare si condemnatio sit facta ad quantitatem, quæ in Testamento continetur, perinde est, ac si ad certam quantitatem condemnatio facta fuisset.

A Majori & Minori. In hoc loco valde frequenti hujusmodi sunt Maxima.

Quod minor potest, potest & major.

Quod major non potest, nec potest minor.

Major magis potest, Minor minus.

Si Minus non liceat, ergo nec majus;

Et si majus sit licitum, ergo & minus; ut, non licet Ecclesie vel Monasterio res alienare, ergo nec Ecclesiam vel Monasterium: si in laicis intolerabilis est infcitia, ergo & in Sacerdotibus.

Filios

PA. II. CAP. IV. *Artis Rationis.* 113

Filios licebat occidere, ergo & exheredare: Pater potest occidere adulterum filiz suæ, ergo malè tractare.

Quicquid dicitur de uno, & de alio; sed de illo magis, de isto minus: debet etiam quicquid convenit illi prædicato, dici de eis cum magis & minus; ut, si Petrus & Johannes quia docti, sint honorandi; Petrus ergo magis honorandus, quia magis doctus.

9. A *Causâ & Effectû.* Causa dicitur cujus vi res est; effectum verò, quod à causis fit vel existit.

Varie sunt divisiones causarum: sicut, Quod aliud præcedit, nec tamen sequens ab eo fit, dicitur Causa sine quâ non; ut amissio dicitur causa recuperationis: & corruptio causa generationis.

Rursus Causæ sunt à quo, sive Efficiens: Ex quo; Per quod; Propter Quid.

Ab Efficiente arguitur ad effectum, & è converso. Multæ sunt etiam divisiones efficientium; totalis, & partialis. solitaria, conjuncta. Principalis, Instrumentalis; ad hanc etiam reducitur Meritoria in Moralibus.

Efficientium autem quatuor sunt genera. 1<sup>o</sup> Natura (cui additur appetitus) effectorum naturalium. 2. Consilium sive Mens (cui additur Ars) spontaneorum. 3. Necessitas violentorum & 4. fortuna fortuitorum; hæ autem due sunt Per accidens; Priores per se & sæpè omnes concurrunt ad eundem effectum.

Effectum etiam est 1<sup>o</sup> Actio ipsa. 2<sup>o</sup> actum, quod scilicet per actionem producit. 3<sup>o</sup> usus istius, quod producit; nisi hic sit potius finis, ut habitatio ædificationis. duo etiam sunt vocabula effectum significantia, Ago scilicet:

& facio. & in utroque est velut actio & effectum.

Non omne quod agit, facit vel efficit aliquid.

A magis propriè dictâ Causâ ad effectum melius arguitur. magis propriè dicitur Causa Totalis, quam Partialis; Particularis quàm universalis; Principalis quàm Instrumentalis; Naturalis quàm Moralis; Proxima quàm Remota; univoca, quàm æquivoca; Necessaria quàm libera; Actu quàm Potentia; Per se quam per Accidens; sic sequitur

Sol est supra Horizontem, ergo Dies est: Sol nondum est ortus, ergo non est Dies. Ignis est, ergo Calor: Pleuritis, ergo difficultas spirandi. Cecidit in aquam, ergo est humectatus; Consensus est conjugum, ergo Matrimonium.

A Causâ arguitur melius negativè quàm affirmativè; quia Causa est prior Effectu; nec Effectum potest esse sine causâ. Causa scilicet non est, ergo non est effectus; ut non precessit Obligatio, ergo non est Actio. non est consensus conjugum, ergo non matrimonium.

Ab Effectu ad Causam melius arguitur affirmativè; Effectus est scilicet, ergo est Causa.

Ab Effectu per plures Causas sive Totales sive Partiales producibili ad unam aliquam Causam non arguitur.

Multe sunt alie Maxime; ut, Qualis Causa, talis Effectus; Positi Causâ ponitur Effectus, & sublatâ tollitur. Propter quod unumquodque est tale, illud est magis tale &c. quæ cum non teneant sine multiplici limitatione, eas omittendas duxi.

A Fine ad effectum, & è converso. Exprimitur finis per, cuius gratiâ, ad, ob, propter, pro, quo, quoriam & similia; ut in fine qui est evitatio mali.

Finis.

PA. II. CAP. IV. *Artis Rationis.* 115

Finis est bonum rei ; & summum bonum est finis supremus. dicitur autem finis cuius gratia, sive propter quod res fit.

Natura & Sapiens ( Deus maximè ) nihil agunt frustra ; quare si sciremus omnes causas finales, liceret arguere à fine ad effectum negativè, & è converso affirmativè ; ut. Pupilla oculi debet recipere omnes colores, ergo nullum habere proprium. Non desiderat vivere, ergo non opus est ut comedat. Non vult esse doctus, ergo nec studiosus. Sumit medicinam, ergo vult sanari. Patronus non potest adigere libertum ut juret se non nupturum, nè scilicet civitas impleatur, ergo ( sine isto cessante ) Eunuchum potest adigere. Militibus datur privilegium testandi propter expeditionis necessitatem, ergo extra expeditionem existentes non gaudent isto privilegio.

Ubi sunt due Cause Finales, una ( etiamsi sit principalis ) cessante non cessat effectus : Fornica non potest accusare propter impudicitiam ; quâ tamen cessante non potest propter aliam : quia scilicet non potest exercere officium virile.

Qui asserit finem principalem, asserit etiam intermedios ; non autem negat minus principales, qui negat principalem.

De *Formâ* sive *Causâ formali* : Forma est vel externa, figura scilicet, & est essentialis artificiosorum ; vel interna, per quam res est id quod est. 1<sup>o</sup> quæ dat primum & proprium esse rei. 2<sup>o</sup> simul existit & tollitur cum ipsa re : 3<sup>o</sup> Ab omnibus aliis distinguit. Quare

A Formâ ad formatum sequitur Argumentum & affirmativè & negativè. Ostrea habent animam, ergo vivunt. Cælum non est ani-

K 4. matum,

maturum, ergo non nutritur. Tenet etiam de formis artificialibus, ut

Corpus est rotundum, ergo aptum moveri. Serra est dentata, ergo apta secare. Vulnus est rotundum, ergo difficulter coit; posita enim forma ponitur formatum, & sublata tollitur.

Et posito effectu, sive formato ponitur etiam forma; & sublato, tollitur; Quare licet argumentari affirmativè & negativè, ab effectu ad causam, ut, Zoophyta sentiunt, ergo sunt Animalia. Spongia non sentit, ergo non est Animal.

A Materia ad materiaturum. Materia circa quam dicitur objectum; In qua est subjectum accidentis. i. e. adjuncti, de quo mox.

Ex qua propriè dicitur materia.

Melius arguitur à materiâ ad effectum negativè quàm affirmativè. uvæ non sunt, ergo non erit vinum. Vapores non sunt, ergo nec pluvia.

Ab effectu ad materiam melius affirmativè. Aqua marina gravior est fluviali, ergo terrestrior. Radii solares transeunt, ergo est perspicuum.

Cum autem eadem res fieri potest ex diversis materiis, ad unam non arguitur; ut non sequitur: scyphus est, ergo est aurum. Perspicuum est, ergo: Chrystallus.

9. De signo & signato. Effectibus similia sunt signa, & ex his ducuntur Argumenta.

E Signis naturalibus, similibus significato, generaliter receptis & approbatis, pluribus concurrentibus, melius arguitur; ut plorat ergo dolet. tremit ergo timet. Luna pallet, ergo pluet. Pisces saltant in Mari, ergo instat Tempestas. In Medicinâ frequentissimè arguitur; habet dolorem capitis, lateris levi, tussim siccam, febrem continuam, pulsus durum, respiratio-



PA. II. CAP. IV. *Artis Rationis.* 117

respirationem difficilem; ergo est Pleuriticus.

10. De subjecto sive materia in qua, & Adjuncto sive accidente.

Accidens potest esse subjectum alterius accidentis; ut Justitia est laudabilis; Coloratum est visibile.

Subjecti ejusdem plura sunt accidentia. & diversis temporibus contraria.

Negato subjecto negantur ejus Accidentia, non e converso, i. e. ab [est] Secundi adjecti, ad [est] tertii valet consequentia negativè; ut mortui non sunt, ergo non sunt miseri.

Ad Accidentia referuntur Circumstantiæ, item signa, & reliqua externa sive antecedentia, sive concomitantia, sive consequentia.

De Diversis sive Dissentaneis. Diversa sunt æque ignota; nec ab uno ad alterum argui potest, nisi ostendendo in quo differunt; & merito omisit hunc locum Aristoteles.

Sunt autem dissentanea Disparata vel Opposita.

De Oppositis. Dictum est supra scilicet, Quod eidem non conveniunt. quare

Affirmato uno Oppositorum de aliquo, ejus oppositum negatur. negato autem uno non affirmatur alterum, exceptis contradictoriis.

Cui unum Oppositorum convenit, ejus opposito convenit aliud oppositum: ut femina damnata non potest ferre testimonium, ergo non damnata potest. Si bellum sit causa malorum; Pax est causa bonorum. Sanus habet justam corporis temperiem, ergo ægrotus indolens.

## CAP. V.

## De Fide à Testimonio.

**H**ucusque de duabus Assensus speciebus i ratione; sequitur tertia ab Autoritate sive Testimonio, quæ fides dicitur; & differt ab opinione, quia plerumque est firmissima & certissima; à scientiâ autem, quia non est evidens.

1. A fide dependent maxima tum hujus tum alterius vite momenta; vita enim, honor, divitiæ, salus, sanitas, & quicquid nobis est, non aliunde inobis consistit quam fide, & testimonio alienum; & videntur omnia hæc, hæc axiomata veri.

Non est rationabile ei assensum denegare, cui vel omnes vel plerique homines assentiuntur.

Firmitas autem fidei dependet vel à credibilitate ipsius objecti, vel à certiori testimonio, vel à nostra alterutius firmiori & clariore apprehensione.

2. Ratio fidei est Testimonium, cujus multe sunt species.

1<sup>a</sup> Presumptiones sive Circumstantiæ Temporis, loci, personarum, actionum &c. ut fugit Judicem vel Testes committere nitentur, ferrum ejus in vulnere repertum est, ergo est reus; Quantum valeant hujusmodi Argumenta prudentis viri est judicare.

2<sup>a</sup> Juramenta; quæ, quia sunt Argumenta Inartificialia, præterimus.

3<sup>a</sup> Authoritates, quæ confirmant, 1<sup>o</sup> res sive dogmata; vel 2<sup>o</sup> facta.

3. Ab Autoritate five Testimonio alicujus viri docti. v. g. Aristotelis in Physicâ, non directè probatur rem ita se habere; sed tantum eam fuisse illius hominis opinionem; sententiam scilicet ejus fuisse, illam Propositionem esse veram. Quare

Nullius hominis Autoritas est absolute & simpliciter amplectenda, cum non sit infallibilis; ejusque autoritas est tantum probabilis.

Adversus negantem alicujus Autoritatem, frustra est eam urgere.

Peritiorum in illâ re, probiorum, sapientiorum, antiquiorum in veritate per traditionem delatâ, celebriorum, Magistratuum, Superiorum, Parentum, Magistrorum, Senum, plurimum consentientiam major est auctoritas.

Quicumque fidem habet alicui ob ejus auctoritatem, oportet ut ei fidem habeat in omnibus, quibus fidem sibi haberi postulat.

Quamvis fides absolute nulli hominum sit habenda; oportet tamen discentem credere. impossibile enim est quenquam doceri, si de omnibus dubitat, quæ Docens proponit. sed & unicuique in sua arte ab ignaro credendum est; De doctis enim non nisi docti judicare possunt.

4. Testimonio autem Divino absolute assentiendum est etiam contra omnes apparentias rationum, experientiarum, vel sensus, &c. & hæc dicitur Fides divina; quicquid enim ille dicit, est certissime verum.

Difficiliter autem probatur Deum aliquid revelasse; Media verò sunt Miracula. Testimonium divinorum virorum. Extases, illustrationes Mentis, Passiones divinæ, visiones, five intellectuales, five imaginativæ, si-  
ve

ve sensitivæ; quibus tamen cavendum est, Sensus.

Solet autem Dei Spiritus non solum ipsam fidem, sed & ejus firmitudinem & certitudinem fidelibus inspirare.

Revelatio est objectum Fidei formale. i. e. credimus tali propositioni, quia Deus ipsam revelavit. Et est tanquam lumen visioni colorum, quod scilicet simul cum illis cernitur, licet ejus gratia illi videantur; nec requirit aliud lumen, quo ipsum cernatur; sed est ipsum *objectum quo*, scilicet alia cernuntur.

#### De Factis.

5. Testimonium autem magis propriè habetur de factis; hæc enim clarum admittunt Testimonium; nec alio modo de factis absentes fidem habere possunt. Sunt autem Facta antiqua vel recentia.

Antiqua autem scripto eoque vel publico vel privato, authenticato vel non authenticato, & traditione orali confirmantur.

Quæ scripto asseruntur, & quæ scripto publico & authenticato sunt, credibilia.

Quæ scribuntur ab ipsis gerentibus, consciis, testibus oculatis, presentibus, coætaneis verisimilia.

Testimonia publica, qualia sunt Jura, Leges, Sententiæ, Res Judicatæ, consuetudines, Sacramenta, sicut & Inscriptiones, numismata, Proverbia etiam, dicta Sapientum & similia, maximæ sunt Authoritatis.

Quæ nullus Historicorum illius vel proxime sequentis temporis, quo factum esse dicitur, refert, non sunt valde credibilia.

Quæ

Quæ ex historiis incertæ originis, anonymis, viris obscuris, ignavis, levibus, jocosis, credulis, imperitis, iis quorum interest, Satyricis, libellis famosis, parum fidei merentur.

Historia, quæ nec sibi nec alteri contrariatur, quæ non narrat res in se incredibiles (nisi expresse profiteatur se miracula, vel miranda scribere, quibus aliundè fidem facit), quæ graviter & prudenter scribitur, fidem meretur.

Traditio oralis scripto incertior est; quia magis accuratè conservantur scripta quam dicta: E memoriâ etiam dicta faciliè elabuntur, & facilius testes quam scripta corrumpuntur.

*De nuper factis.*

6. Testimonium in propriâ causâ, unius, juvenum, pravorum (maximè astutorum), infamium, dissidens, in re fallaci, imprudentium, quorum interest, extortum, parum valet.


Testimonium plurium, peritorum, sapientum, senum, proborum, oculatorum, adversariorum, ex sententiâ Judicis, contra seipsum, sive in sui præjudicium, valet.

Testimonium juramento, morte, vel passione alicujus pænæ vel damni probatum, certius. Indicat enim testem esse probum, qui etiam cum compendio suo nolit mentiri. 2º non esse credulum. 3º certò esse persuasum de re, cui testimonium perhibet.

## LIB. III. PARS III.

## CAP. I.

*De Errore.*

1.  T melius de scientiâ & veritate  
judicemus, paucis spectabimus  
earum contraria, ignorantiam sci-  
licet & errorem: binos miseriz  
& infelicitatis nostræ, sed uber-  
rimos, fontes; quibus ex animis extirpandis,  
tum Logica, tum reliquæ omnes artes, scien-  
tiæ, & disciplinæ institutæ sunt. Simplicem  
equidem nescientiam, cui scilicet major dili-  
gentia vel opportunitas mederi possunt, mise-  
randam magis quam exagitandam; eam vero,  
quæ ex maliciâ & perversâ ingenii dispositione  
oritur, puniendam non informandam, existi-  
mo. Sed erroris originem & causas pro virili  
aperire operæ-precium esse arbitror. Illustris-  
simus Verulamius quatuor enumerat, quas Ido-  
la specûs, tribûs, fori, & Theatri appellat. Ter-  
minos illos utpotè nimis pomposos, & ipsam  
etiam divisionem utpotè nimis inartificialem;  
(cujus scilicet species nec satis distinctæ, nec  
totum divisum comprehendentes,) omittentes,  
aliam substituere conabimur.

2. Omnes vero *errores* sunt vel falsa notitia  
sive apprehensio; vel falsum judicium, sive  
assensus. Sensuum exteriorum operationibus  
error non inesse videtur; utpote qui naturali-  
tèr agunt & objecta sua vi innatâ sine delibe-  
ratione apprehendunt; sed circa ea objecta fre-  
quentèr

PA. III. CAP. I. *Artis Rationis.* 123

quentèr errari manifestum est; cum scilicet nimis propere & festinanter judicant facultates interiores; & esse objectum affirmatur, cum debeat tantum dici *videtur*. v. g. Solis diametrum bipedalem apparere necessarium est, & proinde verum; sed temere pronunciat eam non esse majorem, cum distantia ejus ab organo non consideratur. sic Ictérico omnia amara esse videntur, & verè sentitur objectum esse amarum; falsum tamen est illum v. g. potum aut cibum esse totale objectum, cum simul cum iis amaror quidam lingue prius adherens sensorium feriat. ita bonum judicatur, quod volupe tantum est, & sic de reliquis. Maiores verò & periculosiores errores sunt in Apprehensione per loquelam; nam sic erratur, vel cum verba malè exprimunt conceptus, quibus exprimendis instituta sunt, vel cum benè significantia perperam percipiuntur.

3. Supposito enim quod linguarum Inventores ab opinionibus omnibus liberi, naturæ ipsius incorruptæ ductum & ferè instinctum sequuti, vocabula rebus, prout videbantur, vere imposuerunt; accuratam tamen & Philosophicam veritatem fortè ubique non attigerunt. inde fit, ut opinio Copernici, five vera five falsa, præjudicio certe maximo laboraverit. Posterì verò, & maximè quidem viri docti, plures voces addiderunt; quibus è propriis opinionibus nonnulla admiscuisse diffiteri non possumus; hinc Universalia Realia, Distinctionum varia genera, modi, formalitates, & similia. Voces præterea valde ambiguae sunt etiam in rebus quotidiani usus, & earum æquivocatione decepti unum pro alio apprehendimus: & hinc est etiam quòd definitiones per-

sæpe adeo difficiles sint; sic Terra & globum hunc, & quasdam ejus, sed diversissimæ rationis, partes significat. Sic humidum dicitur; quod nullam vel minimam habet soliditatem; quod aliud corpus facile circumfunditur; quod per se est indeterminabilis figuræ; quod facile cedit tactui; quod facile dividitur & dispergitur; quod facile se unit & colligit; quod facile fluit & movetur; quod alteri corpori facile se infinuat, & illud madefacit. Unde sequitur secundum alias & alias Notiones flammam, aerem, pulverem, sive alcohol &c. esse humida. Defunt etiam multa rerum nomina, non tantum odorum, saporum & colorum, sed qualitarum aliarum, & humani animi dispositionum. unde fit ut vocibus utentes, sensa & cogitata nostra nec ipsi sæpe perfecte exprimere, nec alii sæpius recte concipere, possunt.

4. Maxima autem errorum messis habetur in judicio; tum ab assensu falsis præmissis, tum conclusionibus à veris præmissis perperam illatis; & hujusmodi Argumentationes fallacie dicuntur, de quibus seorsim. Assensus autem falsis præmissis procedunt vel à rerum sive objectorum ipsorum difficultate atque obscuritate; vel ab intellectus nostri imbecillitate: vel à malitiâ & negligentia affectuum; vel à consuetudine & educatione.

5. Rerum Obscuritas inde oritur, quod earum essentias (sensibus accidentia tantum percipientibus) non nisi argumentatione cognoscimus; & sæpe aliud *sint*, aliud *videantur*; quod (cum omnia sint diversimodè decomposita & mixta) operationes etiam, per quas in essentia cognitionem devenimus, diversæ in eadem, & similes in diversis speciebus reperiuntur; unde  
iidem



PA.III.CAP.I. *Artis Rationis.* 125

iidem effectus diversis causis, & eodem cause diversis effectibus attribuuntur. quod experientia cognoscere & laboriosum & difficile sit; tum quia partes impetum facientes, Partes etiam minores, & corporis ipsa contextura, visum sensusque effugiunt: nec modus datur aliquis corpora aperiendi nisi per ignem vel aquam; quorum neutrum partes naturæ solvebat, sed propriarum partium intromissione lacerat & destruit: hinc est quod de Principiis adhuc disputamus; & ea tanquam prima præsumimus, quæ non nisi ab aliis, idque perversâ generatione, fiant. Aristoteles quidem rectè quoad actionem & motum statuere principia videtur; sed qui corporum essentias, & ipsissima constituentia proferunt, vereor ne proprias imaginationes, & mera fragmenta nobis obtrudant.

5. Imbecillitas humani ingenii oritur ex animæ ad corpus relatione & dependentia. adeo ut nec perfecte sui juris sit, nec facultates suas libere & pro virili exerere possit. hinc fit ut inventio sit angusta, memoria labilis, & iudicium plerunque nimis incertum. ut adeo tarde artes & scientiæ incrementum suum acceperunt; nec adhuc cognoscitur an culmen attigerint. ut principia (quæ tamen primo & maxime nota esse oportet) æquè, si non & magis, difficulter eruuntur, ac conclusiones. Verum quidem est hanc imbecillitatem inscientiam producere magis quam errorem. non enim errat, qui omnia non comprehendit; vel qui non omnia accurate, & secundum præcisi-  
sam ejus veritatem, quæ in indivisibili & quasi in minimo consistit, cognoscit. erroris tamen occasio præbetur, cum sensibus nimis

præcipitanter creditur; ut cum dolorem esse corporis, quia in corpore sentitur, arbitramur. cum quod clare & distinctè tantum apprehendimus verum esse existimamus. v. g. cum opiniones vel notiones nostras, si sibi invicem coherere, nec sibi mutuo contradicere cernamus, pro certis & demonstratis habeamus. Hinc tot Mundi, Theologiæ, Artium, scientiarumque systemata & moduli. quorum quidem singula falsa esse possunt, & fortasse nec omnia integram veritatem continent. & de quibus Heraclitus olim querebatur, Philosophos scientias querere in mundis minoribus, suis sc: imaginationibus; non in maiori sive ipsâ naturâ. delectatur etiam intellectus liberis suis, & mavult sæpenumero à seipso decipi quam ab aliis informari.

6. Ab educatione etiam & consuetudine in errores sæpius inducimur: videmus enim nationes plurimas ordineque hominum opiniones gentiles, & peculiare consuetudines mordicus arripere & tueri. unusquisque etiam ferè notiones suas certo quodam modulo & forma effingit; cum intellectus ferè naturaliter omnia ad prius cognitum reducit. Sic Geometres omnia ad Geometriam; Physicus ad Physicam; Chymicus ad lapidem benedictum a trahit & committit. ad ea quæ semel amplexa est mens nostra (sive vera sive credita tantum) alia etiam omnia ad suffragationem & consensum trahit: & argumenta sive instantias in contrarium vel non observat (intus existente prohibente contrarium) vel contemnit, vel distinguendo rejicit. eo modo sc: quo Astrologi suis ineptiis delectari diligenter advertunt prædictiones quas impleri contingit, reliquas prætereunt & excusant,

excusant. Intellectus sc. se habet ut Menelaus, qui continuâ contemplatione imaginis Helenæ, quam in navi secum gestavit, adeo fasci-  
natus erat; ut cum veram Helenam in Paro  
vidisset, oculis non credidit. hâc etiam præ-  
possessione sive præjudicio usi præstigiatores  
& omne agyrtarum genus formant in imagi-  
natione quam volunt Ideam, ut deceptiones  
fraudesque superstruant.

7. A corporis etiam temperamento & affe-  
ctuum pravis dispositionibus aliæ oriuntur er-  
randi occasiones. biliosus aliter dictum inter-  
pretatur quam melancholicus, quam hilaris;  
aliqui etiam citius apprehendunt, alii melius  
judicant: pauci ex iisdem apprehensis eadem  
cogitata ( nisi qui ex arte judicant ) fabri-  
cant. nihil autem æque judicium pervertit ac  
affectus & passiones. hinc enim fit, quod alii  
ex ambitione plus aliis sciendi, gloriamque ab  
aliis detrahendi, omnia noviter inventa, vel ab  
inferiori dicta contemnunt; & suis sibi com-  
placent, eaque importune satis venditant. lu-  
cro deditus eas solum opiniones amplectitur  
quæ cupiditati suæ favent, vel quæ in usu &  
à pluribus habentur. alii alios admirantur, &  
eorum, quos sibi duces elegerunt, placita abs-  
que examine admittunt, nec ultra quærun-  
t. aliis etiam frequenter invidemus, nec veritatem  
(quam tales amplectuntur) sequi volumus, ne  
minores ipsis videamur. A negligentia fit,  
quod non adhibemus omnimodam probatio-  
nem, quæ haberi etiam facile potest. ut cum  
in philosophicis authoritati adhæreamus neg-  
lectâ experientiâ, experientiæ neglectâ ratione,  
rationi ipsetâ authoritate, vel testimonio quo-  
rundam aliis neglectis. Quod assentimus sine

diligenti examine illius quod in contrarium dici potest; quod plerunque fit cum aliquantulum sententiae probabilitatem conspiciamus, vel saltem partium ejus mutuam correspondentiam. Maxime autem & frequentissime erratur, cum Universalem propositionem sine sufficienti particularium vel minus Universalium enumeratione inducimus. ut cum dicimus, hoc & illud &c. animal inferius mandibulum in mandendo movet; ergo omne. non hoc nec illud &c. ergo nullum, animal terrestre est squamis tectum. hoc & illud &c. est incertum; ergo omnia. hic & ille &c. convaluit sine medicina; ergo omnis medicina inutilis. Sic frequenter disputando erramus non sufficienter enumerando membra alicujus divisionis; ut, si detur condensatio, sequitur vel dari penetrationem corporum vel vacuum. male enim arguitur, cum potest fieri exclusionem corporis tenuioris. Si corpus movetur, tum vel ad plenum vel ad vacuum. & similia.

8. Quod si quis querat, cur tanta nobis in cognitione incertitudo; & quare nos Deus creaverit tot errandi occasionibus obnoxios; Responso facilis est. Quod hoc modo virtuti & industriae nostrae consuluit; cum veritas non magis quam virtus haberi possit nisi passionum & affectuum immoderatorum rejectione, & seria animi ad verae felicitatis viam applicatione. Opus est ut anima, quae praemium expectat, habitibus & arte, maxime rationis, perficiatur. ignavos scilicet coronam accipere, quem diligentes tantum merentur, non decet. Quinetiam veritatis cognitioni strenua danda est opera, ut doctus à sciolo, prudens ab inepto, secernatur; & ut non levi quovis & inge-

PA. III. CAP. I. *Artis Rationis.* 119

nioso discursu falli & decipi necesse foret. Sapiientissima etiam Providentia rerum omnium pretiosissimam absque sudore parari prohibuit; & cum aliis animalibus victum & vitæ necessaria non nisi labore & fatigatione concesserit, nobis summam dignitatem gratis elargiri noluit. Nec tamen diffitendum est, quod in maximi momenti veritatibus, singulis etiam tenuioribus ingeniis consuluit; cum eas non sensu, ratione, arte, aut scientiâ, sed fide tantum apprehendi curavit: & cum cætera obscura vel dubia sint, de æternæ beatitudinis consequendæ mediis omnes etiam indoctos certos & securos esse voluit. filiumque suum misit, non ut scientiam rerum naturalium (de quâ ne verbum quidem per totam vitam Mundi ipse Creator protulit) sed fidem doceret.

C A P.

## CAP. II.

*De Fallaciis,*

**Q**Uæ sunt falsæ Argumentationes, habentes tamen speciem verarum; suntque multis modis.

1<sup>o</sup> Quando aliquis terminus est æquivocus, sumiturque in unâ Propositione in uno sensu; in aliâ, alio. æquivocatio autem dicitur vel à significatione i. e. quando diversa significat, ut

Quod caret principio & fine est æternum,  
Circulus caret principio & fine, ergo.

Ubi principio & fine in majori sumitur pro Principio & fine durationis, in minore longitudinis.

Hæc fallaciâ usus est dux ille, qui cum inducias cum hoste pro triginta diebus pepigisset, invasit eos nocte: Et Romani, qui promittentes Antiochô remittere dimidium navium, quas cepissent, naves omnes per medium secabant: Et cum Carthaginensibus pacti sunt civitatem salvam, cives omnes exire jusserunt, urbemque incenderunt, dicentes civitatem non esse muros sed incolas.

Vel à suppositione, cum scilicet terminus in diversis propositionibus aliter atq; aliter supponat; ut unum est Passio Entis, unum est idem cum Ente, ergo Idem est Passio sui ipsius. Rationale & homo sunt idem reale, sed rationale est differentia & homo est species, ergo differentia & species sunt idem realiter. In quibus unum in Majori, & rationale in minori supponunt simpliciter, in aliis verò personaliter.

ter. Sic si dicatur isti, Asini sunt Episcopi, est æquivocatio respectu casus.

2<sup>o</sup> Quando tota sententia est ambigua, & potest exponi duobus modis. Ut Edvardum occidere noli, timere bonum est; Et Edvardum occidere noli timere, bonum est. Octennium superat decennium biennio. Octennium superat sexennium biennio. Ergo sexennium est æquale decennio.

Omnis homo est sanus vel æger. duobus modis intelligitur 1<sup>o</sup> quod omnes homines sunt sani vel omnes homines sunt ægri, quod falsum est: 2<sup>o</sup> Ista vox sanus vel ista vox æger prædicatur de quolibet homine, sic est verum.

Hæc Entitas (v. g. perfectitas, personalitas &c:) Socratis est aliquid; duos enim sensus habet hæc propositio. 1<sup>o</sup> quod entitas (quæ est quiddam distinctum à Socrate, & quam Socrates habet) est aliquid, & hic sensus est falsus. 2<sup>o</sup> Socrates, qui est hoc ens, est aliquid: & est verus.

Motus est in mobili, dupliciter intelligitur; vel quod motus est res distincta à mobili, eique inhaerens, & hoc falsum est; vel quod mobile moveatur, quod verum est.

Deus vult malum dupliciter dicitur. Deus vult aliquid, & illud est malum, & in hoc sensu potest concedi Propositio; 2<sup>o</sup> Deus vult aliquid, quod non debet velle, & hoc falsissimum est.

Hujusmodi etiam sunt, Deus habet sapientiam; Ens habet essentiam. Negatio est à parte rei. Potentia corrumpitur adventu formæ. Diversi modi essendi possunt eidem rei competere; quæ Propositiones è supra-dictis facile explicantur.

Huc

Huc referuntur illæ Propositiones, quæ ex diversitate determinationum varios habent sensus; ut in Concilio Ariminensi, Ariani proposuerunt anathema ei, qui asserit Christum esse creaturam, ut sunt cæteræ res creatæ: hic Catholici intelligentes istas voces, ut sunt cæteræ res creatæ, ut determinationem explanantem, consenserunt, cum Ariani eas ut restringentem sumpserunt, Christum scilicet fuisse creaturam, sed non qualem reliquæ creaturæ; quâ fallaciâ deceptus orbis Christianus subito & inopinato se factum Arianum mirabatur.

Omnes omnium hominum servi sunt fures, falsum est, si intelligatur aliquos esse servos omnium hominum; verum, si intelligatur nulum esse hominem, cujus non omnes servi sint fures.

Omnes utriusque sexus quotannis proprio Sacerdoti consentitur i. e. omnes Hermaphroditi. Inquit Calvinus.

Ducebantur ad supplicium cum Domino duo alii nequam, non quod Dominus sit nequam, sed cum eo ducebantur duo alii, iique nequam.

Si queratur an possit concedi Deus genuit alium Deum: si alium & deum ita sumantur ut se mutuo determinent, concedi non potest; sed si intelligatur Deus genuit deum, eumque alium à se. i. e. personam diversum, vel genuit alium eumque Deum, concedi potest.

3<sup>o</sup> Quando quis arguit à bene divisis ad male composita, aut à bene compositis ad male divisa, quæ dicuntur Fallaciæ compositionis & Divisionis,

Francia est unius Regis.

Hispania



Hispania est unius Regis: Ergo Hispania & Francia sunt unius Regis.

Quatuor est numerus par.

Tres & unum sunt quatuor; Ergo sunt numeri pares.

Sic Dominus dicit cæcos videre, surdos audire &c. i. e. eos, qui erant cæci, surdi, &c. Sic in hoc syllogismo; qui surgebat stat, sedens surgebat, ergo sedens stat: ubi subjectum minoris ampliatur; & significat, Qui sedebat. Et multæ quidem sunt acceptiones differentiarum temporis, quæ propositiones obscuras, æquivocas & fallaces reddunt: quum præsens tempus aliquando significet tempus indefinitum; ut Lilium nascitur inter spinas; aliquando statum, habitum, consuetudinem, officium &c. non actum; Ut, Carolus regit Angliam, verum est, quando Rex dormit. N. docet Oxoniæ, etiam iis horis, quando non prælegit: aliquando etiam præsens & præteritum, ut sedens surgebat. i. e. qui vel nunc sedet, vel qui prius sedebat: aliquando futurum etiam; vivens morietur. i. e. qui nunc vivit, vel post vivet: aliquando omnia alia tempora, ut natus moritur. i. e. qui nunc, qui olim, qui posthac.

Quæ omnia potius verborum sensu & usu discenda sunt, quàm multitudine regularum de Ampliatione, Distractione &c. Et cogitando quidem fient hæc omnia manifesta, & melius resolvuntur dicendo ea habere diversos sensus, quàm distinguendo multiplicare terminos, qui rebus per se satis intricatis magis augment difficultatem. Sic istiusmodi Propositiones, Puer fuit senex, Meretrix erit virgo, Vir adolefcent, facile potest quis interpretari, sensum explicando hoc modo; scilicet, Isaac v. g. qui

M

fuit

fuit puer, fuit postea senex. Thais, quæ erit meretrix, prius erit virgo. futurus quispiam vir, adolescet prius.

Huiusmodi sunt. Possibile est sedentem ambulare. possibile est verum esse impossibile. possibile est prædestinatum damnari.

Si ad audiendum aliqua auris est necessaria, tum vel dextra vel sinistra.

Omnia femina est casta vel impudica.

Omnia femina non est casta, ergo omnia femina est impudica.

Fallacias Accentus & figuræ dictionis, utpotè nimis obvias, omisimus.

4<sup>o</sup> Quando, quod dicitur de aliquo tanquam accidens, sumitur ac si diceretur per se; dicitur fallacia Accidentis. ut.

Homo continet sub se diversa Individua.

Socrates est homo. ergo continet sub se diversa Individua.

Qui dicit te esse animal dicit verum.

Qui dicit te esse asinum dicit te esse animal. ergo.

Respondetur maiorem non esse veram, sumatur particulariter, nec esse universalem re veram, nisi sic enunciatur; Qui dicit te esse quodvis animal dicit verum, sed tunc etiam est falsa. Huiusmodi sunt etiam illæ; Quæ mortificat opera carnis salvabitur: quæ non est vera, nisi dicatur, omnia opera carnis. Homo mingit quod bibit. sed bibit vinum, ergo.

Sic Epicurei probarunt Deos habere figuram humanam, quia in nullâ aliâ habeatur ratio cum sit per accidens quod ratio insit tali figuræ prædico.

4<sup>o</sup> Quando quis probat aliquid, quod non est queritum, dicitur ignoratio Elenchi: ut

cut

cum non inferatur verè contradictorium Propositionis negatæ; sive fallat in aliquâ conditionum contradictoriorum, ad idem, secundum idem, eodem modo, & eodem tempore. sic cum quis probet contra Parmenidem dari (materiam scilicet & formam) si ille asserat tantum dari unum principium (efficiens scilicet.)

6<sup>o</sup> Cum arguitur à quæsito tanquam à concessio; sive cum quis supponit verum esse quod quæritur, non quidem in terminis, sed vel per æquivalentiam, vel consequentiam; vel cum quis arguit ex æque incognito, Dicitur fallacia Petitionis principii. Quod non perdidisti, illud habes: cornua non perdidisti. Ergo. supponit enim te habuisse cornua. Sic Raynaudus, ut probaret Deum esse, supponit ens rectè dividi in ens per se & ab alio. Sic qui definiunt, Sortes esse invocationem divinæ justitiæ ad judicandum de rebus dubiis, & deinde arguunt sortes non esse licitas in rebus levibus v. g. ludicris, & similibus.

7<sup>o</sup> Quando arguitur ab eo quod videtur causa, sed non est causa, dicitur fallacia à non causâ ut causâ.

Quod facit bonum est bonum.

Mali Mores faciunt bonas leges. Ergo.

Quod facit malum est perdendum.

Vinum, Eloquentia, Medicina &c. facit malum. Ergo.

Si Tempus nunquam foret, nunquam esset nox.

Si nox non esset, dies semper esset.

Si dies semper esset, esset aliquod tempus. Ergo. Si nullum esset tempus, esset aliquod tempus.

Qui magis esurit, plus comedit.

Qui minus comedit, plus esurit. Ergo.

Qui minus comedit, plus comedit.

In Philosophiâ usitatissima est hæc Fallacia, dum scilicet homines, ne quid ignorare videantur, quidlibet fingunt, & pro causâ venditant. Sic Astrologi, qui omnia, etiam actiones nostras liberas, stellis attribuunt. Sic qui omnia ad sympathiam, virtutes magneticas &c. referunt. Sic qui arguunt calorem fieri post ortum Sirii, ergo fieri à sirio; æstium maris consequi Lunæ motum, ergo ab eâ fieri, omnes peccant hac fallaciâ.

C A P. III.

*De Methodo.*

1. **B** Inse sunt Methodi Argumentandi. prima à principiis ad conclusiones, estque ordinaria, & dicitur synthetica. secunda à conclusionibus ad Principia, diciturque Analytica; sitque vel affirmando & asserendo, vel negando & destruendo principia.

Methodus Analytica inservit magis inveniendæ veritati; Synthetica docendæ; Analytica quæstionibus dissolvendis, Synthetica scientiæ tractandæ.

Quæstiones sunt v. g. cum per effectus inquiruntur causæ, vel per causas Effectus; vel totum per Partes, vel Pars per totum; vel aliud æquale &c.

2. Requiritur autem 1<sup>o</sup> ut quæstio distinctè & perspicuè intelligatur i. e. ut perfectè cognoscatur nodus difficultatis, sive quid sit notum, quid quæsitum; neque pro vero habendum, quod non sit certissimè verum, vel conditiones alias admittendo, vel datas rejiciendo.

2<sup>o</sup> Ut detur aliquid notum, aliud vero sit ignotum; nec in universalibus consistendum est, sed dandum est tantum unde reliqua inveniantur; ut non proponitur facere perpetuum mobile.

3<sup>o</sup> Ut Analysta suppellectilem habeat sufficientem propositionum aliarum, quæ cum datis collate inventioni quæsitæ sufficiant.

4<sup>o</sup> Ut inveniatur quæsitum; oportet attentissimè considerare omnes cogniti circumstantias, æqualitates cum aliis; comparare unum cum

alio, diversis modis (ab Oughtredo descriptis. Clavis.c. 16. 18.); donec aliquid obtentum sit, quo in cognitionem ignoti deveniatur.

Difficilis est autem hæc inventionis Pars, neque ei possunt dari Regule sufficientes, cum praxi & experientiâ tantum acquiratur.

Geometræ Analytæ, si quæsitum sit Theorema, supponunt esse verum; si Problema, esse possibile: & deinde quærent quidnam inde sequeretur, versando singulas quæsitæ partes, & æqualia; incipiendo à simplicioribus & magis cognitis; inde ascendendo ad ignotiora; nec cessant, donec in aliquam Propositionem inciderint, unde veritatem vel possibilitatem affirmant vel negent.

3. Methodus verò synthetica incipit ab universalioribus, & inde ad particulariora descendit; Nam si à Particularibus ascenderet, sæpius idem (universale scilicet) repetere necesse esset, & confusio in conceptibus introduceretur: hæc methodo scientiæ omnes tractantur & docentur. Perfectissimæ autem sunt Mathematicæ, & inter has Geometria; cujus tractatores has observant Regulas.

1<sup>o</sup> Nunquam utuntur termino ambiguo, & proinde semper præmittuntur omnium terminorum definitiones.

2<sup>o</sup> Nunquam arguunt nisi ex Principiis certis, & indubitatis; quare ponunt Axiomata & postulata.

3<sup>o</sup> Nunquam arguunt nisi virtute syllogismorum perfectorum.

Quos si reliqui scientiarum Tractatores imitarentur, major profectus reperiretur, quam habemus.

Exemplum: doctrinæ Syntheticæ, ejusque  
usus

us & dignitatis etiam in historiâ naturali nuper in lucem edidit doctissimus Morisonus, in specimine suo de umbellis. in quo, definitione primò umbellarum posita, à partibus Plantæ non quidem essentialibus at principalibus certe desumpta, per diversas differentias ad species infimas procedit. Definitio vero talis est, Planta Umbellifera est, quæ habet summitatem rotundam caulis fastigio innixam; unde plurimi radii orti, floribus quinque-petalis coronati, quasi superficiem constituant: quibus floribus decidentibus succedunt bina semina ex partibus pronis simul conjuncta. Verum quidem est differentitiis non semper sua constare nomina, quod sæpius ante monitum est; quoniam à partibus exterioribus per sensum desumuntur: & non à formis; quarum actiones primariæ & principales, per quas in formarum cognitionem devenire solemus, non cognoscuntur, nec nisi maximo labore & jugi experientia cognosci possunt.

Præterea observandus est modus Universalis faciendi, ex collatione sc: plurium individuorum (hic quidem in partibus integrantibus) reperitur similitudo sive convenientia aliquorum; quæ idcirco dicuntur esse ejusdem speciei. ex collatione rursus diversarum specierum fit genus, similitudinem significans istarum specierum. ex collatione rursus generum diversorum fiunt genera superiora; donec ad supremum in sua classe deventum est. Hæc ergo tabula symbolum sit & exemplum Universalium, generum sc. & specierum (vice arboris Porphyrianæ sæpius repetitæ) sicut & utilitatis Methodi syntheticæ, cujus auxilio tot, tam facile, tamque brevi tempore addisci poterint.

terint. optandum est ut idem in reliquis etiam  
historiæ naturalis partibus præstaretur, quod  
Morisoni diligentia & jugi observatione in plan-  
tis jam præstitum est. dolendum vero est nomi-  
na tam inartificiose imposita, quæ (si mutare li-  
ceret) ex hac methodo multo commodius dari  
possint.

## C A P. IV.

### *De Methodo scientiarum habitualium.*

1. **S**ubjectum in scientiâ actuali, sive assen-  
su uni conclusioni demonstratæ, est sub-  
jectum illius conclusionis; & conclusio ipsa  
est objectum; sive illud quod scitur. Quare  
subjectum scientiæ habitualis est subjectum  
plurium conclusionum in illâ scientiâ: sive est  
terminus communissimus in aliquâ scientiâ  
consideratus; non excedens limites illius sci-  
entiæ; & ad quem omnia, vel saltem plera-  
que, in illâ scientiâ considerata habent ordi-  
nem & attributionem. Objectum verò non est  
una, sed plures Propositiones spectantes ad sci-  
entiæ illius subjectum.

2. Scientia enim habitualis non requirit, ut  
sit una unitate formali; sed sufficit, si sit ag-  
gregatio plurium habituum & actionum circa  
plures conclusiones, quarum aliquæ cognosci  
possunt per experientiam, aliæ per opinionem.  
Nam non requiritur ut omnes conclusiones in  
scientiâ sint demonstratæ; sed sufficit, si vel  
directè, vel necessariò, vel etiam utilitèr con-  
ferant ad cognitionem subjecti. Nec requiri-



ut ut subjectum primum scientiæ virtualiter in se contineat notitiam omnium veritatum illius habitus.

3. Idem subjectum non potest tractari sub eadem ratione in diversis scientiis; sub diversis autem potest, maxime si illæ scientiæ sint subalternæ.

Scientiæ autem vel sunt subalternantes, quæ sunt scientiæ generaliores, five quarum subjecta sunt magis communia; vel subalternatæ, quarum subjecta sunt termini minus universales, & quæ non possunt apprehendi, nisi generalioribus prius apprehensis. Distributio autem scientiarum, quæ hodiè obtinet, facta videtur Doctorum consensu, qui notitias de subjectis obscurioribus, vel magis sterilibus, scientiæ proximæ applicarunt; & pro commoditate discipulorum plus vel minus unicuique scientiæ tribuerunt.

4. Unaquæque vero scientia subalternata, sicut à superiori sumit subjectum suum, scilicet & quod subjectum, verè & realiter sit ens; & etiam quid sit five ejus definitionem, ita etiam ab eadem habet sua principia; per quæ conclusiones suas demonstrat. Nam quæ sunt conclusiones demonstratæ in superiori, five subalternante, possunt esse principia in subalternatâ: Et proinde scientiæ subalternatæ strictè loquendo non sunt scientiæ, nisi quatenus cum subalternantibus conjunguntur; & cum his unum scientiarum aggregatum efficiunt: Quare etiam vera scientiarum Methodus est, ut à generalissimis incipiatur; cum inferiores evidentiam suam semper à superioribus mutuuntur.


5. Terminum omnium communissimi sunt, Ens,

Entis ejusque synonyma; termini item, qui promiscuè de omnibus prædicantur, vel singuli de singulis, vel una specierum de singulis: illiusmodi sunt, unum, bonum, verum, secundum opinionem communem: hujusmodi vero, Perfectum, imperfectum, Totum, Partes, simplex, compositum, idem, diversum, & similes; Et omnes hi in *Metaphysica* tractantur. ad quam etiâ reducuntur cognitiones specierum Entis sive substantiæ & Accidentis in genere; & in specie de nobilissimâ substantiæ specie, sc: immateriali. Terminus proximè Universalis est Corpus, de quo tractat *Philosophia naturalis*, & de terminis sequè latis, sive de Proprietatibus ejus, quantitate, figura, loco, motu, tempore, qualitibus &c. sicut & de speciebus: Quam verò ad species inferiores ventum est, habet unaquæque jam non suam scientiam sed historiam, sive noticiam experimentalem.

De homine verò (quia de ipso plus cognoscitur utpotè magis & plenius considerato) plures sunt sive scientiæ sive disciplinæ, sicut *Medicina* de ejus sanitate cum suis sive partibus. Sive subalternatis: & *Practiciæ* Disciplinæ sive prudentiæ de ejus operationibus in ordine ad alios, sive de Rebus. Sed de his non est hic locus amplius differendi. Viri docti hoc olim sategerunt, ut omnes terminos in certas classes distribuere, & omnes istarum classium in aliquam disciplinam conjicerent, ut de quovis, quod sciri potest, methodicè & ordinatè cognosceretur. Et hujus Instituti tanquam Instrumentum principale, si non & unicum, *Logicam* statuerunt; cujus beneficio in omni cognitione & scientiâ *Ratio* & *Intellectus* dirigeretur.

III.

pro-  
li de  
liuf-  
opi-  
tum,  
posi-  
hi in  
antur  
ze &  
ffimi  
ninus  
tractat  
latis,  
d, lo-  
& de  
ven-  
enti-  
alem.  
nolci-  
lures  
licina  
Sive  
e pru-  
d ali-  
locu  
tege-  
tribu-  
m di-  
sciri  
ur. Ex  
ocipa-  
t; cu-  
lencia



Pag.

I

u

m

p

p

e

7

2000000  
1000000

2000000

2000000

2000000

## ERRATA.

Pag. 18. l. 33. omnes. 36. unam. alteram. p. 19.  
l. 10. aliquod significat. p. 25. l. 31. possunt  
vel definiiri vel. p. 28. l. 28. affirmativum &  
negativum. p. 50. l. 14. pro animal l. rationale.  
p. 60. l. 16. alia excludit. p. 99. l. 18. ei, quod  
p. 101. l. 12. quorum. p. 120. l. penult. facta  
esse dicuntur. p. 115. l. 13. non uxorem ductu-  
rum.



2. Semine rugoso sive Cactarys femine.	superior { major { plano. { minore { Semine minori frusto.	Neum sparium. Bulbocastanum. Selinum montanum pumilum. Vitis sive gingidum. Saxifraga pannonica. Feniculum. { Vulgare. { Dulce. { Italicum. { Levisticum. { Levisticum. { Siler montanum. Major. { Siler Aquilegie folia. { Angelica.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Folii feniculactis.	Semine majori frusto.	Ominum. Meum Athamanticum. Imperatoria. Astrantia. — Major. Minor. Smyrniolum. — Major. Minor. Levisticum. Siler montanum. Major. Minor. Siler Aquilegie folia. { Angelica.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Folii lobatis.	Major femine frusto majori. Minor femine frusto minore.	Sium. Sisyrinchium. Sium. Pimpinella Saxifraga. Oenanthe. Citharidium. Sedum. Cicuta. Anemum. Carum. Anisum. Pyrethrum. Apium.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Folii plurifariam divisa.	Major. Minor.	Critonum. Sedum. Cicuta. Anemum. Carum. Anisum. Pyrethrum. Apium.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Folii quid peculiare referentibus.	Bupleurum. Perfoliatum.	Anemum minimum. Perennia. Perennia. Anemum.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Alis foliaceis. Laserpitium, lobis.	Laserpitium. Angustifolium.	Sedum. Laserpitium. Angustifolium.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Alis foliaceis. Thapsia.	Thapsia.	Thapsia.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Villoso.	Ducus sive Petasaca. Tenuifolia, Carota.	Ducus sive Petasaca. Tenuifolia, Carota.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Echinaceo sive aculeato.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Folii feniculactis.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Folii lobatis.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Folii plurifariam divisa.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Levi.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Striato.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Alba. Violacea. Canadensis.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
major.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
marina.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
montana, folio.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Semine umbilicato.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Arvensis.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Cornucopiosides.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Scabioze femine.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
minor.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
major, spica.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Triquetra.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Siliqua.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.
Thallus.	Quercus sive Echinaceo. Quercus sive Echinaceo.	Quercus sive Echinaceo. Quercus sive Echinaceo.	Lucida Canadensis. Sylvestris minor. { Latifolium. { Angustifolium. { Ad alas floridum. { Rugosus foliis trifidis & densis. { Pumilum feniculaceis foliis.

Propter dista.

Improprie dicta.

Panx umbel-  
lata est vel.

Floribus purpureis.  
Floribus luteis.  
Rugosus trifidis.  
{ Dodonaei.  
{ Fraxinifolius. C. B. P. & Prod. def.  
{ Levibus muscariis. —  
{ Rugosus trifidis.  
{ Dodonaei.  
{ Fraxinifolius. C. B. P. & Prod. def.